



15
B
/

6

1-C

31




Ex Bibliotheca
majori Coll. Rom.
Societ. Jesu

73-65

18

6. 1. 6. 31. 18



Rubens' Electrod. 54-11

$$\frac{H}{\frac{1}{SS}}$$

THE

Colleg. Rom. Societ. Jesu

PHILIPPI RVBENI
ELECTORVM
LIBRI II.

In quibus antiqui Ritus, Emenda-
tiones, Censuræ.



Catalog. EIVSDEM *Inscript.*



ad IVSTVM LIPSIVM Poëmatis.

Bibliotheca Sacra. Coll. Rom. Soc. Jesu



ANTVERPIAE,
EX OFFICINA PLANTINIANA,
Apud Ioannem Moretum.

MDCC. VIII.

B. S

THE UNIVERSITY OF CHICAGO

LIBRARY

500 EAST 57TH STREET

CHICAGO, ILL.

RECEIVED

APRIL 10 1964

THE UNIVERSITY OF CHICAGO
LIBRARY

500 EAST 57TH STREET
CHICAGO, ILL.

RECEIVED

APRIL 10 1964

THE UNIVERSITY OF CHICAGO
LIBRARY

500 EAST 57TH STREET
CHICAGO, ILL.

NOBILISS. ET AMPLISS.
 DOMINO
 IOANNI RICHARDOTO
 SENATVS BELGICI
 PRINCIPI.

BIBLIOTHECA
 ROMANA
 VATICANA

BIBLIOTHECA NAZIONALE
 ROMA



Præsumptio profectò dignitas est
 eorum qui sedent in puppi,
 clauumque Reipub. tenent ac
 gubernant. Sunt enim arbitri
 rerum humanarum, imò velut
 mens & anima ciuitatis, ac su-
 premi rectoris vmbra quædam & imago. Ve-
 rùm hanc fortunam vt multi cupiunt, ita
 pauci numero capiunt. Ad scientiam prin-
 cipem & dominam (ita ciuilem hanc Peripa-
 teticorum ille coryphæus indigitat) magnis
 opus est præfidiis & adiumentis. Habet am-
 plissimus iste honos suum onus, cui sustinen-
 do prudentiâ ac virtute, quasi gemino tibici-
 ne, fulciri debet. *Plura enim, vt benè animadu-
 uertit historicorum prudentissimus, in summâ
 fortunâ auspiciis & consiliis, quàm telis & manibus
 geruntur.* Idcirco dux ille Græciæ, quod præ-
 clarè notat eloquentiæ Romanæ antistes,

numquam optat, A iacis vti similes decem habeat, sed vt Nestoris: id si contigerit, non dubitat, quin Troiam, cum facili negotio, tum breuissimo tempore, sit expugnaturus. Et his te gradibus, PRAESES AMPLISSIME, qui nostræ es ætatis Nestor, &, vt ille,

*--hominū
longè opti-
mus unus
Consilio &
sermone.

— * βεβητῶν ὅχ' ἀεὶς ἀπάντων

Βαλὴ καὶ μύθοισιν,

in id euectum videmus, super quod ascendi non potest. Hinc singularis illa SERENISS. erga te PRINCIPVM caritas: sed & omnium, quotquot ipsis triginta vel amplius abhinc annis hisce regionibus cum imperio præfuerunt. Mira certè res, & pænè supra fidem, diuersis ex æquo placere, & apud plures vnum eundemque gratiæ & auctoritatis locum obtinere. Sed nimirum magnæ virtutis ea vis est, vt sine lenociniis, sine conciliatriculis ipsa se commendet; & quamuis nihil ad gratiam faciat, omnia tamen sint grata quæ facit. Quinetiam vel inuitam vltro ipse vestigat & ambit Honor: vtque prouidus ac diligens nauarchus nauigandi peritissimos, architectus ædificandi, legit & assumit; ita boni prudentesque Principes eos asciscunt sibi consiliarios & adiutores, quos aptissimos ad Rempub. & idoneos maximè iudicant. Cuius quidem ordinis atque loci non minùs meri-

meritis quàm dignatione sine controuersia
 longè tu princeps, qui congestis omnibus à
 Deo bonis, ita imples omnia, quemadmo-
 dum alij singula; præterque excellens inge-
 nium, raram doctrinam, multarumque no-
 titiam linguarum (quas quidem singulas sic
 tenes, nullam vt aliam scire videaris) eam
 prudentiam eumque rerum vsum possides,
 vt viri πολυπρωτατε germana quædam effigies
 & simulacrum existas. Quicquid grauiter ac
 prudenter in legationibus obeundis, fœderi-
 bus fanciendis, omnique administratione
 Reipub. ex quo Dei benignitate guberna-
 culis admotus es, in terrâ Belgicâ gestum est,
 id est eâ quâ nulla nostro sæculo vel fortunæ
 ludo magis exercita; vel plures & maiores
 rerum conuersiones & vidit & sensit, tuâ
 potissimum ope, tuo consilio gestum est.
 Quod pro tempestate & procellâ belli Gal-
 lici, quæ tam atrociter in nos detonuit, pri-
 stina serenitas, velut postliminio, restituta:
 quod ab Angliâ tranquillitas, & Alcedonia
 in illo mari, quod decumanis antea flucti-
 bus agebatur: quod libera denique cum vtro-
 que regno commercia, & quibus vnaquæque
 præ ceteris abundat regio, cum vicinis ea li-
 beraliter participat, teterrimæque belli cla-
 des in bona pacis conuersæ sunt: id optimis
 3 quidem

quidem PRINCIPIBVS, quorum auspiciis, sed
& tibi, cuius maximè ductu res gesta, acce-
ptum ferri debet. Et, Deo faciente, iam ac-
cedet palma tertia: iam aliquando Christia-
num

— *pax missa per orbem*

Ferrea belligeri compescet limina Iani.

Ita spondent tum industria ac prudentia tua,
tum illud dulce loquendi pondus, quo in
quamvis cumque partem animos inclinas, &
Gallicani instar Alcide, leni quadam & blan-
dâ vi rapis: sed & nescio quis Genius, qui
conatus tuos secundat, & quicquid suscipis,
quicquid aggredieris, ad felicem exitum per-
ducit. vt meritò de te dici possit; quemad-
modum in fabulis Anij regis filia quidlibet
tactu sui vertebant

In segetem laticemq, meri baccamq, Minervae,
sic vbique facundiâ, prudentiâ, felicitate tuâ,
discordiam concordiâ, tumultum otio, bel-
lum pace commutari. O laudem insignem
& omni omnino præconio maiorem! Quid
habuit Græcia, quid Italia præstantius? Eat,
eat ostentatrix sui vetustas, triplicique Pom-
peij curru laureâque gloriatur; multò certè
laudabilius fuerit, terna (terna, inquam, ani-
mo bonæ spei pleno) grauissimorum incen-
dia bellorum exstinxisse, quibus non tantum
Europa, sed etiam sola terrarum vltimarum,
& alio

& alio calentes sole populi conflagrarint. Iactet illa licet inclyta nomina titulósque deuictarum cruore gentium óblitos, Nicatoras, Poliorcetas, Callinicos, Asiaticos, Macedonicos, Africanos; omnibus illustrior & tum Deo tum hominibus, qui mite genus sumus, multò gratior & acceptior titulus PACATORIS. Quòd si lumen illud & ornamentum Athenarum Pericles omnibus suis & victoriis & præclaris in repub. factis anteposuit, quòd eius operà pullam nemo vestem induisset; quantà dignum prædicatione, quòd operà tuà pro pullà candidam omnes sumunt, omnes quasi nouum adepti fatum, gaudio gestiunt & exsultant? quam ego laudationem, quæ eulogia cum vocibus illis publici sensus indicibus conferam, quibus communis quasi parens, & à POTENTISSIMO REGE & SERENISSIMIS PRINCIPIBUS proximus publicæ felicitatis auctor, publicè passim & priuatim audis? Nam ita profectò res est: cessit, cessit liuida illa Dea, quæ plerumq; eminentis fortunæ comes. Emergit è tenebris Veritas, lucémque suam latè distulit ac diffudit. Nemo non videt, quā caritate publico te impendas; vtque siderum modo, quæ irrequieta semper cursus suos explicant, quasi in perpetuà quadam vigiliâ, num-

numquam oculos à republicà dimoueas, & in tanto rerum vndique accurrentium congestu vix otiosum spiritum ducas, vt cunctis negotio tuo otium, curà ac sollicitudine securitatem præstes. Sed hæc vnus angustiiis epistolij velle concludere, id verò sit

• *magnum
vate per-
transire
profundū.*

— * *ἡ δὲ πρῶτη μέγα λαΐμα θαλάσσης.*

Ibunt in Fallos & Annales: & vt quisque scriptorum veritatis erit studiosissimus, ita plurimùm in laudum tuarum commemoratione versabitur. Nos aliqua libanda dumtaxat existimauimus, omnibus vt perspicuum foret, vel magnitudinis tuæ contemplatione, deligendum vnum ante alios te fuisse, cuius amplissimum huic pagine nomen inscriberem: vt eo velut vmbone aduersus maledicentiæ tela tutus tectusque essem, eiúsque solo vel splendore, non aliter quàm Achillis aspectu Phryges ac Barbari, Calumnia, quæ semper in procinctu, perculsa pedem referret. Nec enim metuo, ne quis hæc ipsa tenuiora censeat, quàm vt offerri decorè tibi possint. Notum nimis ac testatum, quarum olim artium exististi cultor, earum nunc esse patronum; atque etiam in loco, quando cum influentibus negotiis paria fecisti, laxando paullulùm animo, respicere eas & recolere. Neque verò minùs apud omnes peruulgata,
facili-

facilitas & humanitas tua singularis, & illa
difficillima comitatis cum grauitate societas.
Postremò scitur (& quo sciatur, nihil ego re-
liquum mihi facio) quibus & quantis tibi
beneficiis sim vadatus. Constat me proflu-
xisse è fonte domus ac disciplinæ tuæ, quam-
que præcipuam duco felicitatis meæ partem,
ære & librâ tuum esse, meosque adeò labo-
res ex asse tibi deberi. Quod igitur non mo-
dò consuetudinis muta lex, verumetiam of-
ficij sanctissima religio iubet, hoc Amplitu-
dini tuæ scriptum, maximam partem Romæ
concinnatum, velut *ἀνάμνημα* tutelari Numini,
do, dico. Vt optimi consulas, per ego tuum
te Genium obsecro & obtestor; Deum au-
tem OPT. MAX. votis conceptis veneror, vt
publicis te commodis, NOBILISSIME &
AMPLISSIME DOMINE, diu commodare,
& in hac statione mortali diurnare velit.



AD LECTOREM.



VA cuique saeculo nota, suum insigne. Nostrum hoc loquax atque streperum, & scriptis potius quam factis secundum. Declarant illicapiosi librorum indices, qui in omni genere litterarum semestri quoque spatio vulgantur, quibusque vel solis pernolutandis tantumnon aetas hominis occupetur. Quid facias? hi mores.

* tales nunc
homines
sunt.
* semper
feruire.

* ——— Τῶν νῦν βιβλίων.

Nos etiam, Lector, * καὶ ἡμεῖς ἄρτι incipimus, & aliquam ratione providere, ne tacite & absque sonitu vita cursum conficiamus, ac perinde quasi scenica satellitia, silentes hiantesque prateruchamur. Ergo charitis aliquid illeuimus, & operam Critica dedimus, quam haut parum multi supervacuam, neque minus hodie fugiendam, quam in sano corpore Chelurgiam volunt. Quod utinam ita res haberet, ac nihil usquam nobis erratorum mendorumque reliquum elegantium & eruditorum hominum acumen & industria fecissent! Melius certe cum libris, melius cum litteris ageretur, neque toties inter legendum velut in rupes & scopulos impingeremus. Verumtamen si quis tam laevis aut cecus animi, nihilo minus ut nigrum apponendum mihi calculum censeat, prouocabimus, ut olim quidam à Philippo

Mace-

Macedone oscitante & dormitabundo ad vigilem
 & attentum, à iudice parum aquo vel negligenti
 (nolo dicere, imperito) ad eum qui diligenter animum
 aduertet, iussisque nostra ponderibus examinabit. Is
 enim reapse deprehendet, non temerè alicubi ferrum
 & ignem usurpatum. Nisi fortè quisquam repe-
 riatur tam ambitiosè tristis, ut in crimen etiam
 vocet, quæ animi & amœnitatis gratiæ, velut acroa-
 mata quadam, in medium adduxi. Quæ sanè de-
 fensione opus non habent, cum nota ampliacionis, hoc
 adiecta consilio, sententiam nostram satis superq;
 declaret. Sed nec, ut opinor, de genere scriptioris de-
 sultorio, deque Ritualibus adiunctis & admixtis.
 Vt enim

— contextæ viridantes floribus herbæ
 suauissimos miscent odores: ut sensum oculorum ma-
 xime permulcent

— & suaue rubens narcissus,

Et crocus alternâ coniungens lilia calthâ:
 sic ad delectationem & voluptatem Lectoris nihil hac
 varietate & commutatione aptius. Preinit etiam
 * πᾶσι & ille ἡμεῖς πᾶσι & IUSTVS LIPSIVS, qui
 anno superiore proximo reipub. litteraria, cui dono
 quodam Prouidentia genitus erat, mihiq; meo gra-
 uissimo tum damno tum dolore est ereptus. Quod ad
 membranas & scriptos, quos cito, codices attinet,
 eorū usura partim Louanij, partim Roma mihi fuit,
 cum in Bibliothecâ Vaticanâ, tum eâ quam impenso
 ** 2 pretio

omni sa-
 pientiâ ac
 virtute
 pradius.

*pretio comparatam, & omni genere librorum bene
 instructam, nobilitatis Romana planè princeps & in-
 ter lumina purpuratorum Patrum ASCANIVS
 COLVMNA fidei curag, mea liberaliter commise-
 rat; quâque diutiùs magnâ cum iucunditate, sed &
 aliquo fortè bono litterarum, uti frui potuissem,
 nisi parentis imperium, amicorum hortatus ac p̃ces,
 ipsius denique patria reuocantis quasi vox alia nos
 omnia missa facere & abrumperè coëgisset. Vale be-
 ninole Lector, & his faue, qua fauorem merebuntur;
 qua minùs, condona.*



I N.



INDEX CAPITVM

LIBRI I.



CAPVT I.

Mos antiquus in opidis con-
dendis. Depalare quid
apud Tertullianum. Vrbs vnde
dicta. pag. 1.

CAP. II. De communi loco quid
præter Plautum Arctemidorus.
pag. 4.

CAP. III. Ciceronis Oratio pro
Sullâ mendis aliquot expurga-
ta. 4.

CAP. IV. Ciceronis lectio defen-
sa. Vehens pro eo qui vehitur.
5.

CAP. V. De die lustrico. plura
veterum scriptorum loca. Di-
uersus is pro sexu. Aristoteles
& Plautus explicati. 6.

CAP. VI. Quis Antiochus rex
apud Plautum. 8.

CAP. VII. Restitutio loci Cice-
roniani. Veliâ pro villâ. 9.

CAP. VIII. In Cæsare complu-
seculæ correctiones. 10.

CAP. IX. Oratio Ciceronis pro
Sullâ duobus locis emendata. 12.

CAP. X. In Hirtio non paruz
rei coniectura, Iubam à Petreio
cæsum, non, vt vulgò legitur,
hunc ab illo. Florus & Oro-
sius obiter correcti. 12.

CAP. XI. Quibus victimis fa-
ctum in Suonetaurilibus. Dio-
nysius Halicarnass. emendatus.
14.

CAP. XII. Ciceronis labes dux
deterse. 15.

CAP. XIII. De duplici Plauti
loco coniectura. 16.

CAP. XIV. De verbo Populares
quidam non protrita: vox po-
puli latè patens. In Glossario
veterè diuiniatio. 17.

CAP. XV. Lux Hirtio. 18.

CAP. XVI. Quinciliani locus in
Declamat. purgatus. 19.

CAP. XVII. Quid sinus togæ.
Quincilianus illustratus. 20.

CAP. XVIII. Medicina Liuij
duobus vulneribus. 22.

CAP. XIX. Valerio Maximo
vox fugitiua restituta. 23.

CAP. XX. Antilogiam in Cæsa-
re videri. 23.

CAP. XXI. In Licio vera scri-
ptura reposita. 24.

CAP. XXII. Quæsitum super
loco Cæsaris. Curiatâ insula.
Appianus correctus. 24.

CAP. XXIII. Liuius de opinio-
ne emendatus. 26.

CAP. XXIV. Vocula Cæsari red-
dita. Etarum sanctius ab eo
apertum. 26.

CAP. XXV. Liuij & Silij abas. 28.

CAP. XXVI. Curtij numeralis
error de exercitu Darij. 29.

CAP. XXVII. Antilogia suspi-
cio ab Hirtio & Suetonio segre-
gata. 30.

CAP.

CAP. XXVIII. Liuij locus cor-
rigitur & declaratur. 31.

CAP. XXIX. Vitium in Curtio
animaduersum. Roxanē Oxa-
chris, nō Cohortani filiam fuisse.
31.

CAP. XXX. De Circo & map-
pæ missione. 32.

CAP. XXXI. Desperatus & de-
positus Liuij locus sanatus. 33.

CAP. XXXII. Conatus in du-
bus Hirtij locis emaculandis. 34

CAP. XXXIII. Q. Curtius ali-
quoties castigatus. 35.

CAP. XXXIV. Quid Abacus &
Delphica. Quando Romam
& unde aduecti. Quā matēna:

quomodo vasa in iis disposita.
In Plinio coniecturæ. 36.

CAP. XXXV. Cæsar's quædam
loca tentata. 38.

CAP. XXXVI. In Liuiio diuina-
tiones. 39.

CAP. XXXVII. Curtij duo loci
pristino nitore restituti. 39.

CAP. XXXVIII. De Armillis
collectanea. Glossæ & Isidorus
emendati. Tertullianus illustra-
tus. 40.

CAP. XXXIX. Coniectura tri-
plex in Liuiio. Vaa in Ammia-
no. 42.

CAP. XL. In Polybio loci nomen
de opatione repositum. 43.

LIBRI II.

CAP. I. Vestibus olim versus
& tituli inscripti sed &
imagines inextæ. 45.

CAP. II. Mendum de Propertio
extritum. Sententia melior &
argutior reposita. 47.

CAP. III. Liuij locus de conie-
ctura correctus. 48.

CAP. IV. In Hirtio coniectura.
Verba in ordinem reposita. 49.

CAP. V. Lucani incogitantia &
amercouisa. 50.

CAP. VI. Liuius lux & sanitas. 50.

CAP. VII. Taxatus Cæsar's locus
& tentatus. 51.

CAP. VIII. De simpulo siue sim-
pudio. Scholiastes Iuuenalis &
Varro correcti. 52.

CAP. IX. Duum Liuij locorum
correctio. 53.

CAP. X. Petronius correctus &

illustratus. 54.

CAP. XI. Liuij locus emacula-
tus. 54.

CAP. XII. De veste militari. Pu-
blicitus ea data. Sagum, Lacer-
na, Pænula, Armilauis. De co-
lore vestium militarium disce-
ptatum. 55.

CAP. XIII. Occultior significa-
tio vocis Commecatus, & exem-
pla. 58.

CAP. XIV. Soleis feminarum in-
serti clauis, geminæ. Calcei pur-
purei, interpuncti auratis præ-
lati. Crepidæ æratæ. Calcei pe-
dum quasi vincula. 59.

CAP. XV. De numero copia-
rum Rom. ad Cannas. Liuius
ex Silio emendatus. 61.

CAP. XVI. Veteres hanc semper
ad legem Grammaticorū scri-
pisse,

- pisse, eique rei exempla. 62.
 CAP. XVII. Agellij duo fœdis-
 sima stigmata sublata. 63.
 CAP. XVIII. Vlpianus explica-
 tus de Sparsionibus equorum.
 Quid Spartor? 64.
 CAP. XIX. Percutiendi verbum
 rariore significatu. 65.
 CAP. XX. De tunica interiore
 disceptatum. Ovidius, Plutar-
 chus, Agellius explicati. 65.
 CAP. XXI. Περύπια & curiosi-
 tas Pauli Louij. 67.
 CAP. XXII. In Agellio glosse-
 mata quædam expuncta. 68.
 CAP. XXIII. Dissensus scripto-
 rum in annis imperij Titiani. 69.
 CAP. XXIV. Suus numerus Suc-
 tonio restitutus. 70.
 CAP. XXV. De sacris Apicibus,
 eorumq; materiâ & formâ. Ga-
 lerus, Albogalerus, Apiculum.
 Varronis lectio defensa. 71.
 CAP. XXVI. Iuuenalis emenda-
 tus & scelus quàm vulgò enarra-
 tus. 74.
 CAP. XXVII. Suetonius & Dio,
 siue potius Xiphilinus, leui cor-
 rectione in gratiam reconcilia-
 ti. 75.
 CAP. XXVIII. In Scholiaste
 Iuuenalis vetus scriptura inte-
 grata. 76.
 CAP. XXIX. Iulij Frontini de
 Strategematis pluscula loca sa-
 nata. 77.
 CAP. XXX. Adoratio sacræ pur-
 puræ. Non omnes ad eam pro-
 miscuè admissi. A Constantio
 coëpit, & hodie etiam in vsu. 79.
 CAP. XXXI. Qui Diui fratres
 in Lampridio. Vopiscus corre-
 ctus. 80.
 CAP. XXXII. E Iulio Frontino
 plura vitia sublata. 81.
 CAP. XXXIII. De versibus ali-
 quot Claudiani cōiecturæ. Nu-
 meri militares. 82.
 CAP. XXXIV. De cultu sacræ
 arborum. Longè lateque
 diffusam hanc superstitionem
 fuisse, & in Conciliis sæpè dam-
 natam. 83.
 CAP. XXXV. Frontinus de A-
 quæductib. duobus locis corre-
 ctus. 85.
 CAP. XXXVI. De pueris ac puel-
 lis alimentariis. 86.
 CAP. XXXVII. In Claudiano
 diuinationes. Dissensus à viro
 docto. 88.



THEOGNIS.

Τὲς ἀγαθὲς ἅλλῃ μάλα μέμφεται, ἅλλῃ ἐπαίνει

Τῶν δ' κακῶν μὴ μὴ γίγνεται ἰδέμια.

Ille bonos culpatur grauitur, hic laudibus ornat;

Prauiorum verò mentio nulla hominum.

PHILIPPI RVBENI ELECTORVM LIBER I.

CAPVT I.

*Mos antiquus in opidis condendis . Depalare quid
apud Tertullianum. Vrbs vnde dicta.*



IVERSA sunt hominum studia,

** Καὶ ἄλλος ἄλλω κατ' ἴδαν ἐκτρέφεται.*

** Et alia
res alij vo-
luptatem
creat.*

Me quidem, vt verum proloquar, antiqua
delectant. Quippini? inter vetera tot mo-
nimenta, quæ passim in oculis incurrunt,

** οὐκ ἔστι δ' ἕξ ἐκαστοῦ ἰδέσθαι.*

** - habet
super affi-
cientem.*

Itaque paullatim è Scriptoribus collectum
imus, quæ maximè eò facere videntur, vt

varijs inter se locis comparatis & quasi collisis abstrusum veri-
tatis lumen effulgeat. Specimen aliquod in his libellis vnà cum
Criticis dabimus, & initium quidem ab opidis condendis, omi-
nis causâ, sumemus. Primùm igitur obseruo, palis siue termi-
nis, qui opidum condituri essent, spatium ei destinatum signa-
se & finisse. Liuius lib. I. Pomerium dicit esse circa murum locum,
*quem in condendis urbibus quondam Etrusci, quâ murum ducturi erant,
certis circa terminis inauguratò consecrabant.* Ex quibus verbis, non
tam muri locum, quàm largiùs quicquid pomerij esset, termina-
bant. Ita & Varro IV. De L. L. *Cippi pomerij sunt circa Romam.*
Tacitus de Româ vetere, lib. XII. *Inde certis spatijs lapides per ima
montis Palatini.* Tertullianus hoc dixit meo animo, Depalare. vt
in Apologet. cap. X. *Mons, quem incoluerat, Saturnius dictus; ciui-
tas, quam depalauerat, Saturnia vsque nunc est.* Et Metaphorâ scitâ,
aduersus Hermog. cap. XXIX. *Omnia opera sua Deus ordine con-
summauit,*

A

summauit,

*summauit, incultis primò elementis depalans quodammodo mundum, dehinc exornatis velut dedicans. Nec aliter aduersus Marcionem lib. v. cap. vi. de Paulo Apostolo: Nam quòd architectum se prudentem affirmat, hoc inuenimus significari depalatorem disciplinæ diuinæ. Vbi quod interpretes explicant, Propalatorem, & quasi à palàm deducunt, haud placet, & priores sanè loci refutant. Sed architectum ille explicat quasi conditorem, & qui fines posuerit disciplinæ diuinæ. Ergo primùm termini. quid deinde? Aratrum terræ impressum formâ & modo, quem Cato apud Isidorum promittit, lib. xv. *Qui urbem nouam condit, taurò & vaccâ aret: vbi arauerit, murum faciat: vbi portam esse vult, aratrum sustollat & portet, vt portam vocet.* Similia aut plura Io. Zonaras in Romulo: *Ρωμύλος θάψας τὸν ἀδελφὸν ὅκισεν τὴν πόλιν, καὶ βοῦν ἄρρενα συζύξας ἀγέλας, καὶ ἀρότρα ὑπὸν χαλκῷ ἰμβαλὼν, αὐτὸς μὲν αὐλάκα βαθεῖαν κυκλοτερῆ περιήρατο. οἱ δὲ ἐπὶ οὖνοιο τὰς βάσεις, ἀς αἶψα τὸ ἀεγρεῖν, εἶσω πάσας τῆς αὐλάκος περιέτρεπον. καὶ ὅπου μὲν ἔμελλε τὸ τῆχος ἀνίστασθαι, καὶ οὕτως εἴρηται, ἡ αὐλάξ ἐντέμνετο. ἔπειτα δὲ πύλας ὅσας ἐανοῦντο, ἀξέλειμμα ἐποιεῖτο τῆς αὐλάκος, τὸ ἀεγρεῖν ἀνέχοντες ὑπὲρ αὐτῶν. Πᾶν μὲν γὰρ τῆχος τομίζουσιν ἥρον. τὰς δὲ πύλας εἴπερ ἦντο ἡεῖς, οὐκ ἔω τὰ μὲν δι' αὐτῶν εἰσάγειν, τὰ δὲ ὑποπέμπειν τῷ ἀναγκάσι καὶ μὴ κατὰ τῶν. Romulus cum fratrem sepelisset, urbem condidit, & bouem taurum vacca adiungens, areumque vomerem aratro inserens, ipse sulcum profundum in orbem circumduxit. qui sequebantur glebas, quas aratrum excitasset, omnes intra sulcum reiciebant. Atque vbi murus extruendus erat, vt dictum est, sulcus ducebatur: vbi verò portas statuere volebant, interruptio sulci atque internallum fiebat, aratro sublato. Nam omnem murum sanctum arbitrantur. Quòd si idem in portis, tum nec inferre nec efferre per eas necessaria liceret & qua non pura. Similia Plutarchus in eâ re, imò ab ipso Zonaras, qui sæpè eum transcribit. nisi quòd vbi hîc αὐλάκα βαθεῖαν κυκλοτερῆ περιγράφει, sulcum profundum in orbem circumducit, ille αὐλάκα βαθεῖαν περιάγει τοῖς τέμνεσι, sulcum profundum circumducit terminis. vbi benè hoc de terminis tangit, & non facit priscam Romanam circularem: vt certè nec fuit. Dionysius quidem disertè, vbi hæc narrat, περιγράφει τετράγωνον σχῆμα τῆς πόλεως, colli quadrangulam figuram circumscribit: & Festus indicat in voce Quadrata. Addit Dionysius: *Ἐξ ἡρώωνος τῆς τῆς περιεστροφῆς τῆς χειρὸς ἐν δισκομοίς πάλαιον ὠρεσμένη.* Ex quo Romanis istud de circumscriptione in condendis**

condendis opidis hodieque manet. Varro hoc quoque totum, vt ple-
raque antiquitatis (exstaret modò) monuit lib. iv. De L.L. *Opi-
da condebant in Latio Etrusco ritu multa, id est, iunctis bobus tauro &
vacca interiore, aratro circumagebant sulcum. Terram unde exsculpse-
rant, Fossam vocabant, & introrsum factum, Murum. Postea quod
fiebat orbis, Vrbs.* Sed quod est introrsum factum, putarem ine-
lius, iactū. vt ex Zonarā & Plutarcho discimus fieri solere. Cu-
mulus scilicet ille terræ, siue porca altior appellata Murus. De
hoc sulco & Festus: *Primigenius sulcus, qui in nouā vrbe condendā
tauro & vacca designationis causā imprimitur.* Tangit Isidorus:
*Vrbs vocata ab orbe, vel ab vrbo parte aratri, quod in vrbe condendā
adhiberi solet.* Et Pomponius tit. De verb. sign. *Vrbs ab vrbo appel-
lata est. vrbare est aratro definire. & Varus ait, vrbum appellari cur-
naturam aratri, quod in vrbe condendā adhiberi solet.* Hinc est illud,
Optauitque locum regno & concludere sulco.

Sed & Manilius de toto more, lib. iv.

Vrbibus agebit terras, iunctisque iuuentis

Mænia succinctus curuo describet aratro.

Et signum coloniæ opidive conditi taurus & vacca, aut alter eo-
rum, in numis passim. Quod ipsum Romæ in veteri vrbe Tacit-
us agnoscit xxi. Ann. *Foro Boario æneum tauri simulacrum aspici-
mus, quod id genus animalium in condendis opidis aratro subditur.* Et
Xiphilinus de Commodò: *Τὴν δὲ Πρώμην αἰθέρατοι, Ἐτυγὴν καλοῦσαι,
οἰκουμένην τῆς γῆς (καὶ γὰρ ἀπὸ κατὰ αὐτὴν ταυτὴν δακτύλῳ ἐβούλετο) ἐκποπόμασθαι. καὶ
ἀνδραὶς τε ἡμετέροις χρυσίδας χιλιάδας λίτρων μετὰ τὴν ταύρου καὶ βοῦς ἐπὶ λείας ἐγέρθη.*
*Romam immortalem, fortunatam coloniam, orbem terrarum appella-
uit.* volebat enim omnino urbem suam esse coloniam videri: & ideo
statuæ æi aurea mille librarum cum tauro & vacca posita est. Nec verò
in condendis solū opidis, sed & euertendis, adhibitum ara-
trum. Seneca de Clement. lib. i. cap. vlt. *Incipere testis ignem, ara-
trum vetustis vrbibus inducere, potentiam putat.* Horatius:

——— *imprimeretque muris*

Hostile aratrum exercitus insolens.

Adde IC^{um} L. xxi. Quibus mod. vsus fr. amitt. & satis erit exem-
plorum. At frustra est totaque errat viā Cælius Rhodiginus,
cū hæc verba Ciceronis, vt *vexillum videres, & aratrum cir-
cumduceres*, ad excidium referenda censet, quæ nemo non videt

ad deductionem coloniz pertinere. Sed non est lege agendum cum eo, cui nihil pensius fuit, quàm multa conceturiare, numerumque librorum & grandes titulos ac leinmata venditare. Extremum erit quod Festus scribit in *Quadrata*: locum ante templum Apollinis in Palatio sic dici, *vbi reposita sunt, quæ solent boni ominis gratiâ in vrbe condendâ adhiberi.*

CAP. II.

*De communi loco quid præter Plautum
Artemidorus.*

PRologus Plautinus, sed non Plauti, sic ait:
Eâ tempestate flos poetarum fuit,

Qui nunc abierunt hinc ad communem locum.

Clara res est, omnesque scimus eum significari locum, quod imus omnes. Tamen quia sumpta ea dictio è communi vulgi sermone, pro bono facturus mihi videor, si fide teste firmem. Is est Artemidorus lib. i. cap. LXXX. Narrat quendam per somnium sibi visum in lupanar ingredi, nec posse inde retroire. Is, inquit, post aliquot dies mortuus est. meritò. Κοινὸς γὰρ ὁ τόπος οὗτος καλεῖται, ὡς καὶ ὁ τοῦ νεκροῦ διαχώριος. *Communis enim locus ille appellatur, ut & is qui mortuos suscipit.*

CAP. III.

Ciceronis oratio pro Sullâ mendis aliquot expurgata.

POST tot eruditos homines, qui in Cicetone emendando multum & laboris & operæ consumpserunt, superesse videntur quæ notemus. Oratione pro Sullâ Cicero in Torquatum inuehitur, quod ab eo peregrini esset nomine affectus. Sic enim inter alia:

Ac si, Iudices, ceteris patricijs me & vos peregrinos videri oporteret; à Torquato tamen hoc vitium sileretur. Est enim ipse à materno genere municipalis.

Vitij vox hîc vitiosa, & substituam libens, *conuitium*. Peregrinitatem enim vitium, nisi valdè ἀνέγος haud dixeris. Quod inferius, pollutum videtur:

Permitto

Permitto aliquid iracundiæ tuæ, do adolescentiæ, cedo amicitie, tribuo parenti. Sed nisi aliquem modum vitæ constitueris, coges oblitum me nostræ amicitie habere, rationem meæ dignitatis.

Cur enim modum vitæ hîc postulet? imò linguæ. Sed vera lectio scripti libri: *aliquem modum tute constitueris.*

Nemo vnquam me ne tenuissimâ quidem suspitione perstrinxit, quem non peruerterim.

In membranis reperio, quem non pertulerim ac perfrigerim. Verè, si perculerim legas.

Ac si considerare cœperis, vtrum magis mihi hoc necesse fuerit facere, an tibi: intelliges honestius te inimicitiarum modum statuere potuisse, quàm me humanitatis.

Est inibi, an istud tibi. quod verbum sententiæ planè est opus: quia defendere sibi Cicero sumpserat; Torquatus accusare.

CAP. IV.

Cicconis lectio defensa. Vehens pro eo qui vehitur.

Multa quidem Dionysius Lambinus in Cicerone correxit; quædam verò deprauauit. velut in hoc loco è Bruto, siue De claris Oratoribus:

Sed inte intuens, Brute, doleo, cuius in adolescentiam per medias laudes quasi quadrigis volentem transuersa incurrit misera fortuna reipub.

Sic ipse edidit, cum antè libri *vehentem* haberent: quod negat ferri posse, ceu ineptum loquendi genus. Nam *equus, currus, quadrigæ vehunt; non autem res vlla vehit equo, curru, quadrigis.* Tène hoc dicere, ijs litteris, câ eruditione virum? Ineptè igitur locutus est Quadrigarius Annal. vi. *Ei Consuli pater Proconsul obuiam in equo vehens venit, neque descendere voluit.* Liuius apud Carisium lib. ii. *Ibi manens sedeto, donicum videbis me carpento vehentem domum venisse.* Apul. i. Miles. *Equo per albo vehens.* Lamprius Elagabalo: *Quæ earum carpento, quæ equo veberet.*

Ἀλλ' ὅ γὰρ πῶς ἐν αὐτῷ πῶς ἵμῶνται αἰῶν

Ἀνδρῶν πῶς.

Humanum est labi, errare, nescire, decipi.

• At nō est
homini vi-
gilanti per-
petuū esse.

C A P. V.

*De die Lustrico plura veterum scriptorum loca. Di-
versus is pro sexu. Aristoteles & Plautus explicati.*

DE Lustrico die quod variè scriptum est, & ἀἱμαμῖον δὲν videtur, hoc capite exequi, & vno velut fasce complecti mens est. Et, vt exordiar à Festo, *Lustrici dies*, ait, *infantium appellantur, puellarum oëtauis, puerorum nonus, quia hiis lustrantur, atque eis nomina imponuntur*. Ergo purgatur tunc lustranturque, & ipse bonâ iam vitæ, nomina imponuntur. Discrimen hoc in vtroque sexu de die lustrico etiâ Plutarchus observauit in *Quæst. Rom.* CII. Διδὲ πρῶτῳ μὲν παίδων τοῖς ἄρρεσιν ἐνατάρις, ἑτὶ δὲ τρίτῳ ὁ γέλοιος τὸ ὀνόματι τίθεται; *Quare pueris maribus nono die, puellis oëtauo nomina imponunt?* & causas deinde suas addit. Idem Macrobius 1. Saturn. cap. xvi. *Est etiam Nundina Romanorum Dea, à nono die nascentium nuncupata, qui lustricus dicitur. Est autem lustricus dies, quo lustrantur, & nomen accipiunt: sed is in maribus nonus, oëtauis est feminis*. M. Antoninus Imperator mutasse videtur, ac tricesimum diem præfinisse. Ita enim Capitolinus de eo: *Iussit apud Præfatos ararj Saturni vnumquemque ciuium natos liberos profiteri, intra tricesimam diem nomine imposito*. Vbi tamen alij legunt, *intra tertium diem*. Nomina autem hæc dare proximi sæpè solent, qui ritus hodieque valet. Suetonius Neronis cap. vi. *Futurae felicitatis signum evidens lustrico die exstitit*. Nam C. Cæsar, rogante sorore, vt infanti ei, quod vellet, nomen daret, intueus Claudium, eius dare se dixit. Vbi nomen pro prænomine capiendum, quia ipsa gentilia nomina certa semper eademque erant; at Prænomina modò mutabant. Hoc ipsum de propinquis Polyænus indicat, *Stratag. lib. vi. exemplo vi. de Iasone, qui nato sibi puero, primores Thessalorum ad conuiuium vocauit, vt nomen puero imponeretur, atque in ijs fratrem Merionem, vt is primas in eo actu tene- ret*. Imò totum hoc Romani à Græcis sumpsere, etsi in die leuiter dissidentes. Nam Græcis decimus erat qui istis nonus. Præter alios Suidas: Δεκάτῳ ἑστῇται. Ἐξ ὧς καὶ παίδων συγγρημμένων τοῖς Ἀθηναίοις ἀφ' αὐτῆς τῇ δεκάτῃ πρῶτον καὶ τῇ τρίτῃ ἀπὸ τῆς γένεως συγκαλεῖσθαι τοὺς πατέρας καὶ τοὺς ἀδελφούς.

ἔδς & μηδὲ οἰκίους καὶ τοὺς ἐγγύτατα φίλους, καὶ παρόντων ἐκείνων τὰ ὀνόματα τοῖς παισὶ τίθεσθαι, καὶ καληρεῖσθαι τοῖς θεοῖς, ἑπὶ τῇ τοῦ συναληθεύοντος δωροχρῆσθαι: *Decimam conuiuari. Mos erat cum pueri nati essent Atticis ciuibus, decimā noctium à natali conuocari paternos maternosque cognatos & amicorum proximos, atque ijs presentibus nomina pueris dare, & Dijs sacrificare, denique qui conuenissent conuiuari. Aristophanes in Auibus de hoc ritu:*

Οὐκ ἄρτι θύω τὴν δεκάτην ταύτης ἡμέρας;

Καὶ τ' ἄνομι' ὥσπερ παιδίον τιῶ δὴ θύμην.

Non ergo decimam nunc sacrifico ob hanc ego?

Et nomen illi iam velut puero dedi.

Vbi Scholiaſtes: Σαφὲς ὅτι τὰ ὀνόματα τῶν παίδων ἐτίθεισαν τῇ δεκάτῃ. *Notum quod nomina infantibus imposuerunt decimā. Sed & Euripides in Electrā:*

Ἦ κατὰς, ὁμῶν, τῶν ἐμῶν λοχόμαί πεν.

Τέτταν ὑπὲρ μου θύσου· ἔγωγ' οἶδ' ἐγώ.

Δεκάτῃ σελήνῃ παιδοδωρὸς νομίζεται.

Et partionem audisti, opinor, tu meam.

Pro me sacrificā (ego ipsa ritum nescio)

Decimā puelli luce, sicut mos habet.

Ita isti. At Aristoteles de septimo die scribit, quod miremur. In Historiā Animalium lib. vii. cap. ultimo: Τα πλείστα δὲ (συναιδία) ἀναιρέτται πρὸς τῆς ἑβδομάτης· διὸ καὶ τὰ ὀνόματα τότε τίθεται, ὡς περὶ ὄντας ἥδη πολλοὶ τῆς σωτηρίας. *Plerique puerorum moriuntur ante diem septimum: ideoque & nomina tunc imponunt, tanquam iam de salute magis fidentes. Sed licet accipere tunc non ita strictè, nempe circa & post septimum diem. Plautus non mouebit, qui in Truculento, quasi ex more Græciæ:*

Quin Dijs sacrificare hodie pro puero volo.

Quinto die quod fieri oportet. DIN. Censet.

Nam illa sunt Amphidromia Græcorum, quinto die vſitata. de quibus Suidas, Hesychius & Athenæus. At nostra hæc sunt Nominalia ab illis diuerſa. Dico Nominalia: nam & sic ille dies appellatus. In Glossis: *Nominalia, ὀνομαδοσία*. Tertullianus de Idololatriā cap. xvii. inter officia priuatarum sollennitatum recenset *Nuptialia, Nominalia*, quibus, vt mox significat, *nomen solet imponi*. Atque hæc de Lustrico die.

CAP. VI.

Quis Antiochus rex apud Plautum.

L Epidè & facetè à Plauto scriptum in Pœnulo:

— *vbi ego curer mollius,*

Quàm regi Antiocho oculi curari solent.

Sed enim quæ caussa huius dicti? Lambinus & alij negant quicquam super hac re legisse. Ego videor aliquid, parum plenè, & ab Historico in rebus grauibus, *ὡς ἐν παράδῳ* scriptum, tamen quod satis sit ad rei fidem. Antiochus Syriæ rex, Seleuci Callinici filius solitus ex oculis laborare, & vti medico Apollophane in his alijsque rebus magis arduis curandis. Colligimus ex Polybij v. vbi narrat Hermeæ cædem, concinnante hoc medico & annuente rege patratain: *Συμπεροήσαντες*, inquit, *μὴ ταῦτα καὶ περιελάμβροισιν οὐκ ἔστι, ὡς σκοπεύμασιν τῶν ἐπιτηδεύοντων τῇ βασιλείῃ, τὴν μὲν περιεργίαν ἀπέλυσαν ὅτι πᾶσι ἡμέρας, & plura quæ addit. Sed ex his vides σκοπεύμασι*, id est, caligini oculorum obnoxium regem fuisse; & haud dubiè pro more Syriaco, sed & regio, molliissimè curatum. Nam, vt vel obtentus hic morbus insidijs (id enim aliquis fortasse dixerit) neque re, sed verbo malè Regi fuerit; vero tamen omnino simile est, iam antè eodem illo tentatum, fideique conciliandæ genus morbi simulasse & notum & familiare. Et quamquam τὸ σκότωμα pro δῖον quoque, id est, vertigine sumitur; hîc tamen, & propriè quidem, hebetudinem visus atque caliginem significat. Idque pòst paullò modus curationis confirmat per motum & inambulationem matutinam, quæ ad oculariam ægritudinem proficiant; ad vertiginem non item: quemadmodum pro affectu, & eo quod inter nos est

Alternum sanctæ fœdus amicitie,

docuit me Lud. Nonnius, qui supra liberalem omnem doctrinam καὶ τὴν ἰατρικὴν à patre & auctore maiorum gentium medicis velut iure hereditario possidet.

CAP. VII.

Restitutio loci Ciceroniani. Velia pro Villâ.

IN Oratione de Aruspicium responsis:

P. Valerio pro maximis in rempub. beneficijs data domus est in Villâ publicâ; at mihi in Palatio restituta: illi locus; at mihi etiam parietes atque tectum.

Sunt hæc à ratione & veritate longè auersa. Nam quomodo domus in domo sit data? cùm ipsa Villa publica ædificium fuerit, quemadmodum in nummis videre est: atque adeò in campo Martio, procul sanè à loco, vbi Valèrius, consensu omnium, habitauit. Corrigebat Pantagathus, in *Vico publico*: Antonius Augustinus in *Via sacrâ*. Vtrumque, αἰσθητικῶς. Nec enim de vico illo potest verum esse, qui non in regione eâ Palatij, sed *altæ Semitæ*, vt descriptores Urbis memoriæ prodiderunt; & imposuit illi viro, cui tamen pleraque veterum litterarum quæsitâ meditataque erant, corrupta Liuij lectio. Non item de *Via sacrâ*, quia cū auctore nullo nititur, tum à libris nimium quantum abhorret. Ego meo remigio rem geram:

• Ὡς δὲ μοι φερόμεν δόξαν τοῦ λέγοντος ἡ,

* Sic inquirenti mihi visum relictum esse.

data domus est in Velia publica. Profectò ita res fuit. Cùm in summâ Velia ædificare Valerius cœpisset, idque suspectum populo, tanquam arcem moliretur, *confestim* (ait Liuius) *delata materia omnis infra Veliam, &c.* vbi nunc *Vica Pota* est, domus in infimo cliuo ædificata. Et Asconius, an potius Varro, firmamentum addit. Nam Asconius in Pisonianam scribit, Varronem tradere, *P. Valerio Volesio filio Poplicolæ ades publicas sub Velia, vbi nunc ades Victoriæ est, populum ex lege, quam ipse tulerat, concessisse*. Vica Pota enim & Victoria eadem vna Dea. Docet hoc incomparabilis vir & nullo non præconio maior I. Lipsius lib. II. Quæstionum Epist. & Notis in Ludum Senecæ: atque etiam Isidorus, discretè scribens, *Viciam* antiquis dictam, quæ nunc *Victoria* est: in quo si *Vicam* rescribamus, habemus hanc Diuam. & in veteri codice legi, *Vitam* pro *Vicam*, quod est à *Vico*. Sic enim veteres dixere sine n: vt *Tago*, *Frago*, *Pugo*.

CAP. VIII.

In Casare compluscula correctiones.

Commentarios Cæsarianos multi studio doctrinæque præstantes homines illustrarunt; & nuperrimè quidem Ioannes Brantius vir clarissimus, & à iure ciuili, ab historiâ ac litteris politioribus benè instructus, Notis non modò suis illis perelegantibus & examussim bonis, sed etiam Petri Ciacconij, quas è schedis eius & liturarijs ingenti labore & industriâ collegit, in ordinem redegit, & vnâ vulgari curauit. Quo factò cùm studij propensæque in rem litterariam voluntatis illustre specimen dedit, tum magnam ab eruditis omnibus gratiam iniuit. Huius itaque, id est hominis *πρω φιλάτου*, ceterorùmque quibus obligita Sparta, pace bonæque cum veniâ, carptim ego quædam & vellicatim è Cæsare libabo.

Hac re perspectâ Crassus, cùm suâ cunctatione atque opinione timidiore hos- tes; nostros milites alacriores ad pugnandum effecisset, atque omnium voces audirentur, exspectari diutius non oportere; cohortatus suos, ad hostium castra contendit.

Qui rem & filum narrationis videt, fatebitur contra mentem Cæsaris hæc scribi. Nam quomodo suâ cunctatione Crassus timorem hostibus, alacritatem suis daret? imò contrâ prorsus; & detrectantes metum pati solent. Addo, quòd hostes hîc, non Crassus, cunctentur: atque adeò ipse eos vltro in castris sedentes inuasit. Fuluij liber, *sua cunctatio atque opinio*: nihil pro re. ego sic emendabam: *cùm suâ cunctationumque opinione timidiore hos- tes; & statim, numero plurium, effecissent.* Sententia nimis est clara. De bello ciuili lib. i.

Eadem ferè atque eisdem de rebus Prætor Roscius agit cum Cæsare, sibi que Pompeium commemorasse demonstrat.

Vir doctus haud iniuriâ resistit, & hæc verba culpat. Quid enim aliud *eadem dicere*, quàm, *eisdem de rebus*? Hoc est verè *διὰ τὸ εἰπεῖν*, quod meritò Comicus inscitiam appellat. Tentabam mederi: *Eadem ferè, atque eisdem diebus.* vt hoc velit, non eadem solum mandata Roscium pertulisse, sed eodem quoque tempore.

Quod

* Si idem dicere.

Quod verum esse, ex Dione lib. XLI. & ipso hîc Cæsare discimus. Eodem libro:

Decuriones Auximi ad Actium Varum frequentes conueniunt, docent iudicij sui rem non esse: neque se, neque reliquos municipes pati posse, C. Cæsarem, tantis rebus gestis, opido manibusque prohiberi. Proinde habeat rationem posteritatis & periculi sui.

Nego hîc aptum esse posteritatis verbum: quia præsens istuc omne periculum imminabat, non in posterum expectabatur. Verius, *potestatis*. Callidè rogant scilicet, nec sine occultis minis: videat cogitèque, non quid velit solum, sed quid etiam possit. sese vel inuito eo Cæsarem admissuros, nec esse ipsum resistendo. quid autem futurum sic deserto? Paullùm infra:

Gladiatores, quos ibi (Capuæ) Cæsar habebat, in forum produxit. Etos Lentulus libertati confirmat, atque ijs equos attribuit, quos postea monitus à suis, quòd ea res omnium iudicio reprehendebatur, circum familiares conuentus Campaniæ, custodia causâ, distribuit.*

* Lipsii.
bertate.

Implexè & morosè dictum videtur, *familiares conuentus Campaniæ*. Qui enim isti sunt? Cicero qui in locis vicinis, & tantum non in re præsentis fuit, liquidò ita narrat, vt gladiatores distributi modò sint in vrbe ipsâ. Verba eius lib. VII. ad Atticû Epist. XIV. *Gladiatores Cæsaris, qui Capuæ sunt, sanè commodè Pompeius distribuit, binos singulis patribus familiarum*. Non ergo temerè credimus per alios conuentus Campaniæ distributos. Mihi stat legere: *circum familias conuentus Campani*. Conuentum Campanum accipio ipsos intolas & corpus Capuæ vrbis. Sic *conuentum Vticensem* infra nominat, sic *conuentum Cordubensem*: sic de hac ipsâ vrbe lib. III. *Periculum veritus, quòd conuentus arma ceperat*. Vide Festum de hac significatione in voce *Conuentus*: & Asconium, atque alios. Iam *Campanus* à Capuâ formatur, non *Capuanus*, quod Varro indicauit lib. IX. de L.L. Virgilius etiam:

Et Capys, hinc nomen Campanæ ducitur vrbi.

CAP. IX.

Oratio Ciceronis pro Sullâ duobus locis emendata.

GVstemus iterum aliquid è Tullianâ suadâ, Oratione pro Sullâ.

Ego verò quibus ornamentis aduersor tuis? aut cui dignitati vestra repugno? quid est quod iam ab hoc expetas? Honor ad patrem, insignia honoris ad te delata sunt. Tu ornatus arumnis venis ad eum lacerandum, quem interemisti; ego iacentem & spoliatum defendo.

Haud paullo pulcrior meliorque lectio è m. f. cruitur, in quo est: *Tu ornatus eximijs*. Liquet scribendum: *exuuijs*. Imago ab ijs est, qui in bello hostem peremptum arnis & ornamentis spoliant, eaque sibi circumponunt. Tale pænè hoc Taciti: *Cum ex funere Reip. raptis Consularibus spolijs, innoxios pueros, illustres senes, conspicuas feminas eadem ruinâ prosterneres.*

Et pro vulgatâ lectione;

Ecquod est huius factum aut commissum, non dicam audacius, sed quod cuiquam paullo minùs consideratum videretur, quæro. Verbum ecquod vnquam ex huius ore excidit, vnde quisquam posset offendi?

longè concinnior pleniorque libri eiusdem:

Ecquod est huius factum aut commissum, non dicam audacius, sed quod cuiquam paullo minùs consideratum videretur? Factum quæro? Ecquod vnquam verbum ex huius ore excidit, vnde quisquam posset offendi?

CAP. X.

In Hirtio non parua rei coniectura, subam à Petreio casum; non, ut nunc vulgò legitur, hunc ab illo. Florus & Orosius obiter correcti.

IN Commentatio de bello Africo locus est asper & confragosus, quem emendo & planum reddo.

Rex

Rex interim Iuba ab omnibus ciuitatibus exclusus, desperat à salute, cum iam conatus esset cum Petreio, vt per virtutem interfecti esse viderentur, ferro inter se depugnant, atque firmior imbecilliorum Iuba Petreium facile ferro consumpsit. Deinde ipse sibi cum conaretur gladio traicere pectus, nec posset, precibus à seruo suo impetravit, vt se interficeret.

In phrasi scrupulus, & in ipsâ historiâ, ob dissensum. De phrasi illâ, cum iam conatus esset, scio M. Antonium Muretum τοῦτον βεβαιῶτα παυδεῖας* rescribere, cum omnia conatus. Haud malè; verumtamen, pace tanti viri, verius arbitror, cum iam conatus esset. Nam ista post epulas euenisse Florus dicit: Iuba cum se recepisset in regiam, magnificè epulatus cum Petreio. Sed & Appianus hoc factum prodit ἐν τῇ δαίτῃ, in cœnaculo. Quod autem ad dissensum, noster hic à Iubâ vult Petreium interfectum, cum Florus & Liuius contrâ. Ego verò nec opinor aliter ab Hirtio scriptum, & planè emendem, imbecilliorē Iubam Petreius. Arguunt sequentia sic fuisse, cum addit superstitem à seruo suo impetrasse. De homine Romano hoc benè, cui serui & liberti; vix de Rege, cui comites aut satellites potius tribuisset. Denique nemo Iubam à seruo cæsum tradidit; quidam mutuis eos ictibus perijsse. Seneca ab hac parte, De Prouidentia: Jam Petreius & Iuba concurrerunt, incensæque alter alterius manu cæsi. Item Appianus: ἰόθας δὲ καὶ Περσίῳ καὶ τῶν γυμνάσιον πωλεσάντων, ἐπὶ τῇ δαίτῃ εἴσιον διηχέοντο ἀλλήλοις: Iuba & Petreius eorum quæ euenerant gnari, in cœnaculo mutuo se interfecerunt. Apertè pro Senecâ, vt mirum sit Muretum scribere quòd ab Hirtio sentiat. Sed & Dio in hac sententiâ: Ἐπεὶ ἡ μὲν αὖτε αὐτοῖς ἰδέετο, ἀπὸ γὰρ τοῦ πλὴν σπασθῆναι, καὶ τῶν Περσίων μὲν αὖτε αὐτοῖς ἰληθῆναι ἀδύνατον ἔχον, ἡμονομαχίῃ καὶ συναπτόσθαι: Deinde cum nemo eum (Iubam) susciperet, & desperaret de salute, cum Petreio, qui nec ipse vsquam spem securitatis videret, singulari certamine concurrat, & vnâ cum illo mortuus est. Hæc ita isti; sed Hirtius aliter: ac Florus; Iuba cum se recepisset in regiam, magnificè epulatus cum Petreio fugæ comite, super mensas & pocula interficiendum se ei præbuit. Ille & regi suffecit & sibi. Obiter moneo, cum se recepisset in regnum. nam regiam certè non fuit ingressus, neque in hac ea gesta, sed in villâ. Florus autem ait, Petreium sibi ipsi manus attulisse, cæso Iubâ, quod Hirtius negat: & credibile est, melius

* Tam alta doctrina virum, In Notis ad Sen. De Prouid.

hunc scisse. Hauserat hoc ipsum è Floro, de more suo, Orosius: *Iuba percussori iugulum, pretio dato, præbuit. Petreius eodem se gladio perfodit. Sed planum & certum est, emendandum, iugulum Petreio præbuit; & Glossematium vel imperitia contaminauit. Altera salebra:*

Quibus rebus Scipio, quique cum eo essent comites, mirari & requirere.

Superfit enim dictio, quam exturbat codex scriptus, hoc modo: *quique cum eo essent, commirari & querere.* Compositum hoc usurpat, ut alia multa, Conicorum in morem.

CAP. XI.

Quibus victimis factum in Suouetaurilibus. Dionysius Halicarnassus emendatus.

Diuersæ olim victimæ pro genere sacrificij, proque Deo Deæve, cui fieret, adhibitæ fuerunt. Suouetaurilibus quidem, ut arbitror, et ipsæ quas vox notat & designat, Sus, Ovis, Taurus. Ne tamen hoc inter res iudicatas habeatur, facit dissensus Dionysij Halicarnassensis, qui sacrum hoc instruit *ταύρου καὶ κελῶ καὶ τρεῖς, ὡς, tauro, ariete, hirco.* Hirco videlicet pro sue supponit. Quid ergo? magis illi fides vni, quam multis erit, bonis & priscis? Varro, cui talia satis exquisita sine dubio fuere, II. De re Rust. scribit: *Populus Romanus cum lustratur Suouetaurilibus, circumaguntur verres, aries, taurus.* Enimvero & ille suem agnoscit, sed inarem, quem verrem appellat. Quid Fabius? *Suouetaurilia iam persuasum est esse ex sue, oue, tauro.* Festus: *Solitaurilia hostiarum trium diuersi generis immolationem significant, tauri, arietis, verris.* Glossæ veteres: *Solitaurilia, θυσία ἐκ οὐδὲ, κελῶ, ταύρου: Sacrificium ex sue, oue, tauro.* Asconius de lustris Censorio: *Solitaurilia sacrificium de sue, oue, tauro faciebant.* Quid quod etiam hodie Romæ in fornice Constantini plurimisq. locis sacrum hoc specie trium istarum victimarum? Omnino Dionysij scriptio labare videtur, & fortasse Græcorum ei ritus in mente, apud quos interdum in tali sacro hircus. Suidas: *Τριτύς, ἡ ἐκ τῶν θυσία, ἐκ οὐδὲ, κελῶ, καὶ ταύρου: Tristys, perfectum sacrificium, ex sue, oue, hirco:* At creberri-
mè ij-

mè ijdem aliter. imò ipsum illud Romanum iam inde ab Homero, Odyss. A.

Πίζας ἱερά καὶ ἀ Ποσειδάωνι δῖνακτι

Ἀρεῖδον, ἄνδρα τι, σὺν ἑ δ᾽ ἄλλῃσι θεῶν κάπρον.

Neptuno faciens sacra regi falsipotenti

Masculam ouem, & taurum, suisbus verremq; maritum.

Ibi tamen Eustathius varietatem ostendit. &, Ἰς ἴον, inquit, ὅτι ἡ θιαυτή θυσία, τριττία λέγεται παρὰ τοῖς παλαιοῖς, οἱ τριττίαν ἔλεγον τὴν ἐκ τριῶν ζώων θυσίαν, οἷον δύο μύλων καὶ βοῶς, οἷς Ἐπίχαρμος, ἡ βοῶς καὶ αἰγὸς & κεράτιον, ἡ κάπρον καὶ κεῖς καὶ ταύρου. Sciendum quòd tale sacrificium *Tristtya* dicitur antiquis. qui ita vocabant ex tribus animalibus sacrum: sicut duarum ouium & unus bouis, ut Epicharmus, aut bouis, caprae, ouis; aut verris, arietis, tauri. Postremus hic ternio Homeri & noster est. Sicut idem in Hesychio: Τριττίαν, τριάδα, ἑνὶ θυσίαν κάπρου, κεῖς, ἄνδρα. *Tristtyan*, triada, quidam sacrificium verris, arietis, tauri. Et ampliùs deinde: Τρίπτερον ἢ τριττία, θυσία Ἐνυαλίου. οὗτοι δὲ πάντες τρία ἑνὸς ἑσθῆ: *Tricleira* siue *Trittua*, sacrificium Marti. Immolantur autem omnia tria cum suis testibus. Significat integra, neque abscissis virilibus (quod in alijs sacris solebat) immolata fuisse. Atque idè *Solitaurlia* priscà voce, quòd harum hostiarum omnium (verba Festi) iniuncti sunt tauri, quæ pars scilicet ceditur in castratione. Tauros appellat ipsas illas res viriles, ut in alijs exemplis. Sed notetur in Hesychij verbis, *Marti factum sacrum*. quod ipsum Dionysius: Τα δὲ ἱερεῖα αὐτὰ τρις περιελαβὼν περὶ τὸ εὐκαίριον καλοῦσας ἔθελον κατέχον τὸ πιδόν Ἀρεῖ. *Eas verò victimas, ter circumductas exercitum, Marti immolauit*. Sed quid igitur in dissensu pronuntiandum? Dionysij scriptorem (hoc malo, quàm ipsum) aberrasse videri; & κάπρον pro τράγω, verre pro hirco, substituendum.

C A P. XII.

Ciceroni labe dua deterse.

AD Ciceronem redimus, qui plurimùm nobis in mente & manu. In libriscius, quos emendatos censemus, legitur, pro M. Cælio:

Quo quidem tempore ille moriens, cum iam ceteris ex partibus oppressa

*pressa mens esset, extremum sensum ad memoriam reipub. refer-
uabat (vetus codex, reuocabat:) cum me intuens fletentem, signi-
ficabat interruptis atque morientibus vocibus, quanta impende-
ret procella vrbi, quanta tempestas ciuitati; & cum parietem se-
pè feriens eum qui cum Q. Catulo fuerat ei communis, crebrò Ca-
tulum, sepe me, sapissimè remp. nominabat: ut non tam se emo-
ri, quàm spoliari suo praesidio cum patriam tum etiam me doleret.*

Quæ ille de Q. Metelli morte insidijs & fraude vxoris concilia-
tâ narrat, aptatque orationi planè ad suum casum. At quod di-
cit, *quanta impenderet procella vrbi*: haud germanum videtur, ex
ipsâ re, quoniam bis idem dixerit, *vrbi, ciuitati*; & ex librorum
dissensu. Quidam enim: *quanta impenderet procella sibi*. Fortè *ciui*.
Moriens duo nempe hæc ominabatur & prædicebat: cladem
ciui, id est Ciceroni, & cladem patriæ. Ita sensisse eum & dixisse
Ciceronis verba satis clarè ostendunt; sed maximè ista: *spoliari suo
praesidio cum patriam tum etiam me doleret*. Vulgatam tamen lectio-
nem non vtique reiicimus; nec ignoramus, inter urbem & ciui-
tatem discriminis aliquid esse. Pro C. Rabirio istud corrigo:

*At Diacetes fuit regius, & quidem in custodiâ etiam fuit regia,
& vita eius oblata pæna est. multa præterea quæ libido regis,
quæ necessitas coëgit ferre, pertulit.*

Corrigo, inquam: & *vita eius ablata pæna est*. Cicero ipse infe-
rius: *Pertulit ipse custodiam, vidit in vinclis familiares suos, mors ob
oculos sepe versata est*. Coniectura, fateor, hæc est; sed apud æ-
quum & cordatum lectorem satis firma. τὸ δὲ Μεγαρίων ἐπὶ τοῖς λόγοις.
Fidentiùs vt loquar, facit assensus & approbatio R. P. Andreae
Schotti, in quo viro, præter pietatem in Deum, animi candorem,
humanitatem, & multam accuratamque doctrinam, inexplē-
bile prorsus & incredibile quoddam studium rem litterariam
omnimodis adiuuandi.

C A P. XIII.

De duplici Plauti loco coniectura.

Plauti Stichos:

Adeunt, perquirunt quid fiet caussa ilicò,

Alienum

Alienum as copat, an pararis prandium?

Vxorin' sit reddenda dos diuortio?

Curiosos ac παραπαρανομους notat, qui, si quis auctiōnem instituit, statim quærent causas. Obruiturnō ære alieno? an prandiū instituit? an ab vxore diuortit? & causæ quidem aliæ satis iustæ & idoneæ; illa remotior & παραδδῶται, de prandio. Obsecro, vniūse prandij causâ faciendâ auctio? valdè ille sit inanis atque inops, qui eo rem absumat. Certum est litteram mutatam, & primitus scriptum fuisse, *praidium*, id valet prædium. Causæ serix sunt, non parasiticæ. Quærent de ære alieno, de parato emptorve prædio, de dote reddendâ. Huic annotationi libet alteram ἐμπαινεῖν, è Truculento:

A S. *Erubui mecastor misera propter clamorem tuum.*

S T. *Itane erubui? quasi verò corpori reliqueris*

Tuo potestatem coloris ulli capiendi, mala.

Buccas rubricâ, cerâ omne corpus intinxi tibi.

Mirum de cerâ; magisque placeat, cretâ, quæ cum rubricâ aptè iungatur. Nam vterque color in vsu fæminis, quæ vitia corporis, vt Plautina ponam verba, *fuco occulunt*. Idem alibi per translationem:

Creta est profectò horum hominum mihi oratio.

quæ videlicet maculam & sorditudinē omnem animo absterfit.

C A P. X I V.

De uerbo Populares quadam non protrita. Vox Populi latè patens. In Glossario uetere diuinatio.

V Agamur huc & illuc,

Floriferis vt apes in saltibus,

& erraticâ scribendi ratione varia libamus. Et nunc quidem super voce *Populares* adferre quædam mihi visum. Significantur eâ consortes & qui eiusdem cœtus factionisque sunt, ac velut vnius populi. Sallustius: *Catilina cum ad iusiurandum populares sceleris sui adigeret*. Seneca De vitâ beatâ: *Mea quidem hæc sententia est (inuitis hoc nostris popularibus dicam) sancta Epicurum & recta præcipere*. Populares vocat suos Stoicos, in quibus & ipse cen-

C

batur.

batur. Sic idem Sallustius: *Quod factum primò populares coniurationis concusserat.* Iterumque in Iugurthâ, etsi paulò aliter: *Ani-maduertit fugam ad se versum fieri, quæ res indicabat populares esse.* id est, Romanos & suos milites. Et an non milites etiam interpretemur? In Glossis legitur: *Populares, segnâti.* Quod tamen suspectum; & verius immisâ negatione, & segnâti: *non milites.* Nam ita passim, medio vel inferiore ævo, distincti ferè à militibus, & pro plebeiis & infimo populo usurpati. Capitolinus in Antonino: *Pestilentia grauis multa millia & popularium & militum interemit.* Spartianus in Nigrino: *Qui esset odio Senatoribus, militibus, prouincialibus, popularibus.* Vopiscus in Probo: *Immissi deinde populares (è plebe Romanâ) rapuit quisque quod voluit.* Appulcius lib. ix. *Confususque miles de inertia sua quidquam ad quemquam referre popularium, quosdam commilitones nactus istas tunc clades enarrat.* D. Gregorius de Paullino Nolano: *Ego hunc tanti meriti virum, popularè, vt conspiciatur, esse non suspicor.* Posset tamen & in Glossis legi, *Populares, patetru:* qui sunt eiusdem gentis aut patriæ, vt sæpè. Quod autem initio dixi, pro consortibus aut vnius corporis capi, id causam habet, quia *Populi* vox latè olim ita sonabat, & ad omne ferè corpus aut gregem pertinebat. Sic in Manilio, lib. iv. de piscibus:

Littoribusque suis populos exponere captos.

Idem de auibus lib. v.

Ipsè quoque aërios populos celiq̃ue ducatam,

Alituumque genus studium censusque vocabit.

Columella de apibus: *Duo populi coniungi debent.* Appulcius de formicis: *Ruunt alia superque alia sepedum populorum vnda.*

C A P. XV.

Lux Hirtio.

IN Hirtio ita scriptum est Comentario viii. belli Gallici: *Fit deinde S. C. ut ad bellum Parthicum legio vna à Cn. Pompeio, altera à C. Casare, mitterentur: neq; obscurè hæc duæ legiones vni Casari detrahuntur. Nam Cn. Pompeius legionem Primam quam ad Casarem miserat consecram ex dilectû provincie, Casari*

Cæsari eam tanquam ex suo numero dedit. Cæsar tamen, cum de voluntate aduersariorum se exspoliari nemini dubium esset, Cn. Pompeio legionem remisit, & ex suo numero Decimam quintam, quam in Gallia Citeriore habuerat, ex S. C.º inbet tradi. Obscurè & implicatè, nisi cum Fulvio legimus: *ex dilectu prouincia Cæsaris, eam tanquam.* Sed & explicanda res est. Cn. Pompeius in tumultu necis Clodianæ, legionem vnā ē Gallis Cisalpinis conscripserat: quam postea Cæsar in Gallia magno motu ad se mitti petijt: quod ita narratur initio lib. vi. *Simul ab Cn. Pompeio Proconsule petit, quoniam ipse ad Urbem reip. causi maneret, quos ex Cisalpina Gallia Consul sacramento rogasset, ad signa conuenire & ad se proficisci iuberet.* Vbi videtur legendum diuissim: *Consul is.* cum scilicet tertium Consul esset. Ergo hæc legio est, quam Pompeius suam numerat, quod fuerat à se lecta; Cæsar suam, quod in prouinciā, cui præerat, collecta. Notamus etiam, quæ hic Hirtio *Decimaquinta* est legio, manifestè Cæsari Tertiam esse & scribi lib. i. i. belli Civilis: *Erant in sinistro cornu Pompeij legiones duæ, tradita à Cæsare initio dissensionis ex S. C. quarum una Prima, altera Tertia appellabatur.* Qui hæc sine correctione composuerit, nā ille scit conciliaturas.

CAP. XVI.

Quintilianus locus in Declamat. purgatus.

Petrus Pythæus multimodis rem litterariam benè iuuit; non minimū autem eò quod bonas & argutas illas Declamationes Quintilianus primus ē tenebris eruit, & emendauit. In earum CCCXL. legas in ipso Themate:

Qui voluntate domini in libertate fuerit, liber sit. Mango nouitium puerum per publica rostra iecit pratextatum. dicitur ille liber.

Istud de publicis rostris suspiciosum, & quantum cernere mihi datur, haud sincerum est. Legebam: *per publicanos traiecit.* Et sententia hæc est: Mango, vt fraudem publicanis faceret, puerum venalem nouitium in pratextā quasi liberum & ingenuum

* inaffi-
mabilis a-
micus.

traduxit. Fraus successit; sed lis oritur, & puer assertitur in liber-
tatem. Quod ad phrasim, omnino similis in Themate sequenti:
Quidam rem furtiuam transtulit per publicanos. & prior illa ad aquas
& portum spectat: còque aptum *Traiciendi* verbum. Geminum
planè est, quod vir ingenio, virtute & eruditione nimium quan-
to præstabilis, incusque summus & prorsus * ἀτιμὸς φίλος, Ioan-
nes V Vouetius apud Suetonium legi monuit lib. De claris Rhe-
toribus: *Venalicij quum Brundisij gregem venalium è nauis educerent,*
formoso & pretioso puero, quòd portitores verebantur, bullam & præ-
textam togam imposuere: facile fallaciam celarunt. Romam venitur.
res cognita est: petitur puer, quòd domini voluntate fuerit liber, in
libertatem.

CAP. XVII.

Quid Sinus toga. Quintilianus illustratus.

INcredibile est, quantum ad pleniorē antiquitatis notitiam
valeat obseruatio numorum, lapidum, aliorumque veterum
monimentorum. Equidem affirmare ausim, haud parum mul-
ta in scriptoribus esse, quæ vix aliter, quàm ex illis cùm intelli-
gi tum explicari rectè possint. Et inter ea, in eo quidem animo, quæ
ex M. Fabio Quintiliano, quæ vestis modum Oratori præscri-
bit, hîc subieci.

*Est aliquid in amictu quod ipsum aliquatenus temporum condi-
tione mutatum est. Nam veteribus nulli sinus: perquam bre-
ues post illos fuerunt. Itaque etiam gestu necesse est vsos esse alio,
quorum brachium, sicut Græcorum, veste continebatur.*

Et paullo post:

1. Sinus decentissimus, si aliquanto supra imam togam fuerit, num-
quam certè sit inferior.
2. Ille qui sub humero dextro ad sini-
strum obliquè ducitur velut balteus, nec strangulet, nec fluat.
3. Pars toga quæ postea imponitur, sit inferior: nam ita & se-
det melius & continetur.
4. Subducenda etiam pars aliqua
tunicæ, ne ad lacertum in actu redeat.
5. Tum sinus iniiciendus
humero, cuius extremam oram reieciisse non dedecet.
6. Operiri
autem humerum cum toto ingulo non oportet: alioqui amictus fiet
angustus,



CAP. VIII.

In Cæsare compluscula correctiones.

Commentarios Cæsarianos multi studio doctrinæque præstantes homines illustrarunt; & nuperrimè quidem Ioannes Brantius vir clarissimus, & à iure ciuili, ab historiâ ac litteris politioribus benè instructus, Notis non modò suis illis perelegantibus & examussim bonis, sed etiam Petri Ciacconij, quas è schedis eius & liturarijs ingenti labore & industriâ collegit, in ordinem redegit, & vnâ vulgari curauit. Quo factò cùm studij propensæque in rem litterariam voluntatis illustre specimen dedit, tum magnam ab eruditis omnibus gratiam iniuit. Huius itaque, id est hominis *πολύ φιλάττη*, ceterorúmque quibus obtingit ea Sparta, pace bonaque cum veniâ, carptim ego quædam & vellicatim è Cæsare libabo.

Hac re perspectâ Crassus, cùm suâ cunctatione atque opinione timidiore hos-tes; nostros milites alacriores ad pugnandum effecisset, atque omnium voces audirentur, expectari diutius non oportere; cohortatus suos, ad hostium castra contendit.

Qui rem & filum narrationis videt, fatebitur contra mentem Cæsaris hæc scribi. Nam quomodo suâ cunctatione Crassus timorem hostibus, alacritatem suis daret? imò contrà prorsus; & detrectantes metum pati solent. Adde, quòd hostes hîc, non Crassus, cunctentur: atque adeò ipse eos vltro in castris sedentes inuasit. Fuluij liber, *sua cunctatio atque opinio*: nihil pro re. ego sic emendabam: *cùm suâ cunctationumque opinione timidiore hos-tes*: & statim, numero plurium, *effecissent*. Sententia nimis est clara. De bello ciuili lib. i.

Eadem ferè atque eisdem de rebus Prætor Roscius agit cum Cæsare, sibi que Pompeium commemorasse demonstrat.

Vir doctus haud iniuriâ resistit, & hæc verba culpat. Quid enim aliud *eadem dicere*, quàm, *eisdem de rebus*? Hoc est verè *διὰ τούτων*, quod merito Comicus inscitiam appellat. Tentabam mederi: *Eadem ferè, atque eisdem diebus*. vt hoc velit, non eadem solum mandata Roscium pertulisse, sed eodem quoque tempore.

Quod

* *Si idem dicere.*

Quod verum esse, ex Dione lib. XLI. & ipso hîc Cæsare discimus. Eodem libro:

Decuriones Auximi ad Alitium Varum frequentes conueniunt, docent iudicij sui rem non esse: neque se, neque reliquos municipales pati posse, C. Cæsarem, tantis rebus gestis, opido manibusque prohiberi. Proinde habeat rationem posteritatis & periculi sui.

Nego hîc aptum esse posteritatis verbum: quia præsens istuc omne periculum immincebat, non in posterum expectabatur. Verius, *potestatis*. Callidè rogant scilicet, nec sine occultis minis: videat cogitetque, non quid velit solum, sed quid etiam possit. sese vel inuito eo Cæsarem admissuros, nec esse ipsum resistendo. quid autem futurum sic deserto? Paullùm infra:

Gladiatores, quos ibi (Capuæ) Cæsar habebat, in forum produxit. Etos Lentulus libertati confirmat, atque ijs equos attribuit. quos postea monitus à suis, quòd ea res omnium iudicio reprehendebatur, circum familiares conuentus Campaniæ, custodiæ causâ, distribuit.*

* Lipsii-
berrate.

Inplexè & morosè dictum videtur, *familiares conuentus Campaniæ*. Qui enim isti sunt? Cicero qui in locis vicinis, & tantum non in re præsentis fuit, liquidò ita narrat, vt gladiatores distributi modò sint in vrbe ipsâ. Verba eius lib. VII. ad Atticû Epist. XIV. *Gladiatores Cæsaris, qui Capuæ sunt, sanè commodè Pompeius distribuit, binos singulis patribus familiarum*. Non ergo temerè credimus per alios conuentus Campaniæ distributos. Mihi stat legere: *circum familias conuentus Campani*. Conuentum Campanum accipio ipsos incolas & corpus Capuæ vrbis. Sic *conuentum Vticensem* infra nominat, sic *conuentum Cordubensem*: sic de hac ipsâ vrbe lib. III. *Periculum veritus, quòd conuentus arma ceperat*. Vide Festum de hac significatione in voce *Conuentus*: & Asconium, atque alios. Iam *Campanus* à Capuâ formatur, non *Capuanus*, quod Varro indicauit lib. IX. de L.L. Virgilius etiam:

Et Capys, hinc nomen Campanæ ducitur vrbi.

CAP. IX.

Oratio Ciceronis pro Sullâ duobus locis emendata.

GVisitemus iterum aliquid è Tullianâ suadâ, Oratione pro Sullâ.

Ego verò quibus ornamentis aduersor tuis? aut cui dignitati vestra repugno? quid est quod iam ab hoc expetas? Honor ad patrem, insignia honoris ad te delata sunt. Tu ornatus arumnis venis ad eum lacerandum, quem interemisti; ego iacentem & spoliatum defendo.

Haud paullo pulcrior meliôrque lectio è m. s. eruitur, in quo est: *Tu ornatus eximijis*. Liquet scribendum: *exumijis*. Imago ab ijs est, qui in bello hostem percemptum arinis & ornamentis spoliant, eaque sibi circumponunt. Tale pænè hoc Taciti: *Cum ex funere Reip. raptis Consularibus spolijs, innoxios pueros, illustres senes, conspicias feminas eadem ruinâ prosterneret.*

Et pro vulgatâ lectione;

Ecquod est huius factum aut commissum, non dicam audacius, sed quod cuiquam paullo minùs consideratum videretur, quero. Verbum ecquod vnquam ex huius ore excidit, vnde quisquam posset offendi?

longè concinnior pleniôrque libri eiusdem:

Ecquod est huius factum aut commissum, non dicam audacius, sed quod cuiquam paullo minùs consideratum videretur? Factum quero? Ecquod vnquam verbum ex huius ore excidit, vnde quisquam posset offendi?

CAP. X.

In Hirtio non parua rei coniectura, quâ à Petreio casum; non, ut nunc vulgò legitur, hunc ab illo. Florus & Orosius obiter correcti.

IN Commentatio de bello Africo locus est asper & confragosus, quem emendo & planum reddo.

Rex

Rex interim Iuba ab omnibus ciuitatibus exclusus, desperatâ salute, cum iam conatus esset cum Petreio, vt per virtutem interfecti esse viderentur, ferro inter se depugnant, atque firmiter imbecilliorum Iuba Petreium facile ferro consumpsit. Deinde ipse sibi cum conaretur gladio transire petitus, nec posset, precibus à seruo suo impetravit, vt se interficeret.

In phrasi scrupulus, & in ipsâ historiâ, ob dissensum. De phrasi illâ, cum iam conatus esset, scio M. Antonium Muretum

* Tam alta doctrina virum.

* In Notis ad Sen. De Prouid.

βὰς & παύειας* rescribere, cum omnia conatus. Haud malè; verumtamen, pace tanti viri, verius arbitror, cum iam conatus esset.

Nam ista post epulas euenisse Florus dicit: Iuba cum se recepisset in regiam, magnificè epulatus cum Petreio. Sed & Appianus hoc factum prodit ἐν τῇ δαίτῃ, in cœnaculo. Quod autem ad dissensum, noster hic à Iubâ vult Petreium interfectum, cum Florus & Liuius contrâ. Ego verò nec opinor aliter ab Hirtio scriptum, & planè emendem, imbecilliorum Iubam Petreius. Arguunt sequentia sic fuisse, cum addit superstitem à seruo suo impetrasse. De homine Romano hoc bene, cui serui & liberti; vix de Rege, cui comites aut satellites potius tribuisset. Denique nemo Iubam à seruo cæsum tradidit; quidam mutuis eos ictibus perijsse. Seneca ab hac parte, De Prouidentia: Jam Petreius & Iuba concurrerunt, iacentque alter alterius manu cæsi. Item Appianus: Ἰόβας δὲ καὶ Πετρεῖος ἦσαν πομπῶν πτωχῶν ἐν τῇ δαίτῃ ἔειπον διηχρήσαντο ἀλλήλους: Iuba & Petreius eorum quæ euenerant gnari, in cœnaculo mutuo se interfecerunt. Apertè pro Senecâ, vt mirum sit Muretum scribere quòd ab Hirtio sentiat. Sed & Dio in hac sententiâ: Ἐπειδὴ μὲν οὖν αὐτὸν ἐδέξατο, ἀπὶ τῶν τε τῶν σωματείων, καὶ τῶν Πετρεῖου μὲν δαμίας μὲν αὐτῶν ἰλπίδας ἀδίας ἔχοντι, ἐμοτομαχίῃ καὶ σωματείῃ: Deinde cum nemo eum (Iubam) susciperet, & desperaret de salute, cum Petreio, qui nec ipse vsquam spem securitatis videret, singulari certamine concurrat, & vnâ cum illo mortuus est. Hæc ita isti; sed Hirtius aliter: ac Florus; Iuba cum se recepisset in regiam, magnificè epulatus cum Petreio fugæ comite, super mensas & pocula interficiendum se ei præbuit. Ille & regi suffecit & sibi. Obiter moneo, cum se recepisset in regnum. nam regiam certè non fuit ingressus; neque in hac cæsa getta, sed in villâ. Florus autem ait, Petreium sibi ipsi manus attulisse, cæso Iubâ, quod Hirtius negat: & credibile est, melius

hunc scisse. Hauserat hoc ipsum è Floro, de more suo, Orosius: *Iuba percussori iugulum, pretio dato, præbuit. Petreius eodem se gladio perfodit. Sed planum & certum est, emendandum, iugulum Petreio præbuit; & Glossematium vel imperitia contaminauit. Altera salebra:*

Quibus rebus Scipio, quique cum eo essent comites, mirari & requirere.

Superfit enim dictio, quam exturbat codex scriptus, hoc modo: *quique cum eo essent, commirari & querere.* Compositum hoc usurpat, ut alia multa, Cornicorum in morem.

CAP. XI.

Quibus victimis factum in Suouetaurilibus. Dionysius Halicarnass. emendatus.

Diuersæ olim victimæ pro genere sacrificij, proque Deo Deæve, cui fieret, adhibitæ fuerunt. Suouetaurilibus quidem, ut arbitror, eæ ipsæ quas vox notat & designat, Sus, Ovis, Taurus. Ne tamen hoc inter res iudicatas habeatur, facit dissensus Dionysij Halicarnassensis, qui sacrum hoc instruit *ταύρου καὶ κελῶ καὶ τριτύου*, tauro, ariete, hirco. Hircum videlicet pro sue supponit. Quid ergo? magis illi fides vni, quam multis erit, bonis & priscis? Varro, cui talia satis exquisita sine dubio fuere, II. De re Rust. scribit: *Populus Romanus cum lustratur Suouetaurilibus, circumaguntur verres, aries, taurus.* Enimvero & ille suum agnoscit, sed marem, quem verrem appellat. Quid Fabius? *Suouetaurilia iam persuasum est esse ex sue, oue, tauro.* Festus: *Solitaurilia hostiarum trium diuersi generis immolationem significant, tauri, arietis, verris.* Glossæ veteres: *Solitaurilia, θυσία ἐκ οὐδὲ, κελῶ, ταύρου: Sacrificium ex sue, oue, tauro.* Asconius de lustru Cenforio: *Solitaurilia sacrificium de sue, oue, tauro faciebant.* Quid quod etiam hodie Romæ in fornice Constantini plurimisq. locis sacrum hoc specie trium istarum victimarum? Omnino Dionysij scriptio labare videtur, & fortasse Græcorum ei ritus in mente, apud quos interdum in tali sacro hircus. Suidas: *τριτύς, ἢ ἐριτύς; θυσία, ἐκ οὐδὲ, κελῶ, καὶ ταύρου: Tritrys, perfectum sacrificium, ex sue, oue, hirco:* At creberri-

mè ij-

mè ijdem aliter . imò ipsum illud Romanum iam inde ab Homero, Odyss. A.

Πίζας ἡρὰ καὶ Ἀ Ποσειδάωνι ἀνακτι

Ἀρτεῖον, αὐτῇ τῇ, συν τ' ὀπλοῖσιν καὶ ἄλλοις.

Neptuno faciens sacra regi falsipotenti

Masculam ouem, & taurum, suis verremq; maritum.

Ibi tamen Eustathius varietatem ostendit . & , ἴσως, inquit , ἐπὶ τῇ αὐτῇ θυσίᾳ, τριττία λέγει παρα τοῖς παλαιοῖς, οἱ τριττίαν ἔλεγον τὴν ἐκ τριῶν ζώων θυσίαν, οἷον δύο μύλων καὶ βοῶς, ὡς Ἐπίχαρμος, ἡ βοῶς καὶ αἶγος & περὶ αὐτῆς, ἡ καὶ οὐκ καὶ καὶ ταύρου. Sciendum quod tale sacrificium Trittya dicitur antiquis . qui ita vocabant ex tribus animalibus sacrum : sicut duarum ouium & unius bouis, ut Epicharmus; aut bouis, caprae, ouis; aut verris, arietis, tauri. Postremus hic ternio Homeri & nolter est. Sicut idem in Hesychio : Τριττία, τριάδα, ἑνὶ θυσίαν καὶ οὐκ καὶ, αὐτῇ. Trittuan, triada, quidam sacrificium verris, arietis, tauri. Et amplius deinde: Τριττεῖα ἡ τριττία, θυσία Ἐρμῶς. θύει δὲ πάντες τρία ἑωρκα : Trieteira siue Trittua, sacrificium Marti. Immolantur autem omnia tria cum suis testibus. Significat integra, neque abscissis virilibus (quod in alijs sacris solebat) immolata fuisse. Atque idco Solitaurilia priscâ voce, quod harum hostiarum omnium (verba Festi) iniuncti sunt tauri, quæ pars scilicet caditur in castratione. Tauros appellat ipas illas res viriles, ut in alijs exemplis. Sed notetur in Hesychij verbis, Marti factum sacrum. quod ipsum Dionysius: Τα δὲ ἡρῆα αὐτὰ ἐς ἀελαχθῆναι πρὸς τὸ εὐχετόμενοι καλῶσαις ἔθελον κατέχον τὸ πιδόν Ἀρεῖ. Eas verò victimas, per circumductas exercitum, Marti immolauit. Sed quid igitur in dissensu pronuntiandum? Dionysij scriptorem (hoc imalo, quàm ipsum) aberrasse videri; & καὶ οὐκ pro τράγω, verre pro hirco, substituendum.

C A P. XII.

Ciceroni labris dua deterse.

AD Ciceronem redimus, qui plurimùm nobis in mente & manu. In libris eius, quos emendatos censemus, legitur, pro M. Cælio:

Quo quidem tempore ille moriens, cum iam ceteris ex partibus oppressa

*pressa mens esset, extremum sensum ad memoriam reipub. refer-
uabat (vetus codex, reuocabat:) cū me intuens flentem, signi-
ficabat interruptis atque morientibus vocibus, quanta impende-
ret procella vrbi, quanta tempestas ciuitati; & cū parietem se-
pè seriens eum qui cum Q. Catulo fuerat ei communis, crebrò Ca-
tulū, sepe me, sapissimè remp. nominabat: vt non tam se emo-
ri, quā spoliari suo prasidio cū patriam tum etiam me doleret.*

Quæ ille de Q. Metelli morte infidijs & fraude vxoris concilia-
tā narrat, aptatque orationi planè ad suum casum. At quod di-
cit, *quanta impenderet procella vrbi*: haud germanum videtur, ex
ipsâ re, quoniam bis idem dixerit, *vrbi, ciuitati*; & ex librorum
dissensu. Quidam enim: *quanta impenderet procella sibi*. Fortè ciui.
Moriens duo nempe hæc ominabatur & prædicebat: cladem
ciui, id est Ciceroni, & cladem patriæ. Ita sensisse eum & dixisse
Ciceronis verba satis clarè ostendunt; sed maxime ista: *spoliari suo
prasidio cū patriam tum etiam me doleret*. Vulgatam tamen lectio-
nem non vtique reiicimus; nec ignoramus, inter urbem & ciui-
tatem discriminis aliquid esse. Pro C. Rabirio istud corripo:

*At Diacetes fuit regius, & quidem in custodiâ etiam fuit regis,
& vita eius oblata pœna est. multa præterea quæ libido regis,
quæ necessitas coëgit ferre, pertulit.*

Corripo, inquam: & *vita eius ablata penè est*. Cicero ipse infe-
rius: *Pertulit ipse custodiam, vidit in vinclis familiares suos, mors ob
oculos sepe versata est*. Coniectura, fateor, hæc est; sed apud æ-
quum & cordatum lectorem satis firma. τὸ δὲ Μεγαρίων ἐδίδας λόγος.
Fidentiùs vt loquar, facit assensus & approbatio R. P. Andrea
Schotti; in quo viro, præter pietatem in Deum, animi candorem,
humanitatem, & multam accuratamque doctrinam, inexplē-
bile prorsus & incredibile quoddam studium rem litterariam
omnimodis adiuuandi.

C A P. XIII.

De duplici Plauti loco coniectura.

Plauti Stichō:
Adeunt, perquirunt quid fiet causse ilicò,

Alienum

Alienum es copat, an pararis prandium?

Vxorin' sit reddenda dos diuortio?

Curiosos ac *παραπράγμους* notat, qui, si quis auctiōnem instituit, statim quærunt causas. Obruītūm ēre alieno? an prandiū instituit? an ab vxore diuortit? & causæ quidem aliæ satis iustæ & idoneæ; illa remotior & *παραδόξαι*, de prandio. Obsecro, vniūscuius prandij causâ faciendā auctio? valdè ille sit inanis atque inops, qui eo rem absumat. Certum est litteram mutatam, & primitus scriptum fuisse, *praidium*, id valet prædium. Causæ feriarum sunt, non parasiticæ. Quærunt de ære alieno, de parato emptorē prædio, de dote reddendâ. Huic annotationi libet alteram *ἐμπειρίαν*, è Truculento:

A S. Erubui mecastor misera propter clamorem tuum.

S T. Itāne erubui? quasi verò corpori reliqueris

Tuo potestatem coloris vlli capiendi, mala.

Buccas rubricâ, cerâ omne corpus intinxti tibi.

Mirum de cerâ; magisque placeat, cretâ, quæ cum rubricâ aptè iungatur. Nam vterque color in vsu faminis, quæ vitia corporis, vt Plautina ponam verba, *fuco occultunt*. Idem alibi per translationem:

Creta est profectò horum hominum mihi oratio.

quæ videlicet maculam & sorditudinē omnem animo absterfit.

CAP. XIV.

De verbo Populares quadam non protrita. Vox Populi latè patens. In Glossario vetere diminutio.

V Agamur huc & illuc,

Floriferis vt apes in saltibus,

& erraticâ scribendi ratione varia libamus. Et nunc quidem super voce *Populares* adferre quædam mihi visum. Significantur eâ consortes & qui eiusdem cœtus factionisque sunt, ac velut vnius populi. Sallustius: *Catilina cum ad insurandum populares sceleris sui adigeret*. Seneca De vitâ beatâ: *Mea quidem hæc sententia est (inuitis hoc nostris popularibus dicam) sancta Epicurum & recta præcipere*. Populares vocat suos Stoicos, in quibus & ipse cen-

C

batur.

batur. Sic idem Sallustius: *Quod factum primò populares coniurationis concusserat.* Iterumque in Iugurthâ, etsi paullo aliter: *Ani-
maduertit fugam ad se versum fieri, qua res indicabat populares esse.*
id est, Romanos & suos milites. Et an non milites etiam inter-
pretemur? In Glossis legitur: *Populares, segnârai.* Quod tamen
suspectum; & verius immisâ negatione, *is segnârai: non milites.*
Nam ita passim, medio vel inferiore ævo, distincti ferè à mili-
tibus, & pro plebeiis & infimo populo vsurpati. Capitolinus in
Antonino: *Pestilentia grauis multa millia & popularium & militum
interemit.* Spartianus in Nigrino: *Qui esset odio Senatoribus, mili-
tibus, prouincialibus, popularibus.* Vopiscus in Probo: *Immissi dein-
de populares* (è plebe Romanâ) *rapuit quisque quod voluit.* Ap-
puleius lib. IX. *Confususque miles de inertia suâ quidquam ad quem-
quam referre popularium, quosdam commilitones nactus istas tunc cla-
des enarrat.* D. Gregorius de Paullino Nolano: *Ego hunc tanti me-
riti virum, popularè, vt conspicitur, esse non suspicor.* Posset tamen &
in Glossis legi, *Populares, patetârai:* qui sunt eiusdem gentis aut
patriæ, vt sæpè. Quod autem initio dixi, pro consortibus aut v-
nius corporis capi, id causam habet, quia *Populi* vox latè olim
ita sonabat, & ad omne ferè corpus aut gregem pertinebat. Sic
in Manilio, lib. IV. de piscibus:

Littoribusque suis populos exponere captos.

Idem de auibus lib. V.

Ipse quoque aërios populos calique ducatum,

Alituumque genus, studium censusque vocabit.

Columella de apibus: *Duo populi coniungi debent: Appuleius de
formicis: Ruunt alia superque alia sepedum populorum vnda.*

C A P. XV.

Lux Hirtio.

IN Hirtio ita scriptum est Commentario VIII. belli Gallici:
*Fit deinde S. C^m vt ad bellum Parthicum legio vna à Cn. Pom-
peio, altera à C. Casare, mitterentur: neque; obscurè hæc due legiones
vni Casari detrahuntur. Nam Cn. Pompeius legionem Pri-
mam quam ad Casarem miserat consecram ex dilectu provincie,*
Casari

Cæsari eam tanquam ex suo numero dedit. Cæsar tamen, cum de voluntate aduersariorum se exspoliari nemini dubium esset, Cn. Pompeio legionem remisit, & ex suo numero Decimam quintam, quam in Galliâ Citeriore habuerat, ex S. C. iubet tradi.

Obscurè & implicatè, nisi cum Fuluiο legimus: *ex dilectū prouincia Cæsaris, eam tanquam.* Sed & explicanda res est. Cn. Pompeius in tumultu necis Clodianæ, legionem vnam è Gallis Cisalpinis conscripserat: quam postea Cæsar in Galliæ magno motu ad se mitti petijt: quod ita narratur initio lib. vi. *Simul ab Cn. Pompeio Proconsule petit, quoniam ipse ad Urbem reip. causâ maneret, quos ex Cisalpinâ Galliâ Consulis sacramento rogasset, ad signa conuenire & ad se proficisci iuberet.* Vbi videtur legendum diuissim: *Consul is.* cum scilicet tertium Consul esset. Ergo hæc legio est, quam Pompeius suam numerat, quod fuerat à se lecta; Cæsar suam, quod in prouinciâ, cui præerat, collecta. Notamus etiam, quæ hîc Hirtio *Decimaquinta* est legio, manifestè Cæsari Tertiam esse & scribi lib. iiii. belli Ciuilis: *Erant in sinistro cornu Pompeij legiones duæ, traditæ à Cæsare initio dissensionis ex S. C. quarum una Prima, altera Tertia appellabatur.* Qui hæc sine correctione composuerit, nâ ille scit conciliaturas.

CAP. XVI.

Quintiliani locus in Declamat. purgatus.

Petrus Pythæus multimodis rem litterariam benè iuuit; non minimùm autem eò quòd bonas & argutas illas Declamationes Quintiliani primus è tenebris eruit, & emendauit. In earum CCCXL legas in ipso Themate:

Qui voluntate domini in libertate fuerit, liber sit. Mango nouitium puerum per publica rostra iecit prætexitatum. dicitur ille liber.

Istud de publicis rostris suspiciosum, &, quantum cernere mihi datur, hæd sincerum est. Legebam: *per publicanos traiecit.* Et sententia hæc est: Mango, vt fraudem publicanis faceret, puerum venalem nouitium in prætextâ quasi liberum & ingenuum

traduxit. Fraus successit; sed lis oritur, & puer asseritur in libertatem. Quod ad phrasim, omnino similis in Themate sequenti: *Quidam rem furtivam transtulit per publicanos.* & prior illa ad aquas & portum spectat: còque aptum *Traiciendi* verbum. Geminum planè est, quod vir ingenio, virtute & eruditione nimium quanto præstabilis, meúsque summus & prorsus ἀτίμητος φίλος, Ioannes VVouctius apud Suetonium legi monuit lib. De claris Rhetoribus: *Venalicij quum Brundisij gregem venalium è navi educerent, formoso & pretioso puero, quòd portitores verebantur, bullam & prætextam togam imposuere: facile fallaciam telarunt. Romam veniunt: res cognita est: petitur puer, quòd domini voluntate fuerit liber, in libertatem.*

* inaffi-
mabiliu a-
micus.

CAP. XVII.

Quid Sinus toga. Quintilianus illustratus.

INcredibile est, quantum ad pleniorē antiquitatis notitiam valeat observatio numorum, lapidum, aliorumque veterum monumentorum. Equidem affirmare ausim, haud parum multa in scriptoribus esse, quæ vix aliter, quàm ex illis cùm intelligi tum explicari rectè possint. Et inter ea, meo quidem animo, quæ ex M. Fabio Quintiliano, quæ vestis modum Oratori præscribit, hîc subieci.

Est aliquid in amictu quod ipsum aliquatenus temporum conditione mutatum est. Nam veteribus nulli sinus: perquam breves post illos fuerunt. Itaque etiam gestu necesse est vos esse alio, quorum brachium, sicut Græcorum, veste continebatur.

Et paullò post:

1. Sinus decentissimus, si aliquanto supra imam togam fuerit, nunquam certè sit inferior.
2. Ille qui sub humero dextro ad sinistrum obliquè ducitur velut balteus, nec strangulet, nec fluat.
3. Pars togæ quæ postea imponitur, sit inferior: nam ita & sedet melius & continetur.
4. Subducenda etiam pars aliqua tunica, ne ad lacerum in ætæ redeat.
5. Tum sinus iniiciendus humero, cuius extremam oram reieciisse non dedecet.
6. Operiri autem humerum cum toto iugulo non oportet: alioqui amictus fiet angustus,





angustus, & dignitatem, quæ est in latitudine pectoris, perdet.
 7. Sinistrum brachium eousque allenandum est, vt quasi norma-
 lem illum angulum faciat. 8. Super quod ora ex togâ duplex
 equaliter sedeat.

Nam qui isti sinus? Ictarus Baïsius, quamquam ex professo de
 Re vestiariâ scribit, nullum de iis verbum. Et Antonius quidem
 Augustinus, etsi rerum veterum apprimè sciens, longius abit:
 Aldus verò Manutius accedit, remque ipsam tantum non at-
 tingit; sed non pariter atque alias res solet, leuiter satis atque de-
 functoriè. Quoniam autem hæc talia quò plenè animo & cogi-
 tatione comprehendantur, ante oculos contemplanda poni de-
 bent, ego per imagines interpretes id præstare conabor. Et, vt
 promissâ repræsentem, ecce togæ recentioris cum sinibus exem-
 plum; antiquioris citra sinus, & astrictæ, quoniam * alibi po-
 nam, in præsentia prætermittam.

Pro explicatione notas adieci, quæ verbis Fabij respondent,
 & omnino satis habeo, quasi punctis hæc signasse. Neque enim

* Infra
 cap. xxx.
 De mappa
 missione.

— *multam hic operam consumere par est,*
 aut longos facere logos super eâ re, quæ melius oculis quàm au-
 ribus diiudicatur. Vnum tamen certum est indictum non amitte-
 re: quòd sinus hosce Manutius togæ, non attextos, sed appen-
 sos & assutos tradit, id nescio sanè, an ei dictarit * *Ἰουὶς ἡ*
Διὸς, nec, vt ipsi Fidei, credendum hîc ei censeo. *ἡ Ὑπερβολὴ*
 Quin affirmare
 ausim, sinum nihil quicquam à togâ seiunctum; sed partem
 eius, imò illam ipsam fuisse, in certum compositam atque re-
 plicatam modum. Dicerein, fortè etiam ita leuiter consutam
 atque concinnatam, vt eandem ad faciem semper ferè esset. cu-
 ius instar hodièque in mulierum Hispaniensium & Italarum
 quarundam pallis, quas Mantos appellant. Sed obstare Ter-
 tullianus videtur, qui suo æuo (nescio an superiore) cottidianam
 euram & reformationem adhibitam fuisse scribit.

* *Ἰουὶς ἡ*
Διὸς
ἡ Ὑπερβολὴ
ἡ Ὑπερβολὴ

Inseratur Iconismus statua togata.



CAP. XVIII.

Medicina Linij duobus vulneribus.

* mollem
manum
admoneto.

Luium variè corruptum & auxiliij cœnium esse facilè animaduertet, quisquis in eo fuerit non indiligenter. Ego quibuldam locis * *μελακὰν χρεὶα προσκαλέμαι*, & medicinam facere conabor, Apolline, quod spero, propitio. Lib. xxi. narrat legatos Romanos ad castra Annibalis venisse, iuxta Saguntum variâ ludificatione tardatos, & deniq; non admissos. Adiungit:

Apparebat non admissos protinus Carthaginem ituros. litteras igitur nunciosque ad principes factionis Barchinæ præmittit, ut prepararent suorum animos, ne quid pars altera gratificari pro Romanis posset. Itaque præterquam quòd admissi auditiq; non sunt, ea quoque vana atque irrita legatio fuit. Hanno vnus, aduerso senatu, propter auctoritatem suam cùm assensu audientium egit.

Negat ecce admissos. Adeóne feroces igitur aut barbari Carthaginenses, vt nec legatos audirent? falsum, & statim infra scribitur: *Multò insensius arguebant locutum Hannonem, quàm Valerium Flaccum legatum Romanum.* Ergo admissi, auditi, ac dimissi. Et omnino tollenda negatio, legendúmque: *præterquam quòd admissi auditiq; sunt.* Sensus est: Ea quoque legatio tam vana fuit & irrita, quàm illa ad Annibalem: nisi tamen quòd hîc admissi sunt & auditi. Sed cor mihi perfrigefacit quod sequitur, *cum assensu audientium egit.* Itâne? cum assensu? Atqui paullo antè narrat, *aduerso senatu* dixisse. & paullo post: *Nemini omnium certare oratione cum Hannone necessum fuit, adeò propè omnis senatus Annibalis erat;* & quæ plura in hac refragatione subtexuntur. Quid agam? quomodo tragulam hanc deicero? Audendum est. Nam, vt ille verè scribit,

Timidus in rebus dubiis, nauci non erit.

& reponendum, *propter auctoritatem suam, non assensum audientium.* Hanno, inquit, silentio causam egit Romanam, non quòd assentirentur; sed quia inueterata viri auctoritas hoc saltim iuris apud eos obtinebat.

CAP. XIX.

Valerio Maximo vox fugitiua restituta.

Valerius Maximus lib. I. x. cap. XI.

Mithridates autem multo sceleratius, qui non cum fratre de paterno regno, sed cum ipso patre bellū de dominatione gessit. Nemo quidem hoc de ipso Mithridate; sed de Pharnace eius filio, cum Dio tum Eutropius & Orosius. In libris priscis vidi, Mithridatis autem. Notulam inferre, & veritas emerget: Mithridatis F. autem. Ea valet filium, & ita signabant: quæ notula elapsa scelere Mithridatem, vitio Valerium inquinauit.

CAP. XX:

Antilogiam in Cesare videri.

Offendimus in istis Cæsaris verbis Commentario III. Ciuilium:

Multi iam menses transferant, & hiems precipitauerat: neque Brundisio naues legionisque ad Cæsarem veniebant.

Nam falsa videtur, imò ævosa scribere. Ait transisse multos menses: ex quo scilicet copias suas Brundisio expectat. & addit, iam hiemem precipitasse. quod est, in exitu & declinatione esse. Atqui pridie Nonas Ianuarias, id est mediâ ipsâ hieme, Cæsar Brundisio soluerat (ipsemec ita scripsit) quomodo igitur vel ad ultimam hiemem multi menses? Solus sanè Februarius supererat. Res consideranti clara: sed quâ soluimus aut in edemur? Putarem legendum: *Multum iam mensis transferat.* siue ad ipsum hoc Ianuarium, siue & Februarium refert. Nam brevis scilicet traiectus ille ex Italiâ in Epirum: & Cæsar animo breuiorem faciebat; cui quælibet mora longa & molesta, ob cupidinem vincendi. Hæc ita probè dicta videntur; sed ad aliud ecce saxum nos fluctus ferunt. Nonne enim damnat & euertit quod eodem libro paullo supra? *Hic fuit oppugnationis exitus, iamq; hiems appropinquabat, & tantis detrimentis acceptis Octavius, desperatâ expugnatione, Dyrrhachium sese ad Pompeium recepit.* Hæc, inquam, ante narrat:

& si

& si tunc hiems demum appropinquabat, quomodo nunc in exitu? Quomodo etiam Cæsar Ianuario soluit, cùm hæc narrentur postquam oram Italię soluisset? Caligo hîc mihi est, & omnino putem, vel malè, nec suo loco (quod alibi in his libris factum) hæc inserta, vel mendosè legi. Io. autem Rhellicanū miror, qui cuneum aliquem huic nodo quærens, per hiemem non tempus hibernum, sed tempestatem intelligi censet. quod sanè ποικιλία, & ab huius scripti simplicitate perquam alienum.

CAP. XXI.

In Liuiο vera scriptura reposita.

VBertim & λόγῳ quadam ἐκβολῇ Liuius disputat, quid futurum, si Alexander Macedo in Italiam venisset. Atque ille pro Romanis pronuntiat, cùm ob alias caussas, tum ob vitia Regis.

Referre, inquit, in tanto rege piget superbam mutationem vestis, & desideratas humi iacentium adulationes, etiam victis Macedonibus graues, nedum victoribus.

Quo loco duo monenda. Primùm, *humi iacentium adorationes*, legendum videri. Nam * προσκύνησις illa Persarum satis nota, & ritum hunc adorandi reges fuisse, non adulandi. Secundò, transposita verba esse, & præter Liuij mentem & præter verum. Anne victis Macedonibus graues ex adorationes? illi verò victores erant, nec video quod acumen aut quæ lingua hæc excuset. Cordi meo obsequar, & scribam: *etiam victis graues, nedum [Macedonibus] victoribus.* Fædè & feruiles illę adorationes, inquit, vrebant angebântq; etiam victas gentes: quidni hanc victricem?

CAP. XXII.

*Quesitum super loco Cæsaris. Curiçta insula.
Appianus correctus.*

Commentario III. Ciuilium, in mandatis quæ Cæsar dat Vibullio pro pace:

flum

*Illum ab Italia expulsum, amissâ Sicilia, Sardinia; se morte Curionis & detrimento Africani exercitus tanto, militumque deditio-
ne ad Corcyram affectum.*

Quæ hæc deditio militum Iulianorum, ad Corcyram, & inter clades nobiles, haud facillè dixeris: imò nusquam in ipso Cæsare reperio, tota que ea pars deest. Itaque suspicio est, vitium esse, germanamque scriptionem, ad *Curictam*, insulam Illyrico obiacentem. Est enim clades illa ad oras Illyrici accepta, in quâ Antonius cum x v. cohortibus captus est ab Octavio & Libone Pompeianis. Nemo locum certiùs clariùsque expressit quàm Lucanus:

*Quà maris Hadriaci longas ferit unda Salonas,
Et tepidum in molles Zephyros excurrit Iäder;
Illic bellaci confusus gente * Curetum,
Quos alit Hadriaco tellus circumflua ponto,
Clanditur extremâ residens Antonius orâ.*

* Fortè,
Curium.

Et plura, quæ historicâ fide (vt solet) addit. Ergo in *Curetum*, siue potius *Curitum* insulâ ea clades, vbi flumen Iäder in mare exit, & iuxta Salonas. Est sanè in Ptolomæo Curicta insula eo tractu; sed longiusculè tamen à Salonis, ad occasum & interiora maris sita. Quod ipsum Lucanus videtur indicare, cum ponit ad partem, quâ in *Zephyros* (id est, occasum) Iäder excurrit. Certè pro hac lectione quidam Flori vetus liber, vbi *Curictico* vel *Curitico* litore scriptum. Quod non rejiculum, cum & Plinio & Ptolomæo insula hæc *Curicta* nominata. Reliquum est, vt in Appiano manifestarium hîc errorem ostendam, I I. Εμφορίαν: Καὶ τὴν αὐτὴν ἡμέραν Ἀντωνίος τὴν περὶ τὴν Ἰθάκην ἰκόμενος ὑπὸ Ὀκταβίου Δολαβέλλα Πομπηίου στρατηγούτου: *Isdem diebus Antonius apud Illyricam oram victus est ab Octavio Dolabella, Pompeij legato.* Falso planè: quasi idem Octavius qui Dolabella. Atqui seiungendi sunt, & Dolabella in Iulianis partibus fuit. Itaque talis aliqua lectio in Appiano substituenda: Ἀντωνίος τὴν καὶ Δολαβέλλα περὶ τὴν Ἰθάκην. *Antonius & Dolabella apud Ill. voce in suum locum retractâ. Nam Dolabella (quod in Orofio legas, libro v i. cap. x v.) ab Octavio victus ad Antonium fugerat.*

CAP. XXIII.

Liuius de opinione emendatus.

*valde ar-
tificiosi &
accurati.

A Nnibalis illa concio ad milites ante pugnam ad Tici-
num, facunda est, & *μεγάλη τελεσιλογία* facta, ac
forte pro Annibale nimis. In eâ hæc quoque leguntur:

*Non ego illud parui aestimo, milites, quod nemo vestrum est, cuius
non ante oculos ipse sæpè militare aliquod ediderim facinus, cui non
idem ego virtutis spectator ac testis notata temporibus locisque
referre sua possim decora: tum laudastis me milites, donastis.
Alumnus prius omnium vestrum quàm Imperator, procedam
acie aduersus ignotos inter se ignorantésque.*

Sed fatin' aut integra, aut puta? illa certè non videntur: *tum lau-
dastis me milites, donastis.* Quid donauerint? an munera accipere
à militibus Imperator solet? imò dare. Si non aliquid deficit,
legerim in hanc mentem: *donati estis.* Duo recensuit: Et ego, in-
quit, fortiter sæpè feci vobis spectantibus, & vos me. Laudem
igitur à vobis accepi, præmium vnicum ducibus; & vos dona à
me ex militiæ more.

CAP. XXIV.

*Vocula Casari reddita. AErarium sanctius
ab eo apertum.*

Commentario Cæsaris I. De bello ciuili locus est, nisi
glaucoma mihi ob oculos obiecta, mutilus & mendosus.
*Quibus rebus Romam nuntiatis, tantus repente terror inuasit, ut
cum Lentulus Consul ad aperiendum ararium venisset, ad pecu-
niam Pompeio ex S. C. proferendam, protinus aperto sanctiore æ-
rario ex urbe profugeret. Cæsar enim aduentare, iam iamque ad-
esse eius equites falso nuntiabantur.*

Agite dum, excutite mecum & euentilate. Testimonia desunt
aperti à Lentulo & Pompeianis ærarij, imò in diuersum potius
eunt. Dio Cassius lib. XLI. clausum ærarium à Consulibus
narrat, & clauēs vnâ ablatas: *Quasi, inquit, Cæsar secures non ha-
beret*

beret ad perfringendum. Idem & Cicero tangit Ep. x i i. lib. v i i. ad Att: *Nec Cæsarem rerum prolatio, nec Senatus magistratumque discessio, nec ærarium clausum tardabit.* Et idem Epist. xv. queritur, *pecuniam omnem, non mouë priuatam, quæ in vrbe est, sed etiam publicam, quæ in ærario, Cæsari relicta.* At enim redit, inquit, postea Lentulus, & aperuit. Hoc præter Cæsarem indicare Cicero videtur, Epist. x x. eiusdem libri v i i. *Jd. Febr. Capuam C. Cæsius Tribun. pl. venit: attulit mandata ad Consules, vt Romam venirent, pecuniam de sanctiore ærario auferrent.* Sed si verba, quæ sequuntur, consideres, videbitur contrà. Ostendit enim periculum: &, *Redeant?* inquit: *quo præsidio? deinde exeant: quis sinat? Consul ei rescripsit, vt prius ipse in Picenum.* Ergo Pompeij quidem hæc mens & desiderium fuit: vix est, vt arbuiter patratum. Cicero, qui dies & gesta diligentissimè recenset, non id ostendit, neque alius historicorum. Quid quòd palàm contradicunt? Nam consensu narrant, Cæsarem in reditu à Brundisio ærarium, obsistente Metello, perfregisse, compilasse. Ita Dio, Plutarchus, Appianus, Lucanus: & pecuniæ etiam summas Plinius lib. x x x i i. cap. i i i. Orosius lib. v i. cap. x v. (et si numero impari) conceperunt. Sed iterum fortasse quispiam dixerit, Sanctius modò ærarium, vt Cæsar hîc scribit, à Lentulo apertum; at alterum à Cæsare. Sed & is factus nihilo facit. Nam in publico siue exposito non adeò magna vis auri propter assiduos sumptus: & constat Cæsarem intactas & reconditas populi opes abstulisse, quæ sine dubio in ærario sanctiori. Disertè, vt Appianum & alios præteream, Lucanus:

*Protinus abducto patuerunt templa Metello.
Tunc rupes Tarpeia sonat, magnoque reclusas
Testatur stridore fores: tunc conditus imo
Eruiitur templo multis intactus ab annis
Romani census populi: quem Punica bella,
Quem dederat Perses, quem victi præda Philippi:
Quod tibi Roma fugâ Pyrrhus trepidante reliquit,
Quo te Fabricius Regi non vendidit auro:
Quicquid parcorum mores seruastis auorum:
Quod dites Asia populi misere tributum,
Victoriq; dedit Minoia Creta Metello:*

*Quod Cato longinqua vexit super aquora Cypri.
Tunc Orientis opes, captorumque vltima regum,
Quæ Pompeianis prælata est gazæ triumphis
Egeritur: tristi spoliatur templa rapinâ,
Pauperiorque fuit tunc primum Cæsare Roma.*

Sed & Florus lib. I v. cap. 11. *Ærarium quoque sanctum, quia tardius aperiebant Tribuni, iussit effringi.* Paullus Manutius vidit hanc antilogiam, & tollere conatus est. Verum nihil agit, & vt Comicum hoc vsurpem, inanilogus est, isto suo de triplici ærario commento. quasi videlicet vnum triumphale fuisset, in quo pecunia manubiarum & spoliolum: alterum, in quo aurum vicesimarium, idque sanctius: tertium, in quo annua vectigalium pecunia: medium autem illud apertum a Lentulo, primum siue triumphale à Cæsare. Sed ego

Numquam istud dixim neque animum inducam meum.

Quis enim auctor de triplici ærario? Quæ etiam mens aut stultitia Lentuli, modicum aliquid auri abripere, gazas & massas intactas relinquere? Adde dissensum Flori.

* Nunc dicam, nobis quod re-
dium esse videtur.

* Νῦν δ' αὖ τ' ἔλεγον, ὅς μοι δοκεῖ εἶναι ἀέρο.

in Cæsaris nempe verbis mendum aut defectum potius esse, & interpositâ negatione legendum, *protinus non aperto.* Constat quidem venisse eo fine Lentulum (ex Cæsare hic & Cicerone:) sed ex verbis item ipsis Cæsaris & narratione, trepidè nimis au- fugisse, & re infectâ, videtur. Verumtamen hic nisi de opinione nihil certum dico, & Academicâ lege, *ἢναι.*

CAP. XXV.

Liuij & Silij ἀβλῆψία.

Absolui Liuius non potest, ita scribens, lib. xx i:
Saguntum vt caperetur, quid per octo menses periculi, quid laboris exhaustum esse? Romam orbis terrarum caput petentibus, quidquam aliud asperum atque arduum videri, quod inceptum moretur?

Verba Annibalis sunt, qui milites suos territos & detrectantes porro ire ob infames illas Alpes, incitat atque adhortatur. Saguntum,

guntum, inquit, cum præmium peteretur, octo menses eam obfeditis, oppugnastis; piget transcendere hos montes, cum Roma ipsa futura merces sit? Cetera appositè & disertè; sed quòd Romam *orbis terrarum caput* hîc Annibal appellat, quis id feret? A decoro valde ea laudatio abit (præsertim cum hostis) & magis à vero. An enim illo ævo Roma terris caput? imò nec toti Italiæ, Gallis Cisalpinis & Liguribus etiamnum restantibus: & extra eam vix quicquam firmiter in potestate suâ ac ditione habuit, præter Sardiniam & Siciliæ partem. En dominam orbis! Peccauit igitur Linius, cuiusque exemplo Silius, qui eundem Annibalem adhortantem suos facit sub pugnam Cannensem, lib. IX.

—— *Raptor per secula longa*

Dardanus edomitum vobis spoliauerit orbem.

Minimè verò: paupertina tunc Roma, neq; dum in illud spoliarium cruentæ exuuie congestæ edomiti orbis. Vterque æuum suum pro veteri, cum hæc scriberet, mente complexus est: quæque essent vera & apta, si ab ipsis dicerentur; definunt esse talia, cum ad priscos illos relegantur.

C A P. XXVI.

Curtij numeralis error de exercitu Darij.

ERrorum in libris magna feges & materia numerales notæ. nec ratio scruposa est, tam procliu libratorum circa eas lapsu. Manifesta res est, tum multis è locis, tum ex isto Q. Curtij, quo numerat copias Darij, quas in Ciliciam duxit contra Alexandrum, Lib. III.

Vniuersas vires in conspectum dedit, & circumdato vallo, quod decies centenium millium armorum multitudinem caperet, Xerxi exemplo numerum copiarum iniit.

Hæc ita recentiores libri, cum prisci præferant, *decem millium armorum*. Neutri fideliter, quòd & hi minuunt valde, & illi nimium quantum augent. Enimuero grandis ille numerus vanus & *admirabile*: quæ vel ipse Curtius refellat, vbi de copiis Darij ad Arbela: *Dimidio ferme maior exercitus erat, quàm in Ciliciâ fuerat.*

* magna
maga.

Ergone ille vices centenū n millium? * *ἀπὸς πολὺς*. imò *obstin-*
gentorum millium peditum, ducentorum millium equitum, ex Diodo-
ri fide. Quem eundem si audimus in priore numero (quod
ipsius exemplo Curtij faciamus, qui multa ab illo mutuatur)
si, inquam, audimus, emendabimus in Curtianis, *sexies cente-*
nium millium. Tot enim in Ciliciâ ille numerat; at Arrianus tan-
tū *millia quingenta*. Curtij summæ, quas distinctè subiicit,
hunc ipsum numerum non efficiunt; nec ex scilicet correctæ.

CAP. XXVII.

Antilogia suspicio ab Hirtio & Suetonio segregata.

AD pacem inter scriptores conciliandam nihil profectò
videtur efficacius, quàm diligens observatio distinctiō-
que temporum, eoque potissimū remedio quicquid inter Hir-
tium & Suetonium dissensionis ac dissidij vir doctus esse cen-
suit, omnino tolli componique posse existimo. Verba sunt &
querelæ Cæsaris Commentario VII. Gallicorum:

*Ereptum Ser. Galbæ Consulatum, cū is multò plus gratiæ &
suffragiis valuisset, quòd sibi coniunctus & familiaritate & ne-
cessitudine legationis esset.*

Si verè hæc & ex animo Cæsar, quid ita Suetonius in Galbâ, cap.
III. causam huius repulsæ in ipsum Cæsarem transfert? Nam
ait: *Eius Galbæ nepos* (hic ipse noster) *ob repulsam Consulatus insen-*
sus Julio Cæsari, cuius legatus in Galliâ fuerat, conspiravit cum Cæ-
sio & Bruto. Apparet iniuriam hanc à Cæsare illatam, atq; adeò
Galbam eius cæde se vindicasse. Hoc & Cicero indicat Philippi-
câ XII. ubi hæc verba ex epistolâ M. Antonij: *SER. GALBAM*
EODEM PVGIONE SVCCINCTVM IN CASTRIS VIDETIS.
Subiicit Cicero: *Nihil tibi de Galbâ respondeo, fortissimo & con-*
stantissimo ciue. coram aderit, præsens tibi ipse, & ille, quem insimu-
las, pugio respondebit. Nam pugionem hunc intellegit, quo Cæ-
sarem interfecit. Quis litem hanc dirimat & incêdat? Tempo-
ra distinguenda sunt. Prior enim illa repulsa euenit, cū Cæ-
sar in Galliâ: quod ex narratione Hirtianâ constat; hæc po-
sterior, Cæsare iam Dictatore, & rerum honorūque potente.

Cum

Cum igitur tunc magistratus ordinaret, Galbam iterum petentem distulit aut reiecit. quod ei sic perdoluit, ut in necem Cæsaris cum Cassio conspiraret: illo Cassio, qui ipse ob causam similem, ut Velleius memoriam prodidit, cum Bruto coniurationis auctor. Designat posterius hoc tempus vno verbo Suetonius, cum ait: *cuius legatus fuerat.* non ergo nunc erat, cum secundo petebat.

CAP. XXIX.

Liuij locus corrigitur & declaratur.

QUOD in Liuij XXI. legitur, *Celtiberi principes, qui regionis sue legatos obsidesque dederant Romanis, nuntio misso excitati à Scipione arma capiunt.* in tenebris aut in vitio est. Nam qui isti regionis Legati? Ioh. Saxonijs in suis ad Liuium notis explicat *Vicarios, & quos vulgò dicimus Locum-tenentes.* Apage, non sic Latini. Liber scriptus ex parte subuenit, qui habet traiectionis vocibus: *Celtiberi, qui principes regionis sue.* ut non legati regionis, sed principes sint. Sed, ut diximus, ex parte: quia suspectum etiam & durum, *Dare legatos.* Obsides sanè damus, at illos mittimus. Velim: *qui principes regionis sue legarant, obsidesque dederant.* Duo commemorat amicitiae & fœderis signa. Celtiberi, inquit, primores gentis suae legatos miserant, & obsides quoque præterea dederant. Hæc autem legatorum missio supra indicata his verbis: *Reditumque in ceteriora prouincia, quò omnium populorum qui Iberum accolunt, multorum & vltima Hispania legati venerunt.*

CAP. XXIX.

Vitium in Curtio animaduersum. Roxanem Oaxatris, non Cohortani filiam fuisse.

EGO iam diu mecum disputo, & Homeri verbis, ——— *⁂ prima suspensio,*
quid ita Roxanem Cohortani Satrapæ filiam Q. Curtius faciat, *⁂ studiis in postero verso,*
quam

quam alij consensu Oxatris vel Oxyartis. Verba eius sunt hæc, libro VII.

Inde pervenit in regionem, cui Cohortanus Satrapes nobilis præerat, qui se regis potestati fideique permisit. Ille imperio ei reddito, haud amplius, quàm ut duo ex tribus filij secum militarent, exegit. Satrapes etiam eum, qui penes ipsum relinquebatur, tradit. Barbarâ opulentiâ conuiuium, quoniam regem accipiebat, instruxerat. Id cum multâ comitate celebraret, introduci xxx. nobiles virgines iussit: inter quas erat filia eius Roxane eximâ corporis specie & decore habitus in barbaris raro.

Vides ex contextu & serie, palâm appellari Roxanem. Atqui Arrianus cautus & veri diligens historicus ita scribit: Καὶ τὴν Ὀξυαρτίου παῖδα παρθεῖν & ἐν αἰσῇ γάμος, Πωξάνην ὀνόματι: Erat Oxyartis filia virgo iam viro matura, Roxane dicta. Atque adeò Alexander apud Curtium lib. x. Ergo ipse Oxatris Perse filiam mecum in matrimonio iunxi, non dedignatus ex captivâ liberos tollere. Iterumque Curtius indicat, lib. i x. Oxatres Prator Bactrianorum non absolutus modò, sed etiam iure amoris, amplioris imperij donatus est finibus. Vbi Curtius sanè quàm eleganter *iūs amoris* dicit, quia non ex merito promotus, sed ab hoc in filiam affectu. Quid igitur? illum pro Cohortano substituiamus? temerarium sit & falsum. Nam quæ hîc narrantur non congruunt Oxyarti, qui iam diu in fide regis. Puto hiatum aliquem & defectum esse, & post illa de Cohortano narrationem fuisse de Oxatris comitate & conuiuium, cuius causa siue occasio deest. Ponamus igitur ἐκλεβήτως notam inter hæc verba: *tradit * barbarâ opulentiâ.* Nam ut aliter nunc suppetias feram, non est copia.

C A P. XXX.

De Circo & mappa missione.

QVod à Pyrrho Ligorio, ceterisque qui Circum delineaverunt & descripserunt, aut perperam expressum aut prætermisum est, in præsentia monendum existimaui: dexteram videlicet eius partem spatium occupasse latius quàm sinistram. Vidimus in eo, qui iuxta viam Appiam est vnus omnium, qui
fuere,



• BILLYSON RAY
FROM
PITTSBURGH ENROUTE •

fuere, maximè integer, & aliquantum submirati, causam anquirere cœpimus, inòxque inuenisse visi sumus. Procurfionis nempe initium hinc fiebat, plurésque simul quadrigæ effundebantur. has autem, vbi longiùs prouherentur, difiungi necesse erat; atque ita, aliis ante alias emicantibus, angustiora facilè spatia sufficiebant.

Irroborauit etiam inueterauitque paullatim opinio, Prætorē Editorēque, vt signum committendorum Circensium daret, ingentem vtraque manu mappam misisse, eoque modo Ligorius depinxit. Verùm hæc sollicitat Lapis antiquus apud portam Noimentanam, vbi id ipsum fit vnâ tantum manu, linteolumque siue mappula fimbriata, muccinij instar, excutitur atque mittitur. Sed ellum, vt verba compendi faciamus, & oculis certiùs dijudicemus.

Inserendus hic Iconismus missionis mappa.

C A P. XXXI.

Desperatus & depositus Lini locus sanatus.

IN Liuiο, lib. xxi.

Consules M. Atilius Regulus, Cn. Seruilius Geminus, exercitu accepto, hibernaculis maturè communitis (tum enim autumnus tempus erat) Fabij artibus cum summâ inter se concordia bellum gesserunt.

Mira & prodigiosa hîc scriptio veterum librorum: *M. Atilius Fabianus, Cn. Seruilius Musicanus*, aut *Nusitanus*. Nec aliter etiam antiquitus excusi. Glareanus & Sigonius, tam multi in studiis ac celebrati nominis, non hîc par ceteris factis suis fecere, & audacter potiùs, quàm feliciter, hæc quæ habemus substituerunt. Non enim illa cognomina Consulū, inquit, vt è Fastis patet. Fateor; sed nonne tamen attentius cogitandum erat super librorum pertinace illo consensu? Ego non is homo sum qui sciam

E

diuini-

* Arist. v. 11
Eudemio-
rum.

* pruden-
tium & sa-
pientium
velocē esse
diuinasio-
nem.

* magnilo-
quentia.

* Non est se

supra vires
iactare de-
cerum.

* dextrā &
felicitas.

diuinitus; neque me fugit quod summus ille * Sophus scripsit,
* *φροῦμας καὶ σοφῶν* (à quibus me titulis longissimè abesse scio)
ταχέως ἤ * *μωροῦ* dicam tamen quod in mentem mihi venit,
& eruditus, vt spero, viris approbantibus rescribam; *M. Atilius*
Fabiano, Cn. Seruilius Minuciano exercitu accepto. Consules nem-
pe pro moere veteri copias inter se diuiserunt, & Atilius quidem
Fabianum exercitum accepit, Seruilius Minucianum. Ista au-
tem diuisio paullo antè inter duos Dictatores facta: *cum prima*
& quarta legio Minutio, secunda & tertia Fabio euenerunt. Ita enim
Liuius ipse suprà. Nihil alienius ingenio meo quàm iactantia &
* *μεγαλοφρονα*, satisque commemini Poëtæ monitum,
* ——— *ὃ καλὸν ὑπὲρ βίαν διαπραχθεῖ.*

non verebor tamen dicere * *δυσχερὲς καὶ δεινόν*, præ quàm aliis fuit,
hunc locum à me tentatum videri.

CAP. XXXII.

Conatus in duobus Hirtij locis emaculandis.

Hirtius de bello Alexandrino, vbi raponem illum Longi-
num describit:

*Pecunia locupletibus imperabatur, quas Longinus sibi expensas
ferri non tantum patiebatur, sed etiam cogebat. in gregem locu-
pletium simulatum causse tenues coniciebantur, neque vllum
genus questus pratermittebatur.*

Dictio *simulatum* huic sententiæ non satis apposita videtur.
Scribo: *multarum*. Cassius Longinus, inquit, tenues aliquas &
leuiculas causas diuitibus impingebat, ob quas certâ pecuniâ
eos multaret. Non item ad palatum meum est hoc eodem
libro:

*Nam neque interfectis amissam vitam, neque exsecris virilita-
tem restituere posse. quod quidem supplicium grauius morte ci-
ues Romani subiissent.*

Quæ verba Cæsaris sunt sæuitiam Pharnaci meritissimò obie-
ctantis. Nónne verò nihili & vacuum ibi verbum est, *amissam*?
mihi quidem videtur; & si quid tale addendum, aptius fore,
ereptam.

*ereptam. Ut coniecturam tamen meam iterum promam, libenter rescribam: interfectis Amisi vitam. Historiam hoc illustret atque factum, de quo Appianus I I. Εμφυλίαν: Α'μισον πόλιν ἐν τῇ Πόντου ῥωμαϊζούσῃ ἑξουδαπόλιν, ἐν τοῖς παῖδας αὐτῶν τομίας ἐποίησεν πάλαι. Amisum Ponti urbem ad Romanos inclinantem diripuit, in seruitutem ciuibus abductis: eorumque liberos omnes exsecuit. Tamen fluctuat mihi animus, & * ἐκ εἰδώς, ἀλλὰ εἰσάγων, id dico.*

** non probè
scimus, sed
coniecturà
ducimus.*

CAP. XXXIII.

Q. Curtius aliquoties castigatus.

Philotas coniurationis reus forti sanè & facundâ oratione apud Q. Curtium causam suam agit. In quo quoque exstant:

Non mehercule ista me magis ludent, quàm quòd Amyntas Perdica filius insidiatus est regi. cum quo quòd amicitia fuerit mihi, non recusò defendere, si fratrem regis non oportuit diligere à nobis.

Legendum censeo: non recusò dependere. litterulâ immutatâ, sed longè commodiore sensu. Ego paratus sum, inquit, luere hanc culpam, & pœnas pendere, si nefas amare eum, quem rex amat. In Alexandri quoque oratione, quâ Philotam culpât, scriptum vitiosè:

Deum providentiâ & misericordiâ viuo, conspectusque vestri venerabilis coëgit, ut vehementius parricidis irascerer, quoniam spiritus, imò vnus vita mea fructus est, tot fortissimis viris & de me optimè meritis referre adhuc gratiam posse.

Nam τὸ *spiritus* * ἰσχυρότης, libenterq; verbum vicarium ei dem, *supremus*. Ἀνέπαλον hoc & clarum. In extremo verò libro, rectâ iam & oppressâ coniuratione, quasi acclamationem & epi-
phonema auctor addit:

Magno non salutis, sed etiam vitæ periculo liberatus erat Alexander. Quippe Parmenio & Philotas principes amicorum, nisi palàm fontes, sine indignatione totius exercitus non potuissent damnari. Itaque anceps questio fuit. Dum inficiatus est faci-

E 2 nus,

** supremum est.*

nus, crudeliter torqueri videbatur; post confessionem ne amicorum quidem misericordiam meruit.

Sordent squalentque hæc verba: *magno non salutis, sed etiam vite periculo.* An enim salus & vita diuersa? non priscis quidem Latinis. Quare rescribendum autumo: *non salutis, sed & inuidiæ.* Alexander, inquit, non solum salutis & capitis discrimen effugit, sed etiam inuidiæ & calumniarum flammam, per confessionem hanc Philote. Fortè etiam rectius legatur: *Ita cum anceps questio fuit, dum inficiatus est facinus, crudeliter.* Sed non temere affirmo.

C A P. XXXIV.

Quid Abacus & Delphica: quando Romam & quomodo relictæ: quâ materiâ: quomodo vasa in iis disposita. In Plinio coniectura.

FAtendum est, ab Asiâ Græciâque cultum & elegantiam manasse; nec artes inde solum & disciplinas, sed suppellectilem quoque lautioiorem ac magnificentiam choragium, Romanos accepisse. Quædam huius generis ab historicis nominantur. Liuius lib. xxxix. de triumpho Manlij ex Asiâ & Gallo-Græciâ, deque eius militibus: *si primum plagulas & alia textilia, & quæ tum magnifica suppellectilis habebantur, monopodia & abacos Romam aduexerunt.* Et Plinius libro xxxiv. cap. iii. *Triclinia ærata abacosque & monopodia (n. Manlij, Asiâ deuictâ, primum inuenisse triumpho L. Piso auctor est. Vbi legendum, αἱ ἐν παλαιῶν τειλεῖται, inuexisse.* Romam enim ille modò transtulit, & diu antè nota hæc Asiaticis & inuenta. Quid autem per *Abacum* hîc intelligitur? non aliud quàm mensula minor, quæ seorsim ad cenaculi latus stabat, poculis & vasis ad potum ferendis. Apertè hunc vsum Cicero ostendit, in Verr. *Abaci vasa omnia, uti exposita fuerant, abstulit.* Plinius libro xxxv. cap. ii. narrat, in triumpho Pompeij de Asiâ & Ponto translata *vasa ex gemmis & auro abacorum nouem:* id est, quæ vel abacos nouem implerent. Nominat Sidonius lib. ii. *In hac (cenatiunculâ) stibadium & nitens abacus.* Cur *nitens*? quia ex maiore, argento, auro, aliâve materiâ pretio-

pretiosiore factus. Vulgò quidè è marmore. Id Horatius voluit:

—— *Lapis albus*

Pocula cum cyatho duo sustinet. —

Ibi Scholiastes vetus: *Mensa marmorea, quam Delphicam vocant.* Sed ex rariore etiam materiâ apud diuites: vt Plinius notat de Murrhinis: *Protinus ad hominum vsum transiere, abacis etiam escariisque vasis inde expetitis.* etsi vetius fortassè ibi scribatur, *abaci etiam:* vt significet non ipsos abacos, sed eorum vasa (quod palàm est) item escaria ex murrhinis concinnata. Sed notandum in Scholiaste Horatiano, idem *Abacum & Delphicam* esse: quod ipsum Iuuenalis Scholiastes in illud,

—— *Vrecoli sex*

Ornamentum abaci. —

Quod nos, inquit, Delphicam dicimus. Itaque recepta & vsitata vox *Delphica*. Vnde nomen? an quia Delphis eiusmodi mensulæ, in quibus exposita donaria, Apollini sacræ? Sanè quod Plutarchus in Solone & Laërtius in Thalete *ἑρμόδα* aureum appellarunt, qui nimirum sapientissimo daretur, id Valerius in ipsâ eâ historiâ *auream mensam Delphicâ* dixit. Ea vox etiam in Martiale:

Argentum atque aurum non simplex Delphica portat.

Significat, vel operosum abacum, nec è simplice soloq; marmore, vel non vnum, sed plures pro copiâ poculorum, in diuite hac domo fuisse. Sidonius indicat, strui per loculaimenta in iis vasa solere:

Nec per multiplices, abaco splendente, cauernas,

Argenti nigri pondera defodiam.

Qui mos adhuc seruatur, ac ministerij hæc vasa per gradus & ordine disponuntur. Agrætius vetus Grammaticus scribit per paria solemne fuisse collocari: *In Delphicâ, inquit, comparia vasa semper sunt.* Vnde ipse Cicero dicebat: *Scyphorum paria complura.* In Glossis priscis legimus: *Abacus, Delphica, uasis æon.* Ab vsu nempe; quemadmodum Hispani hodie *Apárador*, & Itali *Credenza*. Sic Lampridius in Alexandro: *Ducentarum librarum argenti pondus ministerium eius numquam transiit.* Ibidem: *Argentum in ministerio plus ducentis libris non habuit.* Vopiscus in Tacito: *Argentum mensale, quod priuatus habuerat, ministeriis conuiuiorum, quæ in templis fierent, dedicauit.*

CAP. XXXV.

Casaris quadam loca tentata.

Secundo Com. Ciuilis belli, de rebus à Curione in Africâ gestis :

Sed hoc itinere est fons, quòd mare succedit, longè lateq; is locus restagnat.

Mirum satis fontem hîc esse, & mare in eum succedere. An scribendum? *pons, quòd* (ita Ciacc. è suo cod. pro *quòd*) *mare succedit, & longè lateq; is locus restagnat.* Quasi dicat: Est eâ parte viæ pons structus, non quòd flumen aliquod illic, sed quia mare longiùs in terram se insinuat, & æstuarium stagnumq; facit. eius pars ponte transeunda. Com. III.

At Labienus cùm ab eo impetrauisset, vt sibi captiuos tradi iuberet, omnesque deductos (Faërnus, productos) ostentationis, vt videbatur, causâ, quòd maior perfugis fides haberetur, commilitones appellans, & magnâ verborum contumeliâ interrogans, solerèntne veterani fugere, in omnium conspectu interfecit.

* inmarabile.

Non omnino capio, quid de *Perfugis* hîc velit. Nihil tale præiuit aut sequitur, & mihi quidem * *ἀδύνητος* est, quibus perfugis fides hoc facto concilianda sit. Reorino leuiter in aliam sententiam: *perfugio fides haberetur.* perfugio nimirum ipsius Labieni. Hoc sine crudelitas hæc suscepta, vt ostenderet se bonâ fide Pompeianum esse, & alienissimum ab illis partibus, in quas

* *λενε μέν-
δum.*

tam cœdè sæuiret. Est & alterum inibi * *ἐλαττωμένον* :

Senatores omnes ex provinciâ vocasse, vt iis testibus summa pecunie vteretur.

Quod, vt opinor, tollitur, si legimus, *summa pecunia iniretur.* Sed quid hæc minuta colligo? vix pretium curæ est, & tamen remoram sæpè faciunt Lectori,

CAP. XXXVI.

In Lini diuinationes.

Occultum sed certum vitium est in his Liiij verbis libro
xxi. de Annibale iter faciente:

*Quartis castris ad Insulam peruenit. Ibi Arar Rhodanusque am-
nes diuersis ex Alpibus decurrentes, agri aliquantum amplexi
confluunt in vnum.*

Minimè diuersis, sed diuersi. Ex iisdem enim Alpibus Arar &
Rhodanus orti, seorsim disparatique aliquamdiu fluunt. Seneca
in Apocolocyntosi:

*Vidi duobus imminens fluuiis iugum,
Quod Phæbus ortu semper obuerso videt:
Vbi Rhodanus ingens amne prærapido fluit,
Ararque dubitans quò suos cursus agat.*

Eodem libro, de procuratione prodigiorum,

Signum æneum matronæ Iunoni in Auentino ædificauerunt.

Bellè. Signa scilicet & ætæ statuæ ædificantur, vt domus, æ
templa. Ridiculum est, & tamen deprauatio ea manifestaria in
omnibus adhuc libris. Quin tu lege, *dedicauerunt*, & Liuium im-
puri sermonis absolue.

CAP. XXXVII.

Curtij duo loci pristino nitore restituti.

Offendunt nos in honestissimâ Q. Curtij facie etiam par-
uæ labes. Talis est in oratione, quâ milites suos Alexander
increpat, missionem importunè flagitantes, & quidem in hac
eius parte, libro x.

*Omnen herculè spem, quam ex vobis conceperam, damno: nec, vt
cum militibus meis (iam enim esse destitistis) sed vt cum ingra-
tissimis oportet, agere decreui.*

Satin' enim concinno sensu sunt hæc postrema? vt cum ingratis-
simis oportet.

--- * ego
verò haud
arbitror
esse.

— * ἐγὼ δ' ἔκ τινος εἶμαι ἔξ.

Erunt autem, si legas: *ut cum ingratissimis operis*. Non vltra vobiscum, inquit, quasi cum militibus aut ingenuis agere mihi decretum est, neque præmia dare aut mûnera; sed, ut vilibus mercenariis, appendere debitam modò diurnamque vestram mercedem. *Operarum* scilicet vox ignominiam habet, quadratque in eos, qui viles & lucello tantùm inhiantes. * *Σύσμιχον* est huic istud Ciceronis pro Sestio: *Erat mihi contentio non cum victore exercitu; sed cum operis conductis, & ad diripiendam urbem incitatis*. Spero, ut cum Pindaro dicam, hoc iaculum * *ἐκ ἀγῶν* & *ἔξ βαλάν*, & ita caput hoc concludo.

* non extra
certamen
iucisse.

C A P. XXXIIX.

De armillis Collectanea. Glossa & Isidorus emendati. Tertullianus illustratus.

Armillas inter dona militaria legimus. Quid fuerunt? rotundi circuli ex argento vel auro, quibus summum brachium cingebant, idque ornatus causâ. Festus: *Armillas ex auro, quas viri militares ab Imperatoribus donati gerunt, dictas esse existimant, quod antiqui humeros cum brachiis armos vocabant. unde arma ab his dependentia sunt vocata*. Ait, ex auro. atque ita apud Valerium lib. viii. cap. xiv. *Scipionem dona militaria diuidentem T. Labienus admonuit, ut forti equiti aureas armillas tribueret*. Sed fuere etiam sæpissimè ex argento. In eo ipso Valerij loco, Scipio non paruit Labieno, & *Imperator te, inquit, argenteis armillis donat*. Sic Liuius lib. x. *Equites omnes ob insignem pluribus locis operam, corniculis armillisque argenteis donat*. Capitolinus in Maximino: *Seuerus militares ludos dabat, propositis premiis argenteis, id est armillis, torquibus, baltheolis*. In lapidibus etiam priscis testimonia huic ritui, ut Taurini: C. GAVIO. L. F. DONIS. DONATO. A. DIVO. CLAVDIO. BELLO. BRITANNICO. TORQVIBVS. ARMILLIS. PHALERIS. CORONA. AVREA. Festus Galbeos siue Calbeos eiusmodi armillas ostendit olim dictas. *Calbeos, inquit, armillas dicebant, quibus triumphantes utebantur, & quibus ob virtutem milites donabantur*. Facit huc quod ille idem: *Galbeum orna-*

menti

menti genũs. Atque olim sanè Armillæ istæ in vsu; sed, vt videtur, per luxum. De Sabinis Liuius lib. i. in arcis prodicione: *Quod vulgò Sabini aureas armillas magni ponderis brachio læuo habuerint.* Dionysius in eadem re: καὶ αὐτῶν ἑρεῖς εἰσέρχεται τῆς ψαλίων, & αὐτῶν τοῖς ἀεστερεῖσι βραχίονι ἐφάρων. Atque ipsam (Tarpeiam) cupido subiit armillarum, quas circum brachia sinistra gerebant. & addit: χρυσόφρονι γὰρ ἦσαν οἱ Σάβινοι τότε, καὶ τυρρηνῶν ἔχοντες ἄφρονας. *Auri enim gestores tunc Sabini erant, & non minùs quàm Etrusci molli vitæ addicti.* Ac posteriore etiam æuo armillæ per delicias gestatæ. Petronius de suo Trimalcione: *Dextrum nudauit lacertum, armillâ aureâ cultum.* Athenæus in reliquo Samiorum luxu, lib. x. i. i. Εὐφρόνουν χρυσόφρονας ὄναι τοῖς βραχίονι: *Ferebant armillas in brachiis.* Sed & Caligula manuleatus & armillatus in publicum processit: Sueton. cap. l. i. i. Etiam Nero (in eodem Suetonio cap. v. i.) *exuvias serpentis aurea armilla inclusas dextro brachio gestauit.* Credo hæc esse, quæ Tribunis militũ dari solebant, & *Brachiales* appellabantur. Trebellius in Claudio, ex epistolâ Valeriani: *Anulum bigemum vncialem, brachialem vnum vnciarum septem.* Vopiscus ex epistolâ Aureliani: *Stipendium in baltheo, non in popinâ habeat, torquem, brachialem & anulum apponat.* Atque vt Latini *Brachiales*, ita Græci βραχιονίους aut βραχιονία dicunt. Etiam in Glossis priscis Latinam vocem expressam inuenias: βραχιόλιον, *Veriola.* Corrige, *Viriola.* Vt in iisdem: ψάλλον, *Viriola, Armilla.* Isidorus lib. x. i. x. cap. xxxi. *Dexteras communes esse virorum ac feminarum, quia vtriusque sexus dextrae sunt. Armillæ autem propriæ virorum sunt, collatæ victoriæ causâ militibus ob armorum virtutem. Vnde & quondam vulgò Virilæ dicebantur.* Scribe, *Viriolæ.* Ampliùs, *Dextral commune est virorum:* quod res exigit & contextus. *Dextralia* nominat D. Gregorius lib. i. i. i. epist. c. i. *Sicut ex auro vno alij muranas, alij anulos, alij dextralia ad ornamentum faciunt. Quæ ipsa Dextrocheria dicta.* Capitolinus in Maximino: *Pollice fuit ita vasso, vt vxorũ dextrocherio vteretur pro anulo.* Idem in Maximino Iuniore: *Dextrocherium cum costulâ de hyacinthis quattuor.* Trebellius Pollio in Quieto Macriani F. tyranno: *Alexandrum Magnum Macedonem viri in auro & argento, mulieres in reticulis & dextrocheriis & in anulis & in omni ornamentũrum genere, exsculptum semper habuerunt.* Iuuenalis etiam, vt propria feminarum, ea tangit, Sat. i. x. vbi

munera recenſet pathico cuiſpiam mittenda, quaſi mulieri:

En cui tu viridem vmbellam, cui ſuccina mittas

Grandia.

Scholiaſtes vetus ibi: *Gemmata dextrocheria*. Et ſanè illud diſcrimen inter Armillas & Dextrocheria ſiue Dextralia indicare etiam Tertullianus videtur, De pallio, cap. iv. *Cùm latrinarum antiſtes ſericum ventilat, & immundiorē loco cervicem monilibus conſolatur; & armillis, quas ex virorum fortium donis ipſe quoque matrone temerè uſurpaſſent, omnium pudendorum conſcias manus inferit.* Nam armillas à matronis abdicat, etſi fatetur viliffimos homines (ſed diuites) eas uſurpaſſe. *Latrinarum antiſtes* eſt, vt opinor, qui foricas conſuevit, apud Iuuen. Sat. i i i. Nec plura de Armillis, niſi quod Feſtus Plautinum. Spinther huc trahit: *Spinther*, inquit, vocabatur armilla genus, quod mulieres antiqua gerebant ſummo brachio ſiniſtro. Prifcianus lib. v. *Spinther quod æſæpor aut fibulā in humeris aut armillam ſignificat.* Et ſubiungit loca Plauti è Menæchmis.

CAP. XXXIX.

Coniectura triplex in Liuiο. una in Ammiano.

A Pud Liuium in oratione P. Scipionis, ſuos ad pugnam in Annibalem hortantis, ita ſcriptum, lib. x x i.

Nec nunc illi, quia audent, ſed quia neceſſe eſt, pugnaturi ſunt. Niſi creditis, qui exercitu incolumi pugnam detrectauere, eos duabus partibus peditum equitumque amiſſis, qui plures penè perierint quàm ſuperſint, plus ſpei naſcos eſſe. At enim pauci quidem ſunt, ſed vigentes animis corporibusque, quorum robora ac vires vix ſuſtinere vis vlla poſſit. Effigies, imò vmbra hominum, fame, frigore, ſqualore eneſti, conuſi ac debilitati inter ſaxa rupesque: adhuc peruſti artus, niue rigentes nerui, membra torrida gelu.

Pluſcula tranſcripſi propter duplicem mendam. Anterior in verbo, *penè*. quod aut ablegandum, aut mutandum in *planè*. Cùm enim lineâ ſuperiore proximâ adfirmatè Scipio dixerit, duas partes hoſtium amiſſas, cur nunc ambigat & inuet? Parùm hoc decorum ſit: vtique in concionē publicā, cumque verè & confidenter aſſerere poſſit, plures periſſe, quàm ſuperſint.

Nam,

Nam, vt omittam de tertiâ tantum parte reliquâ, quod illum pro causâ magis quàm pro vero dixisse credo, Polybius petiisse vel in Alpibus ait, *χεῖρα πρὸς ἡμισέαν τὸ διωόμενος* circiter dimidium exercitus. En priorem mendam. Altera videtur in voce, *torrida*. quæ cum gelu rectè quidem alibi iungitur, vt suprâ: *pecora iumenta quæ torrida frigore*, verum hoc loco nec scitè nec opportunè. Nam præiuit in hac ipsâ clausulâ, *perusti artus*; & inuenustum istud, *δὲ τὸν*. Itaque scribendum aio, *torpida gelu*; & vnâ mecum Silius, qui hæc è Liuiio proculdubio sic hausit:

Hostem miles habes fractum ambustumque nimosis

Cautibus, atque ægrè torpentia membra trahentem.

Lib. X X I I. de pugnantibus ad Thrasymetiū:

Tantusque fuit ardor animorum, adeo intentus pugne animus, vt cum terræmotum, qui multarum urbium Italia magnas partes prostrauit, auertitque cursu rapido amnes, mare fluminibus iniecit, montes lapsu ingenti proruic, nemo pugnantium senserit.

Nil temerè muto. Vult fortasse auctor, in locum fluminibus vacuum mare se insinuasse, cum illa nouum sibi alucum & cursum quæssissent. Tamen dubitabam leuiter, an non *culminibus*: vt dicat, mare sublatum expulsūque in ipsos montes. Silius ita hîc:

—— *Lacus ater in altos*

Sublatus montes, & sede excussus auitâ.

Et Ammianus in terræmotu, qui sub Valentiniano: *Ingentes alie naues extrusa rapidis flatibus* (fortè fluctibus) *culminibus infedere tellorum.*

C A P. XL.

In Polybio loci nomen de opinione repositum.

QUid Polybius velit, haud faciliè assequare, dum scribit, libro I I I.

Κρίναν δὲ συμφέρον τὸ καὶ πάντα ῥῶτον ἀναγκάσαι μέγα καὶ τὰς πολέμοις, καὶ ἀλαμῆσαι τὴν κατὰς περιστάσεων ἀνάγκην πρὸς τὸ πάντων σωθήσαν τὸν τι σῖτοι καὶ τὰς λοιπὰς χορηγίας ἀπορίσας τοῖς ῥωμαίοις, ἐκ τῆς αἰτίας κατὰ τὸν τόπον.

* *Lin. initio*
lib. XXI.

Quæ verba sic ab interprete versa: *Cum statuisset usque adeò premere Romanos, ut necessariò in prælium descendere cogerentur, Neapolitanam arcem occupat, frumento & omni comineatus genere munitissimam.* Quid? Neapolitanam arcem Annibal? graue vulnus Romanis infligitur; sed mihi inauditum. Legimus quidem aliquantò post Cannensem pugnam Annibalem * affectasse Neapolim, sed frustra. Numquam ille obtinuit maritimam eam urbem, aut eius arcem; quæ verò nunc posset, cum in Apuliâ maritimâ versetur, id est diuerso valde tractu? Falsa non dubiè interpretatio: sed nec lectio, ut opinor, vera. A' hinc δ̄ Καλήνης ὄρη. πολ. ἀνεγ. Certè eam agnoscit auctor in hac regione ad Geronium paullo antè ubi de Minucio: Ἀφεικόμενος δὲ ἐπὶ τῇ ἀνεγ., ἢ περὶ μὲν ἐπὶ Λαρινάτιδος χώρας, προσπαρομένη δὲ Καλήνη. *Adueniens in arcem que in Larinatum regione sita; appellatur autem Calela.* Nam hunc locum castris occupauit, & muniit Minucius, cumque aggestio illic facta comineatum, videtur nunc eo Annibal potius. Nec turbet aliquem quòδ̄ ὀπίδω, siue ὀπίδω Polybius appellet. Nam, quid si fuerit opidum arcis iunctum aut subiectum? Quid etiam, si interpolata lectio sit, & illud πύλωνος glossematum & aliena vocola? Huc equidem inclino, nisi secus iudicauerit litterarius ille Prætor, cuius operâ Polybium, quasi Virbium aliquem, * παλιν-
γῆν breui expectamus; & adipisci tam gratum erit, quàm sperare prolixum est.



PHILIPPI RVBENI
ELECTORVM
LIBER II.

CAP. I.

*Vestibus olim versus & tituli inscripti.
sed & imagines intextæ.*



Quantum cui longinqua valet mutare vetustas?
Quis nunc ferat, præterquam in scenâ,
spectaculis & rebus ludicris, inscriptas ver-
sibus ac titulis, aut variis depictas imagi-
nibus vestes? Et tamen has olim frequenti
in usu fuisse è scriptis veterum constat. Ut
omittam Homerum, qui variegatam ani-
maliū figuris tunicam Vlyssi attribuit;
ut taceam de Massagetis, quos Herodotus herbarum succo pin-
xisse animalia in vestibus tradit, & hæc talia casca nimis & vetu-
sta; sub ipsis Cæsaribus in imperio Romano legimus idipsum
vsurpatum. Et quidem apud Spartianum in Carino, de pallio
tyrianthino, cui Messallæ nomen & vxoris inscriptum: apud
Ausonium etiam in Epigrammatis, de Sabinâ textrice simul &
Poëtriâ:

*Licia qui texunt & carmina, carmina Musis,
Licia contribuunt casta Minerva tibi.
Ast ego rem sociam non dissociabo Sabina,
Versibus inscripsi quæ mea texta meū.*

De eadem:

*Sine probas Tyrio textam subtegmine vestem,
Seu placet inscripti commoditas tituli;*

Ipsius hoc domina concinnat utrumque venustas:

Hæc geminas artes vna Sabina colit.

De Hermiones zonâ:

Punica turgentes redimibat zona papilles

Hermiones: zona textum elegēion erat:

Qui legis hunc titulum, Paphie tibi mandat, ames me,

Exemploque tuo neminem amare vetes.

In gratiarum actione, ex epistolâ Gratiani Augusti: *Palmatam tibi misi, in quâ Divus Constantius parens noster intextus est.* Sed ut palam fiat, quod initio dictum, frequens id atque adeo promiscuum & cōmune omnibus fuisse, audiamus Alterium Amasæ episcopū, in Homiliâ quâdā ἀνακλότω de diuite & Lazaro, vestes eiusmodi, dum vsum earum carpit, nimisquā graphice describentem: Οὐ δὲ μέχρι τῆ εἰρημύτου ἔσπουται τῇ μωρεῖ ὀπποῖας τὴς θεοῦ, ἀλλὰ πᾶσι καὶ τῶν ὑφαντῶν ἐξεδρόντες περιέρχοντες, ἥτοι τῇ πόλει τῇ σήμερον φερόντες καὶ πρότερον τῇ χειρὸς μιμῆται τῶν ὑφαντῶν, καὶ πάντων ζῶντων τοῖς σπῆλαις ταῖς μορφαῖς ἐσομῆνται, τῶν ἀνθρώπων καὶ μυελῶν εἰδῶν πᾶσι καὶ φιλοτιμῶσι ἐδιδῶν ἑαυτοῖς τι καὶ γυναικὶ καὶ παισὶν παίζοντες λοιπὸν, καὶ σπουδαζόντες, καὶ τῇ ἀμφοτέρω τῇ πόλει ὡς ἀρχαῖοι καὶ τῶν βίων, καὶ χροῖοι, ἀπομορφωμένοι τῶν Παύλων καὶ μαρτύρων τῶν ὁσπιδέων φανῶν, καὶ χροῖοι, ἀλλὰ φανῶν. καὶ ὅτι ἐκείνη ἀπαύριστα λόγῳ, ταῦτ' οὗτοι κερταῖς, καὶ κερταῖς τοῖς ἔργοις, ὅπως οὐκ ἐδυσάμην φανῶν, ὡς τοῖς χειρὸς καὶ φανῶν ὡς τῶν σωτηριολογῶν ὁρῶνται, καὶ πᾶσι καὶ ταῖς παιδείαις αὐτῶν φανῶν μειδιῶν φερόντες ἀλλήλους καὶ δακτυλοδιδάσκοντες τῶν ἐν τοῖς ἱματίοις χροῖων βαδίζοντες δὲ παρατόμῳ, καὶ ἀναχρησῶν μέχρι πολλῶν. ἐκείνοι λόντες καὶ παρδῶντες, ἀρκοὶ καὶ ταῦροι καὶ κύνας, ὕλαι καὶ πίτται καὶ ἀσπας θεοκτόνοι, καὶ πᾶσι ἡ τῇ χειρὸς ὀπποῖας μιμῆται τῶν φύων ἑδῶν ὅτι μὴ τοῖς τοῖς αὐτῶν μέντοι, ὡς ἔοικεν, καὶ ταῖς οἰκίαις κομῶντες, ἀλλὰ δὲ καὶ τοῖς χροῖοις καὶ ταῖς ἐκαστοῖς ἱμάτια, οὗτοι δὲ καὶ ὅσοι τῶν πᾶσι τῶν διδασκῶν, ἀναχρησῶν καὶ Εὐαγγελικῶν ἱστορίαν τοῖς ὑφανταῖς παρδῶντες αὐτῶν λόγῳ τῇ Χριστῶν ἡμεῖς τῇ καὶ τῇ ἀπάτην, καὶ τῇ διδασκῶν ἔκαστοι, ὡς ἡ διδασκῶν ἔχει. ὅσοι τῇ χροῖοι τῇ Γαλιλαίας καὶ ταῖς ὑδρίας, καὶ ὡς ἀνθρώπων καὶ καὶ τῇ ὡς φανῶν φανῶν, καὶ τυφλὸν τῇ πᾶσι θεοκτόνοισιν, καὶ ἀμφοτέρω τῇ κερταῖς λαμπαρῶν, καὶ ἀμφοτέρω τῶν πᾶσι τῇ ἱστορίᾳ φανῶν, καὶ λαζάρῳ ἐν τῇ πόλει φερόντες τῇ ζῶν ὑποφάνῳ, καὶ ταῦτα ποιοῦντες διδασκῶν νομίζοντες καὶ ἱμάτια καχελομένη τῇ φανῶν ἀναχρησῶν. Nec vērō constituerunt hic stulta solertia fines; sed vanā quādam & supernacui arte texendi in-

uentā,

uentâ, quæ staminis atque subtegminis contextu pictoriam facultatem imitatur, & omnium formas animalium in vestimentis exprimit, floridam & infinitis imaginibus variegatam vestem tum sibi tum vxoribus & liberis studiosè comparant: ludentes etiam in reliquis puerili more, nilque sedulo vel seridè agentes, per immodicas diuitias abutentes vitâ, non vtentes, aduersantes denique Paulo, pugnantèsque cum iis quæ numinis instinctu profatus est, non dictus, sed factus. Quæ enim illè verbo proscripsit, hæc isti mordicus retinent, & ipsâ re confirmant. Quandocumque igitur sic amicti prodeunt, quasi depicti parietes ab obuiis aspiciuntur. sed & pueri eos circumstunt, ridentes inter se, digitisque commonstrantes in vestibus picturam. Prosequuntur etiam ad multum spatij, neque temerè recedunt: Sunt ibi leones, panthera, vrsi, tauri, canes, siluæ, saxa ac venatores, & omnia denique, circa quæ pictorum versatur industria, ad imitationem natura expressa. Necessè quippe erat, vt videtur, parietes non solum atq; domos ita adornari, verum etiam ipsas tunicas & pallia eis superiecta. Quis verò, quæque ex diuitibus illis religiosiores sunt, ex historiâ Euangelicâ textoribus argumenta suppeditant: ipsum dico Christum nostrum cum discipulis omnibus, & vnumquodque miraculorum, hoc ipso quo narratur modo. Videbis nuptias Galilææ & hydrias, paralyticum humeris lectum ferentem, cæcum qui luto curatur, mulierem, quæ sanguinis profluvio laborat, fimbriam prehendentem, peccatricem ad pedes Iesu decidentem, Lazarum è sepulcro ad vitam reuertentem. Et hæc dum faciunt, piè se facere & vestimenta Deo grata induere arbitrantur. Plura quidem adduci à me possint; sed nihil clarius & illustrius.

CAP. II.

*Mendum è Propertio extritum. Sententia
melior & argutior reposita.*

ITa res habet: cæ scriptorum mendæ quæ minùs in oculos incurrunt, & à vero propiùs absunt, quasi breuia latentèsq; scopuli, incautos maximè fallût, & pertinaciùs sedibus suis hærent. Eiusmodi fortè illud è Propertij Elegiâ 1 x. lib. 111. de Cleopatrà:

Comia-

*Coniugis obsceni pretium Romana poposcit
Mœnia, & addictos in sua iura patres.*

Quod nullus adhuc Ædilis, si probè commemini, vitiosum iudicauit. Et tamen, si benè inspicimus, haberi pro sano non potest. Nec enim coniugis, id est Antonij, pretium Romam Cleopatra poposcit. Illanc Antonium emerct? imò contrà planissimè Antonius ipsam totâ Româ. Florus: *Hæc mulier Ægyptia ab ebrío Imperatore pretium libidinum Romanum imperium petuit. Et promissit Antonius: quasi facilius esset Partho Romanus. Qui profectò disterium hoc à Propertio sumpsit, quem emendandum ita censeo:*

Coniugij obsceni pretium.

*extra cō-
traditionē

Sui, inquam, coniugij & communicati tori pretium hoc venustissima fœmina petiit. Hoc quidem * *ἀνατρίψου* est, & pluribus probare, tam sit stultum, quàm in clarissimum solem mortale lumen inferre. Legitur in Elegiâ xii. lib. i. querela de amicâ abductâ aut immutatâ:

Inuidia fuimus. Num te Deus obruit? an qua

Leclæ Prometheis diuidit herba iugis?

Non sum ego qui fueram: mutat via longa puellas.

Quantus in exiguo tempore fugit amor?

Quæ postrema frigent ac iacent præ ingenio & argutiis Poëtæ. Correctio iuuabit ac distinctio:

Non sum ego qui fueram? an mutat via longa puellas?

hac sententiâ: An ego subito alius factus sum? an te via longa potius immutauit? Simile ferè in Theocrito:

*Num quis
ma. subit
Deus aliū
hominem
facit

* *Ἄρα τίς ἄνακτας ἡς θεὸς βροτῶν ἀνδρῶν ἐπιδέξαι;*

C A P. I I I.

Liuij locus de coniecturâ correctus.

Sincerum haberi non potest quod apud Liuium est lib. xxi. sub pugnam ad Trebiam:

Ponte perfectò traductus Romanus exercitus in agrum Insularium quinque millia passuum à vico tumultu consedit.

Sigonius & ante eum Glareanus abesse nomen loci censuerunt, & hinc

& hic quidem, *tumulus confidere* quomodo in plano, vt hic omnia erāt, intelligatur, haut capere se fatetur. Ego vitium potius quāma defectum odoror, & è duabus vocibus nomen loci conciuno: à *Vitumuius*. Vestigia scripturæ suadent, & Liuius, qui infrà Emporium isto nomine agnoscit, idq; in hoc ipso tractu. *Pau-
corum inde dierum quiete sumptâ ad Vitumuias ire pergit* (nempe Annibal) *oppugnandas*. Nam ita membranæ, non *Vicumuias*, vt libri vulgati.

CAP. IV.

In Hirtio coniectura. Verba in ordinem reposita.

TEntare locum Hirtij placet, De bello Africo:
*Dum hæc ad Ruspinam fiunt, legati ex Acillâ civitate libe-
 râ etiam vndique ad Cæsarem veniunt, seq̃ue paratos quæ-
 cumque imperasset, & libenti animo facituros pollicentur.*

Illud etiam vndique nimis laxè & ἀόριστα dictum videtur: nec val-
 de subuenit Fuluius, qui diuisum, & iam, legit. Ego, quam infi-
 stam viam, nescio. Concinnabam tamen ex ductu scripturæ: &
immuni. De solâ enim Acillâ sermo videtur, eamque dicit libe-
 ram & immunem; vt suprâ de Lepti: *Inde mouit, & peruenit ad
 opidum Leptin liberam civitatem & immunem*. Nota hæc conditio
 quarundam vrbiū, quibus id beneficio S.P.Q.R. concessum.
 Idem hic deinde,

* Ως πάντ' ἄγαν γ' ἀνικτὰ κήρυξεν λέγῃ,

in his nempe verbis:

*Aquila tempestate iactatus promontorium superare non potuit:
 atque angulum quemdam tutum à tempestate nactus cum classe se
 longius à prospectu remouit. reliqua classis in salo ad Leptin, egres-
 sis remigibus, vacua à defensoribus stabat.*

Nam prior narratio expungitur, damnaturque à sequenti. Si
 Aquila cum classe angulum nactus est, quomodo adiicit, *reli-
 qua classis in salo ad Leptin*? Sed auctor culpâ vacat, & editio
 prisca verissimè scribit & ordinat: *Aquila tempestate iactatus, cum
 classe propius promontorium superare non potuit: atq; angulum quem-
 dam tutum à tempestate nactus, se longius à prospectu remouit.* Cur

G

hæc

* Obscure
 ut omnia
 atque eva-
 perè disse-
 ris.

hæc mutata? Nam Aquila solus angulum illum cum naui suâ cepit; reliqua classis ad Leptim appulit.

CAP. V.

Lucani incogitantia & ἀσέβεια.

AMo Lucanum vel ob altum & verè excelsum animum.¹ Seruile nihil spirat in mediâ illâ temporum seruitute. Atqui dicam,

* Nihil-
que, verum
quod fiet,
non profe-
tam.

* Κ' ἐδὲν παρῶσα δ' ἀληθείας ἔπος,
à se & à decoro nimium recedit; cùm laudatum illum Magnum tam humilem subito tamque mollem facit, vt nulla mulier abiectionior esse petuerit in calamitate. Versus eius principio lib. viii.

*Cornipedem exhaustum cursu stimulisque negantem
Magnus agens incerta fuga vestigia turbat,
Implicitasque errore vias. pauet ille fragorem
Motorum ventis nemorum: comitumque suorum
Qui post terga venit, trepidum laterique timentem
Exanimat.*

* ac tempe-
stas horri-
da calami-
tatis.

Quid ais, Annæ? hic est ille tuus, quem paullò antè in ipso nimbo * καὶ κλυδὼνι δυνῆς συμφορᾶς alterum Herculem fingis aut Catonem? Recognosce tua ipsius verba lib. v i i. exitu:

*Non gemitus, non fletus eras, saluaque verendus
Maiestate dolor: qualem te Magnæ decebat
Romanis præstare malis. non impare vultu
Aspicias Æmathiam. nec te videre superbum
Prospera bellorum, nec fractum aduersa videbunt.*

Hic ego Lucanum agnosco suum & vigilem; cùm illa verò scripsit, somno dedisse operam puto.

CAP. VI.

Liuius & sanitas.

DE Fabio Maximo Liuius, lib. x x i i.
*Ad aures quoque, militum dicta ferocia voluebantur: ac si
militaris*

militaris suffragij res esset, haut dubiè ferebant, Minutium Fabio duci prælaturus. Fabius pariter in suos haut minùs quàm in hostes intētus, priùs ab aliis inuictum animum præstans, quamquam probè scit, non in castris modò suis, sed etiam Romæ suam cunctationem insanè esse, obstinatus tamen eodem consiliorum tenore æstatis reliquum extraxit.

Supinum autem illud nimis & natans, ab aliis inuictum animum præstans. A quibus enim aliis? Itaq; Germanâ simplicitate Glareanus: *Vt ingenuè dicam, quid hoc, ab aliis, reseat, haud equidem intellego.* Nec ego certè, & ut anus ad armillum, ad correctionem decurro ac rescribo, priùs à fabulis inuictum. Sententia quidem ista: spreuisse eum rumores, & quod ipse Fabius Æmilio præcipit, aduersus famam rumorèsq; hominum firmum stetisse. Monemus etiam, alibi esse: *inuictum animum præstat. Quamquam enim probè scit.*

CAP. VII.

Taxatus Casaris locus & tentatus.

INconsiderata & supina mihi visa isthæ scriptio de expugnatione castrorum Octauij III. Belli ciuilis:

Ipsi (Salonenfes) manu factâ, cum iis quos nuper manumiserant, in proxima Octauij castra irruerunt. his expugnatis, eodem impetu altera sunt adorti, inde tertia & quarta, & deinceps reliqua: omnibûsque eos castris expulerunt.

Ait, *deinceps reliqua.* Quæ, malum, reliqua? pèinde quasi terna etiam aut quaterna ampliùs expugnata. Atqui antea scriptum: *Octavius quinis castris opidum circumdedit.* Si quina tantum, & quarta iam expugnata, quæ, sodes, hæc reliqua? Hæret hæc res nisi fortè scribimus, *Octavius quindenis castris.* id est, castellis & propugnaculis. Præter hoc nihil exsculpo: quod si non optimum est, melius tamen quàm quod deterimum.

CAP. VIII.

*De simpulo siue simpunio. Scholiastes Iuuenalis
& Varro correcti.*

ROmani cùm aliarum rerum antiquarum, tum rituum factorum retinentissimi fuerunt, &, quod opidò mirum, etiam in maximis opibus & inter spolia orbis terrarum fictilibus ad sacrificia vasis vsi sunt. Fuit inter ea *simpulum* siue *simpunium*; vt quidam appellarunt. Varro lib. i v. *In sacrificiis remansit Guttum & Simpulum*. Plinius xxxv. cap. xii. *In sacris quidem, etiam inter has opes, non murrhinis crystallinisve, sed fictilibus prolibatur simpulis*. Apuleius in Apolog. *Eadem paupertas populo Rom. imperium à primordio fundauit: proque eo in hodiernum Diis immortalibus simpulo & catino fictili sacrificant*. Intellegit hæc ipsa Valerius lib. i v. cap. v. *Per æternos Vesta ignes, fictilibus etiamnum vasis contentos iuro*. Et Dionysius lib. i. i. vbi Romuli instituta frugi dilaudans, ea (in sacris quidem) mansisse ad suum æuum scribit: Καὶ αὐτὸς εἶδον, inquit, ἑκακοεμφύας ἢ ἐν ἀργυρῇ, ἢ χρυσῇ, ἀλγαν, ἀλλ' ἐν ὀρεγαίναις καλίσταις, ἢ ὀρεγχοῖς. Et libationes vidi infusas non argenteis & aureis poculis, sed fictilibus culignis & simpulis. Nam ὀρεγχοῖς ibi sic explicem; à profundendo scilicet, & quod vsus eorum in libando. Festus: *Simpulum. vas paruum non dissimile cyatho, quo vinum in sacrificiis libabatur*. Cum cyatho comparat: atque ita Glossæ; *Simpulum, Ruadee*. Scholiastes Iuuenalis in Sat. v. i. *Simpunium vas sacrificiis aptum, in quo Pontifices lauare solebant*. Ridiculum de lotione: corrigo, *lauare* siue *libare*, & paulò antè, *aptum*, quo, præpositiunculâ deletâ. Quemadmodum & Varro apud Nonium corrigendus: *Non vides ipsos Deos, si quando volunt gustare vinum, deripere ad hominum fana, & tamen tum illi ipsi Libero simpunio vinitari*. Lego, *simpunio linitari* seu *libitari*, compari erroris causâ. Quod etiam præit, *deripere*, velim esse, *dirigere*: id est, ire, tendere. Festus: *Dirigere apud Plautum inuenitur pro discedere*. Sed enim in his postremis exemplis *simpunium*, non *simpulum* scribitur, & vtrique scripturæ assertores. huic posteriori etiam Cicero apud Nonium: *Oratio exstat Lelii, quam omnes*

omnes habemus in manibus, quàm sympunia Pontificum Diis immortalibus grata sint, Samiaque, ut is scribit, capedines. Et Iuuenalis Sat. vi.

Simpunium ridere Numa. —

vbi & Versus *simpulum* respuit, nisi quis vellet *simpullum*. In Arnobio *sympinia* leges, quasi *συνπινη*: *Brias, pateras, sympinia*. Sed nescio, an verè; neque Hadriano Iunio, quamvis viro longè doctissimo, secundas agere possum, cùm lectionem hanc annixè tuctur, & Lazaro Baïfio nimis inclementor dicit, quòd hîc ei

Lib. vii.
adversus
gentes.

— * Συμὸς ἐνὶ σήδεσσιν ἀπὸς

neque id ipsum ab aliis antè dictum assentiat. *Simpulum* certè Latinam, secundùm Varronem, habet originem. à sumendo nimirum, quòd vinum eo *sumebant*, id est bibebant, *minuatim*. Et optimis libris auctoribus tam *simpulum* quàm *simpunium* absque litterâ Græcanicâ, secus atque eruditissimus ille vir censebat, scribendum est. Plura equidem adferrem, nisi alij occupassent, scriptumque in animo meo Sophocleum illud esset,

* Τὰ μὲν πρὸς τὸν θεὸν λόγον ἀπὸς

Ex his autem, quæ adduxi, satis constat sacrorum proprium esse *simpulum*, & Pontificibus attribui, qui celeberrimè eo vsi. Quare etiam inter insignia eius sacerdotij numi prisci ponunt.

* Diffu-
perna: ancis
abfissa.

C A P. I X.

Duum Liuij locorum correctio.

Obscurus, imò vitiosus est locus in calumniosâ oratione Tribuni Bæbij apud Liuium lib. xxi.

Abhorreere igitur interregnum eos. Consulatum vnum certè plebis Romana esse: populum liberius habiturum ac daturum ei, qui magis vincere quàm duum imperare malit.

Sî meo het modo, furcillis primùm eiicietur τὸ *abhorreere*, & vacuum in sedem atque suam reducetur quod in membranis est, *habere*: deinde ex ingenio distractis vocibus malè iunctis scribemus, *liberum ius habiturum*. Dicit Tribunus, Patres omnibus artibus rem ad interregnum duxisse, ut in eorum manu comitia essent: nullâ tamen arte efficere posse, quin alter Consulum sit

ē plebe. populum igitur *liberum ius habiturum*, & illum ſaltem talem facturum, qui potiùs publica cōmoda quàm ſua ipſius ſpectet. Saxoniùs quidem aliter, & *liberiùs habiturum*, Helleniſinum eſſe ait: ſed illud

--- * mibi
viſum re-
ſponſum eſſe.

— * *ἰμοῖς θυμοῖς δόξαι τῷ δέσπῃ.*

C A P. X.

Petronius correctus & illustratus.

IN Petronij Satyrico Carmen eſt ſublime, ſonorum, quo cauſas refert ciuiliſ Cæſariani belli, atque inter eas auaritiā & luxum. Ibi hæc:

*Nec ſatiatus erat. grauidis freta pulſa carinis
Jam peragrabantur: ſi quis ſinus abditus vltra,
Si qua foret tellus, quæ fuluum mitteret aurum,
Hoſtis erat.*

Grauidas carinas haut ſatis probo; & puto germanum eſſe, *Grauis freta pulſa carinis*. Nempe Pontus & loca, per quæ læſon cum ſuis ad aureum vellus. Quod ſequitur in oratione Cæſaris,

*Sanguine Germano ſexagintaque triumphis
Eſſe nocens cæpi. quamquam quos gloria terret,
Aut qui ſunt qui bella volunt? mercedibus emptæ
Ac viles operæ, quorum eſt mea Roma nouerca.*

id ſumptum eſt à Scipionis voce liberâ, qui in mediâ concione: *Taceant, inquit, quibus Italia nouerca eſt.* quaſi diceret libertinos aut exteros & nec ſanguine Romanos eſſe.

C A P. X I.

Liuij locus emaculatus.

Non ſatis cum fide retulerunt Patribus Decemviri, ſi fida hæc Liuiana, lib. x x i i.

Decemviri libros Sibyllinos adire iubentur. qui inſpectis fatalibus libris, retulerunt patribus, quod eius belli cauſâ votum Marti foret, id non ritè factum, de integro atque amplius faciendum eſſe:

— *lovi*

& Ioui ludos magnos & ades Veneri Erycinæ ac Menti vouendas esse.

Nam ubi, obsecro, Marti votum aliquod factum? Euolue priora omnia, nō reperies: etsi Liuius in eiusmodi rebus nimis quā̃ curiosus. Ego reperio votum anno antè factum, ex libris Sibyllinis, à C. Atilio Serrano Pratore, si in decem annos respublica eodem stetisset statu. Narrat Liuius libro superiore extremo. Nec ambigo quin huc iam aspectum: Id autem votum non Marti propriè, sed Ioui aliisque diis factum. Inò statim ecce varij dii nominantur, quibus votum id instauratum, Martis nullā mentione. Credo igitur rectè hīc emendatum iri: *votum antè foret.* errore illo nato ex adhæsione litterulæ, suppositoque Marte, quia videbant Martem in manibus, &

Omnia iam belli trepido concussa tumultu.

CAP. XII.

De veste militari: publicitus ea data. Sagum, lacerna, Panula, Armilauſa. De colore vestium militarium disceptatum.

DE veste domesticâ & vrbânâ multi multa; de militari, nisi quā Imperatores & duces spectat, ^{* quæ mea memoria est.} *ὥς ἐγὼ μνήμης ἔχω*, vix quicquam, aut cursim & saltuatim. Quare facturum operæ pretium me puto, si quæ circa ea mihi notata sunt, vno velut missu hoc capite exhibeo. Hæc igitur missa donatâque olim è publico, vt clarè Polybius: & ferè (pluries in Liuio videmus) *Tunica ac Togæ.* atque illæ quidem grandiore semper numero. vt in Liuio, lib. x x i x. *Vestimenta exercitui deerant: ea quoque haud segniter curata res. mille ducentæ Togæ breui spatio, duodecim millia Tunicarum missæ.* & alibi. Quæ causâ disparitatis? quòd Togæ honestioribus tantum missæ, vt equitibus, Centurionibus, ac talibus; gregarij tunicâ contenti fuerunt, & super eam fortasse sago. Sagum quidem militaris vestis. atque ita Polyænus de Scipione ad Numantiam: *Ἐκέλευε ἱματίω χεῖρας σιγύρα Γαλαππῆν, καὶ τοῦτος αὐτὸς ἐπιπορπίσας το σιγύρον μαλαίαν:* *Iussit eos vti veste sago Gallicano, &*

ipse

ipse primus nigrum sagum fibulâ sibi induit & adstrinxit. Inde toties lectum: *Ad saga ire*, in rebus turbidis: quasi omnes tunc milites pro re natâ. Lampridius in Alexandro: *Depositis armis, depositis etiam sagulis militariibus, omnes non ad castra, sed ad diuersoria iuerunt.* quasi non vltrâ nempe milites. In Italiâ autem, & Vrbe imprimis, aliter se res habebat, quàm in prouinciis & castris. Nec enim decere videbatur ille ferox habitus dominam terram & Urbem. Capitolinus in Antonio: *Per Brundisium veniens in Italiam, togam & ipse sumpsit, & milites togatos esse iussit: nec vnquam sagati fuerunt sub eo milites.* Eâ de causâ Excubiæ Palatinæ togatæ, vt in Taciti i. Histor. *Nec vna cohors togata defendit nunc Galbam, sed detinet.* Legimus item *Lacernas* militum & *Penu- las*. In Propertio:

Texitur hæc castris quarta lacerna tuis.

In Ouidio:

*Mittenda est domino, nunc nunc properate puella,
Quamprimum nostrâ facta lacerna manu.*

Domino, marito militanti. gratiores nempe hæ vestes, à muliebri vel amatâ aliquâ manu. In Scholiaste Persij: *Lacerna pallium simbriatum, quo olim soli milites velabantur.* Benè, olim. postea enim Urbani pallium Lacernati esse cœpere; quidam etiam super Togas. De Penulis autem, Suetonius Neronis cap. xlii. *Irumpenti Centurioni & penulâ ad vulnus appositâ.* Seneca De Benef. iii. cap. xxviii. *Quò te penulati isti in militem & quidem non vulgarem cultum subornati?* Tertullianus de milite suo: *Ibidem grauissimas penulas posuit, reuclari auspicatus.* Per penulatos autem istos Seneca seruos ad læticam intellegit, ac militarem in modum vestitos significat, colore etiam rufo: de quo Martialis in Lemmate, Canusinae rufæ:

*Roma magis fuscis vestitur, Gallia rubris,
Et placet hic pueris militibusque color.*

Trebellius in Claudio: *Tunicas rufas militares.* Tertullianus huc aspexit, in eodem milite: *Et nunc sanguine suo rufatus, spe calceatus.* quasi iam non veste & penulâ, sed sanguine rufus. Si Isidoro credimus, veteres etiam hoc colore vsi. *Rufatâ sub Consulibus Romani vsi sunt milites, vnde etiam Rufati vocabantur.* Idem videtur ex fragmento Varronis apud Nonium in *Torques*: *Tela dextrâ*

dextrâ vibrant, ruffati emicant. Est omnino de militibus, legendumque, & micant. Notum quid sit *minari* & *micare telus*. Sed dicet aliquis: quid in Imperatore & Licetoribus eximium, si omnium vestes similimè tinctæ? In procliui est soluere hunc nodum, propter discrimen inter ruffum & coccineum colorem, qui proprius Imperatoris erat, & vnde facilè internoscebatur. Pertinet huc Cæsarianum illud Commentario v i i. *Accelerat Cæsar, ut prælio intersit. eius aduentu ex colore vestis cognito.* Non enim fides satis auctor Horatii Scholiastes ita scribens: *Romani milites in bellum euntes, coccineis sagis utebantur, ut ne quis vulneratus terrorem incuteret sociis.* ubi pro ruffo coccineum usurpauit. Sed an hoc tantum de velitibus, quos chlamydulâ tectos fuisse scimus? in obscuro res sita est. Græci certè, & maximè Lacedæmonij τῇ φοινικίδι militiae sunt vsi. Aristoteles apud Suidam: *Ἀριστοτέλης δὲ φησι ὅτι τὰς Λακεδαιμονίους φοινικίδι πορρὸς τὰς πόλεις. τὸτο μὲν, ὅτι τὸ ἵ χροῖας ἀνδράσιν τὸτο δὲ, ὅτι τὸ τῷ χροῖματος αἱματῶδες ἢ τῷ αἵματι πλουσιώτερον ἢ καὶ ἁπλοῦς.* Aristoteles ait Lacedæmonios puniceâ veste ad bella uti, tum quia color ille virilis, tum quia sanguineum illud in tincturâ sanguinis ipsius fluxum assuefacit contemnere. Plutarchus & aliis Græcis tunicas puniceas attribuere videtur, cùm de Philopœmone scribit, eum milites suos adornatos & instructos voluisse Græcis ostendere, & in theatrum duxisse ἐν ᾧ σεπτίωτι καὶ χλαμύσιν καὶ τοῖς φοινικοῖς ὑποδύεσθαι in sagulis militaribus & puniceis tunicis. Idemque de Macedonibus, in Æmylio: *vistos eos ἀσπιδόεντας ὅτι χρυσοῖς ὑπὸ καὶ πορρῶς φοινικίσιν: micantes in aureis armis & vestibus nominis puniceis.* Silius hoc & Carthaginiensibus tribuit:

— Rubra velamine vestis

Ars erat in pugna visum oculuisse cruorem.

Has tales *Armilausas* videntur posteri dixisse. Paulinus Nolanus de quodam improbius vestito, epist. x i i i. *Minimè monachali caligâ & veste, cùm præterea facie non minùs quàm Armilausâ ruberet.* Iterum epist. v i i. *Sibi ergo ille habeat Armilausam suam & suas caligas.* Scholium vetus in Iuuenalis illud, *viridem thoraca: id est, Armilausam prasinam, ut simia.* Emendo ἐν παρρησίᾳ, aut simile. Sed ille alterius coloris etiam facit. Isidorus eo præterito de nomine & formâ sic ait: *Armilausa vulgò vocata, quòd ἀντὶ & retrò diuisa atque aperta est, in armos tantum clausa, quasi Armiclausâ.* Iam verò

H

Caligam,

* militaria
calceamenta
tum.
* indolis
romani
Romanarū
expertes.

Caligam, quod ait Dio, * *σεπτιμπίου ὑπόδημα* fuisse sciunt omnes qui non prorsus * *ἀμαθείς καὶ τῆς Ρωμαίων ἀγέλης*. De *Calceis* autem clauatis nihil dicam, ne actam rem agam. Pertractauit enim eam, vt ipse mihi confirmauit Iosephus Castalio IC^{rus} inorūnque & litterarum veterum benè doctus. Sed & formam, quò vulgetur, è fornice Constantini diligenter exprimi curauit. Et oculis pænè ingerunt Iosephus *ἀλυσσας* lib. v i i. cap. i i i. & Imperator Leo, qui & vsum addit clauorum: *Calcei peditem fastigia antè acuminata ne habeant. Necessum verò est paucis quibusdam clauis firmari calceos, quos carphia appellant. Ad varios enim vsus id vtile est; in primis ad itinera faciendā.*

C A P. XIII.

Occultior significatio comæatus, & exempla.

Commeatum veteres vsurparunt pro plurium simul nauium appulsu, quemadmodum hodie Galli, *la flotte*. Monuerunt id antè viri docti; quod reliquum est, exemplorum copiam ego dabo. Cæsar lib. v. *Duobus comæatibus exercitum re- portare consuevit.* Hirtius de bello Africo: *Rabirium mittit ad accersendum secundum comæatum.* Suet. in Nerone: *Alexandriui qui de nouo comæatu Neapolim confluxerant.* Apul. lib. x i. *Metam.* Ecce littera de noui comæatus prosperâ nauigatione. Symmachus lib. v i i. epist. LXV I I I. *Nobis tardior Africanarum nauium comæatus incutit curas, & sterilitas conditorum.* Et rursus, lib. x. ep. i. *Edita ratio est uectigalium, quæ Hispanienfis atque Alexandrinus inuehere debuit comæatus.* Pro eo Martialis, Aufonius & Sidonius Græcanicâ voce sunt vsi, *cataplus*: de quâ solens suo more, id est perquàm cruditè, vir plenus litterarum, & qui verè * *μεγέθυρος* *καυδολας* venisse dici potest, Isaacus Casaubonus, in Animaduersionibus Suetonianis. Simili notione comæatus dicitur, cum manus iuncta terrâ iter facit, quod Turcæ appellant *Carauanam*. Apul. lib. v i i. *Vt luce clarâ, & die iam prouectô, & sole florido, vitantes vndique latentes insidias, cum & ipso lumine dirarum bestiarum repigatur impetus, non laciniatim disperso, sed cuneatim stipato comæatu difficultates illas transabircimus.*

* ad cultus
eruditionis.

CAP. XIV.

Soleis feminarum inserti clauis, gemma. Calcei purpurei, interpuncti, auratis pralati. Crepida arata. Calcei pedum quasi vincla.

DE calceamentis militum quia suprà mentio leuiter mihi facta, facile animum induxi de paganorum etiam dicere; sed pauca, sed aliis, vt opinor, indicta. Nam de calceis lunatis, lineis, albis, coccineis, auratis multi meminerunt. Sed & de baxeis, peronibus, mulleis, vdonibus, foccis, cothurnis. Præteritis igitur his talibus, clauos dico calceis nō modò militum, sed etiam mulierum, insertos. Patet è Clemente Alexandrino Pædag. lib. 11. cap. X 1. *περὶ ὑποπόσεως: Περὶ πόσεως δὲ καὶ περὶ τῶν ὑποπόσεων εἰσὶν αἱ ἀλαζόνες, ἃ πολλὰ βλακείαν κἀνταῖθα ὁπιδεαίνονται· αἰσχρὰ γοῦν ἀνθρώπων τὰ σκευδάλια ἐκείνα, ἐφ' οἷς ὅτι τὰ χρυσὰ ἀναβήματα. ἀλλὰ καὶ τοὺς ἡλούς ἐλικοειδῶς τοῖς κατὰ τὴν ἰσχυρὰν αἰχμῶν. Similiter autem in calceamentis superba arrogantisque femina magnam ostendunt mollissem. Turpia quippe sunt illa sandalia cum aureis ornamentis. Sed & clauos circumcirca soleis insigere equum censent. & an non ex auro? quales aliquando vel gregariis militibus. Iustinus lib. xxxv 111. de exercitu Syriæ regis Antiochi, non Magni illius, cui bellum cum Romanis, sed è posteris eius: Argenti certè auriq; tantum, vt etiam gregarij milites auro caligas figerēt, proculcarentq; materiam, cuius amore populi ferro dimicant. Caligas enim inter calceamenta fuisse, confessa res ac manifesta: nimisque mirum quòd vir doctus ita braccas appellatas censet. Non autem hîc stetit luxur; itum est vltèrius, & gemmæ quoque calcatae. Curtius de Sophite lib. 1 x. Vestis erat auro purpuraq; distincta, quæ etiam crura velabat; aureis soleis inferuerat gemmas. Flau. Vopiscus de Carino: Habuit gemmas in calceis. Sed non magnum hoc in Principibus. Plinium audiamus lib. 1 x. cap. xx x v. Affeclantque iam & pauperes, licetorem femina in publico vnionem esse dictitantes. Quin & pedibus, nec crepidarum tantum obstragulis, sed totis focculis addunt. Neque enim gestare iam margaritas, nisi calcant, ac per vniones etiam ambulent, satis*

est. Et Spartianum in Elagabalo: *Semiamirica facta sunt Scum ridicula de legibus matronalibus: quæ quo vestitu incederent, quæ cui cederet, quæ ad cuius osculum veniret: quæ pileto, quæ equo saginario, quæ asino veheretur, quæ carpento mulari, quæ boum, quæ sellâ veheretur, & utrûm pelliceâ, an offeâ, an eboratâ, an argentatâ, & quæ aurum vel gemmas in calceamentis haberet.* Diserte etiam dicit Clemens Alexandrinus dicto capite & libro: *Χαίρει ἡ ἰατρὸν τὰς ἐπιχρύσευ καὶ ἀργυρίσευ, ὅτι σποδάλιον ματαιότητος ἐστίν.* Vale ergo dicendum est aureorum & gemmeorum sandaliorum artificii. Et Tertullianus de Orientalibus: *Gemmarum quoque nobilitatem vidimus Rome de fastidio Parthorum & Medorum ceterorumque gentilium suorum coram matronis erubescens, nisi quod nec ad ostensionem ferè habentur. Latent in cingulis smaragdi, & cylindros vaginæ suæ solus gladius sub sinu novit, & in peronibus uniones emergere de luto cupiunt. denique iam gemmatum habent, quod gemmatum esse non debet, si non comparet: aut ideò comparet, ut neglectum quoque ostendatur.* Vnde minùs mirandum videri debet quod Herodotus memoriæ prodidit, Ægypti reginis magnæ alicuius urbis redditus pro calceario assignatos. Notabile etiam quod calceos purpureos pluris fecerunt quàm auratos, & supra omnes, interpunctos: ob artificium, ut opinor, atque manupretium. Epictetus in Enchiridio: *Μέρον κτήσεως τὸ σῶμα ἐκάστω, ὡς ὁ πῆς ὑποδήματος, ἀν μὲν οὐδὲν ἐπὶ τῷ σώματι, φυλάττει τὸ μέρον ἵαν δι' ὑπερβίης, ὡς καὶ κρηστὴ λοππὸν ἀνάγκη φέρειν, καβατῶ καὶ ἐπὶ τῷ ὑποδήματι, ἵαν ὑπὲρ τὸ πόδα ὑπερβίης, ἡντοια κατὰ χρυσὸν ὑπόδημα, εἴτα πορφύρεον, εἴτα κωνικόν. τὴν γὰρ ἀπαλὴν ὑπὲρ τὸ μέρον ὁρῶν αἰθεὶς ἐστίν.* Modus pecunie corpus est unicuique, ut calcei pes. Si igitur in eo insisteris, modum servabis, sin præterieris, iam veluti per præceptum te ferri necesse erit. ut & in calceo: si ultra pedem progressus fueris, fit auratus calceus, deinde purpureus, deinde interpunctus. Eius enim quod semel transferit modum, nullus est terminus. Neque verò tacendum de crepidis æratis, de quibus apud Tertullianum: *Si philosophus in purpurâ, cur non & in baxâ Tyriâ calceare? nisi aurum minimè Græcitas decet. atquin alius & sericatus & crepidam æratus incessit: dignè quidem, ut bacchantibus indumētis aliquid subinniret, cymbalo incessit.* Mirus lusus & luxus in re calceamentorum, quæ Musonio philosopho memoratissimo pedum quasi vincla sunt & impedimenta. Verba ipsius excerptimus è Stobæo: *καὶ τὰς ὑποδ-*

De habitu muliebri.

De Pallio.

ὑποδιδάξαι τὸ ἀντιποδῖν τῇ δυνάμει κρεῖττον, καὶ διὰ τοῦτο τὸ μὲν ὑπο-
 διδάξαι, τῇ δ' ἐπιδάξαι ἕλκεται ἔξ. ἢ δ' ἀντιποδῖν πολλὰ ἀλυσίας τὰς καὶ δικαίας
 παρέχει τοῖς ποσὶν, ὅταν ἡσυχάζουσιν ὄσων. ἔστι καὶ τὰς ἡμεροδρόμους ὁρᾶν ἔστι,
 καὶ ῥυθμίσεις ὑποδύμεσθαι ἐν τῇ ὁδοῖς καὶ τῇ ἀλλήλων τὰς δρομῆς ἐκ αὐτῶν δυνα-
 μῆτος οὐκ ἔστι τὸ πάρος ἐν δίοις ἔρχεσθαι αὐτὸς ἐν ὑποδύμεσθαι. *Ac nudis pedi-
 bus incedere melius est, quàm calceatum. Propemodum enim dixerim*
calceatum esse perinde ac vincitum et constrictum esse. sine calceis au-
tem valde expediti et agiles sunt pedes, praesertim si adsit usus. Unde
tabellarios videre est non vti calceamentis in itineribus; atque ex athle-
tis cursores celeritatem eandem non servare, si currendum est calceatis.
Dignum hîc certè notatione de tabellariis, & quod apud Sucto-
nium est de claffariis, excalceatos eos cursitasse, cùm ab Hostiâ
& Puteolis Romam pedibus per vices commearent. & fortè
etiam, quod pænè præterieram, de calceis virginum aliis atque
mulierum. Innuit sanè & indicat Tertullianus de nouis nuptis
ita scribens: Iam et consilium forma à speculo petunt, et faciem mo-
rosiorem lauacro macerant: forsitan et aliquo eam medicamine interpo-
lant, pallium extrinsecus iaciunt, calceum stipant multiformem, plus
instrumenti ad balneas deferunt. Quid singula persequar? Solemnem
manifesta paratura totam circumferunt mulieritatem. Sed de his
iam satis est: Quod restat, restant alij, qui faciant palàm.

Lib. De ve-
land. virgi-
nibus.

CAP. XV.

*De numero copiarum Rom. ad Cannas. Liuius
 ex Silio emendatus.*

V Ariatum ab antiquis scriptoribus circa numerum arma-
 torum, qui in castris Romanis, cùm pugnatum ad Cannas.
 Liuius ad eos inclinat, qui septem & octoginta millia & ducen-
 tos fuisse scripserunt. & ab hac ferè parte Plutarchus, nisi quòd
 auctiore paullum numero ab eo ponuntur μυριάδες ὀκτὼ διχίλιον
 ἀνδρῶν δύνανται duo denonaginta virorum millia. Polybius magis
 distinctè, πεζῶν εἰς ὀκτὼ μυριάδας, ἵππων δὲ μισροὶ πέντε, ὅς ἐξαι-
 χίλιον, recenset. Appianus numerum imminuit: & facit πεζῶν ἐπὶ
 τακτικῶν, ἵππων δὲ ἑξακίχλιον, *pedium septuaginta millia, equitum*
sex millia. Quod mirum, quoniam ille idem paullò àntè lectas

vult nouas quattuor legiones. Οἱ δὲ Ῥωμαῖοι, inquit, *κατέλεγον εἰς αὐτὴν ὀκτώσδε ἑκατάσδε*. Si ita est, profectò octo legionibus rem gesserunt: ergo pluribus quàm millibus septuaginta. Præter Romanas Italàsque copias, auxilia etiam regis Hieronis fuerunt, Liuiο quidem ad mille. Paullò infrà: *Itaq; misisse mille sagittariorum ac funditorum aptam manum aduersus Baleares ac Mauros*. Sed Silius mihi pænè persuadet, legendum hîc, *111. mille*, quia nimis exiguæ & non pro regiâ munificentîâ copiolæ illæ fuerint, & difertè ille sic tradit:

Addiderat ter mille viros, in Marte sagitta

Expertos, fidus Siculâ regnator ab Ænâ.

Mendum autem esse potest in Liuiο; non potest in Silij versu.

C A P. XVI.

Veteres haut semper ad legem Grammaticorum scripsisse; eiq; rei exempla.

VErè profectò Fabius, aliud esse Latine, aliud Grammaticè loqui. Nam sunt in optimis auctoribus, quæ vtique non ferant Grammaticorum leges. Tale in Agellio, lib. 1. cap. xiv. *Multis magnisq; rebus, quæ bene ac beniuolè fecisset. Quas, oportuit, inquiet alius: ille verò negat, & vsurpat iterum lib. 1 v. cap. xviii. Quàm fuerit altus animo atque magnificus, & quâ sui conscientia nixus, pluribus rebus quæ dixerit quæque fecerit, declaratum est.* Etiam ille

Romanâ primus Crispus in historiâ:

Abundantia earum rerum, quæ prima mortales ducunt. Ad rem scilicet ipsam, non ad vocolam attendere nos voluerunt. Atque hoc σπουδαίως Generis est: ecce Casuum & Inflexionum. Agellius lib. 1. cap. xv. Idcirco ex iis, quibus dixi, vocibus. Lib. 1 1. cap. xxvi. Sed in iis tamen coloribus, quibus modò dixisti. Nónne ex litteratoriâ lege, quas & quos utrobique oportuit? At veteres, & præsertim Comici, pleni talium: Etiam in Historicis reperire est. In Hirtio, De bello Africo: Dum hæc ita fierent, rex Iuba cognitis Cæsaris difficultatibus, non est visum spatium conualescendi. Eiusmodi quoque

quoque illud IC^{us} L. XXVII. ad L. Aquill. *Si quis seruum con-*
ductum ad regendum mulum, commendauerit ei mulum: ille ad pollicem
eum alligauerit. Denique multa talia, quæ si autumem omnia,
 nimis longus sermo sit. & hæc satis, siue ad refellendos quosdam
 seruiliter Grammaticos, siue ad reprimendos alios audacter ni-
 mis Criticos, quos in memoriâ semper habere expediat, *αὐτὸν τε* * *non ma-*
monenda ne
monens.

CAP. XVII.

Agellij duo fadissima stigmata sublata.

Agellius cautè, si quis alius, meditatèque scripsit. Secùs ta-
 men videatur è lib. I. cap. V I I. vbi disputat de verbis istis
 Indefiniti modi, *Dicturum, Facturum.*

Qui modus, inquit, neque in numeros, neque in personas, neque
in genera, neque in tempora distrahitur (vetus editio, *distribui-*
tur) *sed omnia istæ vnâ eademque declinatione complectitur.*

Nam quòd scribit, verba eiusmodi non distrahi in numeros,
 in personas, in genera, in tempora, non est vacuum noxiis. Prio-
 ra quidem vera sunt; de temporibus verò cur addit? Profectò pa-
 lām * *ἕξω δ' ἀνθρώτους* est, omnia tempora vnâ eademque declina- * *falsum.*
 tione his verbis comprehendi. Vnicam tantùm significationem
 habent * *τῷ μέλλοντι*; in præsens aut præteritum non torquentur. * *futuri*
 Aliter autem est in numeris, personis, generibus, ad quæ omnia
 se aptant. Rectissimè igitur tria hæc verba, *neque in tempora*, à
 libris priscæ editionis absunt, & proculdubio glossemata sunt &
 additicia. Barbaries & stribligo videtur cap. I. lib. X V.

Magni, inquit, reditus urbanorum prædiorum, sed pericula sunt
longè maxima. si quid autem possit remediū fore, vt ne tam adsi-
duc domus Roma arderent, venum herclè dedissem res rusticas,
εἰς ὕβρις ἐμ. ἴσσημ.

in eâ videlicet lexi: *si quid possit remediū fore.* Emendo, remediū ferri.

CAP. XVIII.

Vlpianus explicatus de Sparsionibus equorum.

Quid Spartor?

QUod apud Vlpianum est, De his qui notantur infamiâ
 l. i v. *neque agitadores, nec qui aquam equis spargunt*, igno-
 miniosos haberi, id ego non de vulgari aliquâ sparsione, aut ad
 recreandos equos, accipiendum arbitror, etsi Alciatum iuris &
 humanitatis consultissimum in hac sententiâ fuisse video; sed de
 sollemni quâdam & cum religione, imò superstitione, con-
 iunctâ. Nam fuisse mos videtur, vt, quoniam Circenses sacri lu-
 di erant, honorique Deorum dicati, equi certaturi prius lustra-
 rentur, & aquâ è certo loco petiti spargerentur. Fidem huic rei
 peto è Charisio, lib. i. *Ad equas, an ad aquas vocari, dici debeat,*
quaesitum est. Qui ad aquas dicunt, enarrant quòd ex luco Camenarum
aqua religiosa asferri solebat, purificandi causâ. Sed melius Ad equas,
quòd olim greges equorum in Circum inducebantur, ibique per popu-
lum cursu aquabantur. Qui etsi in alteram opinionem abiit, tamen
morem clarè satis ingerit, quem nos spectamus. Fallor valde,
aut hunc ritum in mente habuit, & profanam hanc aquam aliâ
aquâ damnauit Hilario vir sanctus: de quo D. Hieronymus
narrat, cum Italici cuiusdam, qui Christianus erat, equi Circen-
ses daemoniis imprecationibus tardarentur in cursu, eum ac-
cessisse Hilarionem. qui cum aliquamdiu recusasset rei tam in-
ceptæ operam dare, tandem, inquit, rogatus à fratribus qui aderant,
scyphum fictilem, quo bibere consueuerat, iussit aquâ impleri, ei que tra-
di. Quem cum accepisset Italicus, & stabulum, & equos, & aurigam
suum, rhedam, carcerumque repagula aspersit. eoque facto plenè vi-
ctoriam de aduersario est consecutus. In lapide veteri inter offi-
cia Circensibus deputata etiam inuenio SPARTOREM. an pro
SPARSORE? an potius à Sparto id nomen ductum, & ad Circi
metarumque dealbationem munus pertinuit? Nam in Glossis
ita scriptum, Spartum, λολαλα ἐν σταβλῶ.

v l. Pareng.
cap. 111.

* In vitâ
Hilarionis.

CAP. XIX.

Percutiendi verbum variorum significatu.

Percutiendi verbum usurpatum pro illo occidendi. Suetonius in Caligulâ, cap. 111. *Hostem cominus sæpè percussit.* Capitolinus in Antonino Pio: *Nullus sub eo Senator percussus.* Vopiscus in Auidio Cassio: *Percutite me, si audetis, & corrupta disciplina facinus addite.* Idem in Numeriano: *Aprum Præfectum Præsidentem percussit.* Victor in Tarquinio Prisco: *Filium tredecim annorum, quod in prælio hostem percussisset, prætextâ & bullâ donauit.* His omnibus locis (credo & aliis) palam est *Percutere* idem valere. Quid mirum? optimo etiam Latinitatis ævo, idem *Percussores.*

CAP. XX.

De tunica interiore disceptatum. Ovidius, Plutarchus, Agellius explicati.

Non sum profectò ^{* quodolizos}, nec, ut quidam, animi morbo vel petulantia, sed studio veritatis, alienos interdum errores patefacere & proferre cogor. Scribit Lazarus Baiffus, quod Lacanis vitio dabatur, & vnde ^{* quodolizos} per iocum dictæ fuerunt, id ipsum à Romanis etiam virginibus factitatum: & ut sine circutione loquar, tam his quam illis in usu fuisse tunicas utrimque laterum inconspuas & apertas, ut inter eundem & in omni celeriore motu nudum femur appareret. Dij vestram fidem: vnde hoc in mentem tanto viro, quod nemo fando audiuit,

-- neque vsquam fictum neque pictum neque scriptum in poematis?

Nimis certè mirum esset, neminem vnum eorum, quorum Satyras, Amores & Epigrammata legimus, tam bellam lasciuientiam iocandique occasionem arripuisse: sed & omnes seueros illos Censores, qui vitia carpentes ac malos vix mores, alia quæ in vestitu peccarentur, perquam graphicè descripserunt, hic om-

nimo mutos fuisse & elingues. Nam quòd Ouidium citat, vereor ne auctoritatem hic defugiat. Versus eius, quibus pugnat, hi sunt ex lib. 1. De arte:

*Pallia si nimium terra demissa iacebunt,
Collige, & immunda sedulus effer humo.
Protinus officij pretium, patiente puellâ,
Contingent oculis crura videnda tuis.*

Hinc ita ratiocinatur: Si tunicæ utrimque confutæ fuissent, colligendo vel attollendo pallio crura conspici non potuissent: nisi quis dixerit, leuatam vnâ cum pallio tunicâ, quod magis amentis fuisset quàm amantis. O plumbeum pugionem! Vsq; eadê ne mirum & absonum fidei, dum officiosus iste amatorculus pallium sedulò colligit, motâ simul, vel adhærente tunicâ, puellæ pedes imâsve tibias leuiter aspici? Nam de femore quî intelligi rectè possit, quòd potius delapso pallio quàm collecto per apertam tuniculam appareret? Huc accedit, quod de cruribus Poëta dicit, quæ infra genua. Neque verò de Vestalibus hîc agitur aut Sabinis, quas in animo Bârfium habuisse credo, sed lenibus istis & in misericordiam pronis, quæ facile ignoscant,

— si quid flagrantius ætium est.

* fide dignissimus

Cùm autem auctoritate Plutarchi moueri se negat, haud equum certè facit. Nam fidissimus & * ἀξιόπιστος ille scriptor discrimen hoc in vestibus inter Lacedæmonias & Romanas virgines clarè ostendit. Ipsum audiamus: Ἐν δὲ μᾶλλον ἢ πρὸς τὰς παρθένους φυλάσσει καὶ τίς αὐταὶ τῆς Νυμφῆ πρὸς τὸ θῆλυ καὶ κόσμον. ἢ δὲ τῶ Λυκεῖον, πατριάρχων ἀναπαύσασθαι καὶ θῆλεις ἶσα, τοῖς ποιηταῖς λόγον παρέχοντα. Φαιρομενίδας τι γὰρ αὐτὰς ὑποκαλῶσι, ὡς Ἰῆυκος, καὶ ἀνδρομενίδας λοιδορεῖται, ὡς Εὐερετίδης. Præterea cura puellarum ad pudorem muliebrem & uerecundiam magis à Νυμφῇ restricta est; Lycurgi soluta prorsus & aperta iocandi materiam Poëtis præbuit. Φαιρομενίδας enim vocant eas, velut Ibycus, quòd incessu coxas retegerent, & ἀνδρομενίδας, quasi virosas, ut Euripides. Et paullo pòst de eisdem Lacænis, vt differentiam magis declaret: Τῶ γὰρ οἷον τῇ παρθενικῇ γυναικὶ αἱ πτέρυγαι ἐκ ἡσας ἀνέριμα καὶ ἀκατάθην, ἀλλ' ἀντιπλάσσαντο καὶ συναισθημένον ὅλον ἐν τῇ βαδίζον τὸν μιν. Sanè virginum tunica imæ non habebant pinnas confutas, sed explicabantur, & totum incessu aperiebant femur. Satin' hæc sunt plana ac certa? Et tamen doctissimus ille vir alia nobis omnia (si diis



7



(si diis placet) persuadere conatur. qui cogitare certè debuerat, non semper verum veterem illum versum,

Τὸ δὲ οὐκ εἶναι καὶ τὴν ἀλυσθῆσαν βιάζεσθαι.

* *Opinio
vel veritas
si vim facit.*

neque omnes adeò fungos, vt si quis mero meridie tenebras esse dixerit, continuò credant. Tale enim hoc est, quod contra Plutarchum tam acriter defendit; qui tamen auxiliariè habet Agellium affirmantem lib. v i i. c. x i i. Romanos *femini solis vestem longè lateque diffusam decorum existimasse ad vlnas cruraque aduersus oculos protegenda*. Nam si crura regi voluere, certè etiam femur atq; adeò nullæ apud eos *παρρησπιδες*. Sed quàm hoc vanum, tam certum & exploratum hæc tunicas mulierum interiores sæpè per humeros & summa brachia inconsutas paucisque clauis siue sphæculis (aurcis fortè & gemmeis in beatoribus) atque interdum etiam vno tantum, connexas fuisse: quo, cum vellent, soluto, tunica tota ad pedes nullo negotio defluebat. Bono sanè modo præut quàm hodie, cum interulæ non exui facillè possunt, quin obiter (bonâ veniâ dixerim) & os & nares delibent. Plurimæ sunt statuæ, quibus, si opus sit, hoc probemus: duæ sint instar omnium, altera Romæ ipsius in hortis Cæsiis, altera Dæ cuiusdam, in domo Farnesiorum.

Iconismus duplicis statua tunicata hic inferendus.

C A P. XXI.

Περίεργια & curiositas Pauli 7ονij.

ANnibalem ægrum oculis elephanto vno, qui superfuerat, quòd altius ex aquâ exstaret, in Etruriâ vectum Liuius narrat. Vnum superfuisse etiam Ioannes Zonaras memoriæ prodidit in pugna ad Trebiam, & hîc quoque Polybius. Quare satis mirari non possum, Paulum Iouium historiæ suæ hoc velut antiquarium Emblema * inseruisse: *In valle superioris Arni quæ Annibalem olim transisse ferunt: certissimo argumento, quòd ibi Elephantum*

Lib. xxvii.

phantum ossa ab aratoribus hac atate reperiantur, quas bestias multo gelu Alpium correptas amiserit. Nam si pensiore iudicio rem trutinemus, vana ac futilis hæc obseruatio; leuissimumque, vel nullum potius, quod ille grauissimum & firmissimum censet, argumentum. Primum enim, quomodo illic elephantum plurimum ossa, cum superstes vnus tantum? Deinde quis ei dixit, eum ipsum hîc periisse, cum vix per caliginem rationem itinerum Annibalis videamus, & adhuc incompertum inexploratumque sit, an per illam vallem transierit Annibal? Vereor sanè, ne stultiuidi illi fuerint aratores, plûsque fortassè viderint, quàm quod viderunt. Potuerunt tamen verè eruisse elephantum ossa; verùm aliorum, qui postea in Italiâ ad ludos & spectacula. Nam bellatores illi & Annibatici non in illo trans Glauim tractu.

CAP. XXII.

In Agellio glossemata quadam expuncta.

Agellij Noctibus (quas non nisi cum Romanis rebus, vlla nox obliuionis sepeliet) lib. i i i. cap. x i i.

Laberius in Mimo libro primo, qui Salinator inscriptus est.

vett. libri: *in Mimo vel primo.* Certo certius est adtextum esse à scriptore hæsitanti, *primo* scriberet, an *Mimo*. Itaque tollo & *ca-
Tōiō, vel primo.*

Lib. v i i. cap. i i. disputatio est super errore Cefellij Vindicis in Enniano versu exponendo; sed is ipse non est expers errore. Verba:

Hos autem versus Cefellius sic accipit, tamquam si Antiochus sic dicat: Annibal me, ne bellum geram, debortatur. quod cum facit, equale cor putat habere me ei: quàm stultum esse me credit, cum id mihi persuadere vult?

Nam Cefellij mentem quomodo hîc vides? Obscurat eum declaratione istâ suâ Agellius, non illustrat. Puto legendum: *quod cum facit, quale cor putat habere me, & quàm.* Patet ex ipso versu Ennij, quem Periphrasis hæc exponit. Sed & in eo quoque vitium, atque omnino scribendum:

Annibal audaci cum pectore de me hortatur.

Insi.

Infitione & Tmefi prifcis crebrâ.

Lib. x. cap. xxviii.

Tubero in Hiftoriarum primo fcripfit, Ser. Tullium regem P. R. cum illas quinque classes Juniorum census faciendi gratiâ inflitueret.

An Iuniorum modò illæ classes? imò etiam Seniorum. Delenda ea vocola, nisi palàm imperitiæ Tuberone m arceffis.

Lib. vlt. cap. vlt.

Aut memoria adminiculatio, aut oratio folertior, aut fermo incorruptior, aut delectatio motio, aut in ludo liberalior.

Ponit callidè & rectè ea quæ sunt in ipsius libris. Sed quid est illa *delectatio motio*? nugæ: & legendum, *delectantior in otio*. Si scripta nostra, inquit, talia sunt, vt iis effici reddique possit aut oratio folertior, aut in otio & remissionibus delectabilior, aut in ludo iocòque liberalior. Vide connexum sententiæ totum.

CAP. XXIII.

Dissensus scriptorum in annis imperij Titiani.

PER mihi mirum est, dissentire & variare sic scriptores in annis imperij Titiani. Nam Suetonius (cuius fidem & accuratam scribendi rationem ignorat nemo) *excessisse*, scribit, in eadem, quâ pater, villâ, Idibus Septembris, post biennium ac menses duos diesque xx. quàm successerat patri. Dionis compendium quoque omnia eadem: *Ἡρῆς δὲ δὺο ἔτη καὶ μὲναις δύο, ἡμέραις τε εἰκοσι, τοῖς αὐτοῖς εἰρητάς.* At Eutropius imperasse ait biennium ac menses octo, dies xx. Aurelius Victor hinc quoque stat, dicitque, *biennium ac menses ferè nouem*. Sex igitur menses amplius hi, quàm Suetonius & Dio. Eusebij verò Chronicon, in nonnullis quidem exemplaribus, largiùs: *Titus regnavit annos tres & menses duos*. In quam sententiam it Aufonius, vbi ex professo annos ætatèque Principum recenset:

Ter dominante Tito cingit noua laurea Ianum.

Mirum certè factum est, in tam illustri re & Principe tales esse *discrepantias*. Quòd si verè annotatum à Suetonio, Vespasianum obiisse in nono Consulatu suo, v l l l. Kal. Julij, verissima sanè eius

computatio de annis mensibusque Titi. Quid autem causæ,
quamobrem alij seorsum ab eo sentiant; exputare non possum:
• *CONSTANTINUS* præfertim cum illi fides habenda, qui *σύγχρονος* Tito, vel cer-
tè ætati eius suppar.

CAP. XXIV.

Suus numerus Suetonio restitutus.

IN Suetonij Nerone extremo:

*Denique cum post x x. annos, adolescente me, exstisset condi-
tionis incerta, qui se Neronem esse iactaret, tam favorabile nomen
eius apud Parthos fuit, ut vehementer adiutus, & vix red-
ditus sit.*

Numerus corruptus & iusto maior videtur. Longa enim hæc
latitatio in x x. vsque annum: & quam refellit Zonaras in Ti-
to: *Ἐπὶ τούτῳ*, inquit, *καὶ ὁ Ψευδοσύνης ἐφάρτη ὡς Ἀσιανὸς λέγων, ἐμαρτύρητο δὲ
Τιμόκλῳ Μαξιμῷ Ἀσιατικῷ; δὲ τῷ Νιέρωνι καὶ τὸ εἶδός καὶ τὸ φωνήν.
καὶ γὰρ καὶ ἐκιδιπαροῖσιν ἐκ τῆς Ἀσίας πᾶσι προσποιήσατο, καὶ ὅτι τὸ Εὐ-
φράτιν περὶ χειρῶν, πολλὰ πλείους ἀνιπρήσατο. καὶ τέλος τοὺς Ἀρταβάνοι τὸ
τῷ Πάρθῳ κατέφυγον ἀρχηγὸς ὡς καὶ δὲ ὅργης τὸ Τίτον ποιήσας, ἐδ' ἐξελ-
τῆτος, καὶ καταγαγὼν εἰς Ρώμην παρουσιάζειτο.* Sub eo Pseudo-Nero ex-
stitit, qui Asianus erat, nomine Terentius Maximus, facie verò &
voce Neroni persimilis. atque etiam citharâ cane-
bat. Is in Asiâ quos-
dam sibi adiunxit, & ad Euphratem progrediens longè plures concil-
liavit. Denique ad Artabanum Parthorum regem confugit, qui Tito
insensus recepit eum, & Romam reducere statuit. Non alibi tam ex-
pressè res hæc tradita. At enimverò si sub Tito hæc fraus, quis
dubitabit, quin denaria nota superet in Suetonio? Atque ita ini-
tio Titiani imperij falsus hic Nero fuerit. Breuiter de eo Tacit-
us initio Historiarum, ubi hunc quoque motum tangit, inter
præcipua scriptionis suæ argumenta: *Mota propè Parthorum arma
falsi Neronis ludibrio.*

CAP. XXV.

*De sacris Apicibus, eorumq; materiâ & formâ. Gale-
rus, Albogalerus, Apiculum. Varronis lectio de-
fensa.*

Cum pridem antiqua fori Romani monimenta curiosis
oculis arbitrarer, plusculum me tenuit apicis siue pillei sa-
cerdotalis elegans forma, quæ in zophoto trium columnarum
ad radices cliui Capitolini. & hac occasione domum post paul-
lò reuersus scidas & aduersaria non indiligenter excutere cœpi.
Multa quidem in illis, verum, vt fit, sparsim & confusim anno-
tata. Sed & aliqua superuacua: quibus de industriâ præteritis,
elegi quædam, & vt ita loquar, edecumaui, quæ maximè facere
ad rem propositam viderentur, leuiterque digesta capite vno
complexus sum. *Apex itaque sacerdotum est insigne, dictus ab eo,*
quòd comprehendere antiqui vinculo apere dicebant. vnde aptus is qui
conuenienter alicui iunctus est. Hæc Festus. Is autem duplex fuisse
videtur, alter Flaminium, alter Pontificum, inò aliorum item
sacerdotum. Communiter enim & ἄμικτός à Festo sacerdotum in-
signe appellatur. Et Pacatus, in laudatione Theodosij: *Insignes*
apicibus sacerdotes. Sed & de Saliis Dionysius: *Τὴς καλῶντος ἀπι-*
κας ἑπικείμενοι τῇ κεφαλῇ. *Apices qui appellantur capitibus imponen-*
tes. Nec Athenæus aliò referendus: apud quem ita Larensius
(siue is Romanis Laurentius fuit:) *Πόρις τῇ κεφαλῇ περιέχουσα*
τῶν ποσειδωνίου δερμάτων δασύς. *Pilleosque capitibus imponimus è pel-*
libus ouillis densos. Nam Laurentius ille inter Romanos Ponti-
fices aut Sacerdotes. Ita enim idem Athenæus de illo: *Καθίστα-*
μεν ἐπὶ τῶ ἱερῷ καὶ τῶ θυσιῶν ὑπὸ τοῦ Μάρκου βασιλέως. *Præpositum*
sacris sacrificiisq; à Marco Imperatore. Capit nempe argumen-
tum frugalitatis Romanæ, quòd etiam tunc inter sacra Pilleis
istis Ouillis vterentur, prisco ritu. Atquin *Ouilli pillei*, apices sunt.
Festus in voce *Tutusius*: *Quidam pillem lanatis esse dicunt, quo Pon-*
tifices vtuntur. Vides *lanatum*. nec enim corium nudum erat, sed
cum suâ lanâ: & idèò *δασύς, densos, crassos*, Athenæus dixit. Isi-
dorus: *Apex est pillens fusilis, quo sacerdotes gentiles vtiebantur.*
Sutilis,

Sutis, nimirum è pellibus, vt dictum. Idem ostendit & *Galerum* appellatum : *Galerum*, *pilleum ex pelle case hostia factum*. Et Apulcius in Apologiâ : *Diogeni pera & baculus, quod Regibus diadema, quod Imperatoribus paludamentum, quod Pontificibus galerum*. Ergo sacerdotes etiam habuere, eoque referenda insignia Apicis in C. Iulij Cæsaris, Cn. Domitij & aliorum numis, qui exstant. Nam viris doctis & antiquariis nihil accredam, qui Flaminij Iuliani notam esse volunt. Quid? an ille Flamen? numquam inauguratus fuit: destinatus tantum, & à Sullâ statim priuatus. Itaque Pontificatum eius maximum notat. De pilleo Flaminis Varro tradit, propriè *Albogalerum* appellatum : *Flamen solus habet Albogalerum, vel quod maximus, vel quod Joui immolatus hostia alba fieri oportet*. Ergo videtur ille solus album Apicem gestasse, alij alius coloris. Præterea *pilleo Flaminum* (verba Festi) *adfigebatur apex virgula oleagina*. Sed & discrimen erat in ipsâ gestatione. Nam ὁ Φλάμιου (ait Appianus l. Ciuil.) *προσφέρει μὲν αὖ δὲ ἄλλων ἱερέων ἐν μέναις προσφέροντων ταῖς ἡμερῶσι*. *Flamen solus apicem semper fert, cum reliqui sacerdotes tantum in ipsis sacris*. Notabilis hic locus & ad differentiam & ad firmandos apices omnium sacerdotum. Formam eorum fuisse scribunt *κανοειδῆ* siue metalem. Dionysius: *πίλλος ὑψηλὸς εἰς ὅλμω σιμωρομένους κανοειδῆ, ὥς Ἑλλῆες κυρβάσιος καλεῖσι*. *Pilleos altos in formam coni coeuntes, Græcis Cyrbasias dictos*. Varro: *Tutulati dicti hi, qui in sacris in capitibus habere solent vt metam*. Quæ scriptura videtur ferri posse, neque temere ablegandum, in *sacris*, in quibus eorum maxime usus. Sed & Festus de metâ: *Tutulus pilleus lanatus metali formâ*. Et ad stipulantur numi antiqui: nescio an lapides; certè non ij, quos ego quidem vidi. Nam hi pro metali faciunt pænè semicircularem. Ac ne quis oculorum meorum fidem timeat, rem ipsam testem dabo: lapides, inquam, ipsos ex archetypis expressos, quorum alter in arce Capitolinâ, alter in fornice Fabiano.

Addam



Addam tertium insignem artificio cultuque, & ex orbe conoque mistum. Est is, de quo capitis initio dixi, in cliuo Capitolino, fulmenque & oleæ ramum habet. Quare facile adducor, ut credam, Flaminis esse Dialis : maximè cum aliquorum sententiâ, quibus album ego calculum adiicio, reliquiæ templi sint, quod Augustus in cliuo Capitolino (P. Victore teste) Ioui Tonanti consecrauit. Cum enim * Palladius id negat, quia tam culta tamque ornata structuræ ratio non competit sæculo Augusto, sanè oculos in occipitio habuisse videtur, nec Epigraphen operis legisse, quæ restitutum esse dicit. Superest de Apiculo: *Apiculum*, inquit Festus, *filum quo Flamines velatum apicem gerunt.* Sed fortè caligarunt exscriptorum oculi. Seruius enim, *Apiculum*, ait, *quo Flamines velatum caput gerunt.* Dicit caput eo velari, non ipsum apicem, & referri possit ad ea quæ idem alibi: *Flamines in capite pilleum habebant, quod cum per æstus ferre non possent, filo tantum capita religare cœperunt. nam nudis penitus capitis incedere nefas erat.* Dionysius etiam respexisse huc videtur, cum scripsit Flamines gestasse *περιωτά καὶ σίμματα*, *pilleos & filamenta.* An & Statius Poëta?

* Lib. de
Archite-
cturâ.

Lanea cui Phrygi coma flaminis.

Liuius enim filum, quo Feciales vfi, *lanea velamen* appellat. etſi ad apicem referri quoque poteſt, ſicut hoc Virgilij:

Lanigerosque apices. —

Non poſſum tacitus prætere, apicem pro pileo à Cicerone uſurpatum, i. De Legibus, cùm *ab aquilâ Tarquinio apicem impoſitum* ſcribit, qui Liuius pileus eſt in eadem re ſiue miraculo nar- rando. itemque quod Appianus i. Εμφορ. de Merulâ notat, apice depoſito, venas ſibi incidiffe, quòd Flaminem apicatum mori neſas.

*Interferendus hic Iconiſmus Apicis in lapide
clui Capitolini.*

C A P. XXVI.

Iuuenalis emendatus; & ſecus quàm vulgò enarratus.

Non ſatis eſt ad meum ſtomachum Iuuenalis illud Sat. vi.
— *altera leuam*

Extendit, peſſitque comas & voluit in orbem.

& genuinum Poëtæ eſſe exiſtimo, *peſſitque comas*: id eſt com- plicat & concinnat in anulos. Eadem Sat. quod eſt,

— *nondum Græcis iurare paratis*

Per caput alterius.

explicant de periuriis; ego, quamquam Græcorum ingenia mor- ſetque ea non abhorrebant, ad adulationem potiùs reſero, nota- riſque puto Græculos eius æui, qui paſſim in magnis domibus, & per ſalutem aut Genium heri ſui iurabant. ſcilicet eundem iis honorem, quem Diis aut Principi habentes. Iam ad illud,

— *periit libraria, ponunt*

Cosmetæ tunicas,

Librariam intellegi volunt, quæ exſcribit dominæ libros. Sed an non palmam demus Gloſſulæ Pythæanæ? *Libraria, lanipendia*: quæ ancillis nempe diſtribueret appenderetque lanam. & inde Penſa. Poſt deinde:

Inter-



*Interpres legum Solymarum & magna sacerdos
Arboris ac summi fida internuntia celi.*

Referunt hoc omnes ad nemus Egeriæ, quod inhabitabant Iudæi. Suprà:

*Omnis enim populo mercedem pendere iussa est
Arbor, & cietis mendicat silua Camenis.*

Mihi suspicio de sensu magis arcano, & cum irrisu Sacerdotem arboris dici, quia Iudæi censebantur in templo colere vitem.

CAP. XXVII.

Suetonius & Dio, siue potius Xiphilinus, leui correctione in gratiam reconciliati.

N Vllâ re veritas altius mergitur, quàm dissensu dissidiôque librorum. Hic lectorum

— *animos nunc huc, nunc diuidit illuc,*

nec quicquam cuiquam accredere omnino sinit. Interdum tamen conciliari pax potest, neque semper *ἀσυνδο* hoc bellum. ^{*irreconciliabile.*} Et fortassis tale inter Suetonium & Dionem, siue potius Xiphilinum, quâ de factionibus agitatorum auctis à Domitiano scribunt. ille quidem sic: *‘Duas Circensibus gregum factiones aurati purpureique panni ad quattuor priscas addidit. hic autem contrâ, non de purpureo, sed argenteo panno: Τοῖς δὲ ἀρματλιαῖς δύο γίνεσθαι, τὸ μὲν χρυσοῦν, τὸ δὲ ἀργυροῦ ὀνομάσας θεματίσθαι. Aurigarum duo genera adiunxit, quorum vnum aureum, alterum argenteum appellauit.* Certè vnus syllabulæ mutatione res confiet, si *πορφυροῦ* reponere audemus. Si id religioni habemus, dicendum est, insignem fuisse errorem aut supinitatem in exscribendo Xiphilini. Nam argenteus color albus est, atque iam antè Factio albata. In Cassiodoro quattuor colores prisca nominantur; sed cum corruptiunculâ: *Prasinius virenti verno, Venetus nubila hiemi, roseus aestati flammæ, albus pruinoso autumno datus est.* Legendum, *russens*. Nam *rosens* profectò minime, qui ad purpureum accedit. & in codice Columniano, *russens vel roseus*, hæsitante librariolo scriptum; ac passim in lapidibus, FACTIO RVSSATA.

CAP. XXIIIX.

In Scholiaste Iuuenalis vetus scriptura integrata.

Scholiastem Iuuenalis veterem Petrus Pythæus, multis ornamentis ingenij, virtutis, honoris præditus, magno rei litterariæ bono vulgavit; sed multimodis corruptum & hiulcum. pluscula ipse sanauit; pauca nunc ego. Sat. i. ad illa verba

— cum verna Canopi

Crispinus. —

[Crispinus.] Nilivus, vnus de Consulibus Liciniæ, ac de plebe Ægypti fuit, magnarum postea Romæ facultatum.

Grauiissimo vulnere magno aliquo fomento medendum est. Apage igitur Consules istos Liciniæ, quos ego nec vniquam fuisse nec vsquam gentium arbitror; eorumque vicem reponere, quod germanum auctoris: vnus de consodalis Licini ac de plebe. Vult quippe cum altero illo præpotenti nebulone Licino iunctum olim sodalitio fuisse, de cuius item opibus alij multa. Sat. v. de Sarmento:

Quare per ludos, qui ibi primus x i v. ordinibus sedit, hac à populo in eum dicta sunt:

Aliud scriptum habet Sarmentus, aliud populus voluerat.

Digna dignis. Sic Sarmentus habeat crassas compedes.

Rustici, ne nihil agatis, aliquis Sarmentum alliget.

Lego: per ludos quibus primitus x i v. ordinibus sedit, id est cum primum pro equite ausus & inter equites sedere. Locorum autem vulgarium argutia in eo, quod velint hunc falsum equitem non eo loco, sed seruili ergastulo dignum. Primus versus ludit in scripti nomine. Nam, ut eques esset, Censorium scriptum emerat Sarmentus. Ita in vitâ Horatij priscâ legitur, eum quæstorium scriptum comparasse. Et Cicero in Verr. lib. i i i. clare ostendit, cuius est libertinis, numulis corrogatis decuriam scribarum emere licuisse. Habet igitur, inquiunt, Censorium scriptum; at populus voluerat, ut in fronte scriptus & stigmatias ergastulorum in ore esset. In fine quoque eius Scholij iocus est, quem explicamus:

Jam autem senex coactus auctiorare, cum interrogaret conscriptum

ptum quoque Censorium venderet, non infacetè bona se memoria esse perdit.

Scribo: cum interrogaretur, cur scriptum quoque Censorium venderet; non infacetè bona se memoria esse predicauit. Sarmenti hic iocus: rogabatur, cur Decuriam quoque, id est Scriptum venderet. Bonæ memoriæ sum, inquit, quasi diceret, Scripto non egeo, omnia commemini sine scripto. Pro corollario capitis addam hunc Sat. x. versum,

Exsilium & carcer Minturnarumque paludes.

vbi Scholiastes:

Marius fugit, & latuit in Galliâ, in Minturnarum paludibus. Monstrum: an ibi, id est in mediâ Italiâ Galliâ? Corrigendum sine dubio, in calamis. Plutarchus: Καὶ πῆσαι καλὰς ἐν χειρὶ κούλων τοῦδ' ἢ παρόντων ἐπέβαλλε ὅς τ' ἐκαλάμων ποταμὸς καὶ ἄλλης ὁπότε ἐστὶ ὕλης ὅση κέρη: Et loco cauo propter amnem demittere se iusso (Marius) multam arundinem iniecit, aliamque materiam agcessit leuem.

C A P. XXIX.

Iulij Frontini de Strategematis pluscula loca sanata.

Vtilem sanè operam homines doctissimi in Iulium Frontinum contulerunt, remque è malâ meliusculam fecerunt. meliusculam inquam, non optimam, quod etiam nunc aliqua reperiuntur parùm lauta, quæque cinerem quærant. Strategematum lib. i. cap. x i i.

Scipio ex Italiâ in Africam transportando exercitum, cum egrediens nauem prolapsus esset, id quod trepidationem afferebat, constantiâ & magnitudine animi in hortationem conuertit. Et ludite, inquit, milites, Africam oppressi.

Velim: *Ludens, inquit, milites Africam oppressi.* Lib. i i. cap. i v.

C. Sulpicius Petreius Consul contra Gallos dimicaturus.

Imò verò, *Peticus Consul.* quod cognomen Sulpiciæ genti, & in historiis obuium. Eodem libro, cap. v.

Iapyges P. Licinio Proconsuli pagos quoque sub specie deditiois obtulerunt, qui recepti & in postremâ acie collocati terga Romanorum ceciderunt.

Emendat non nemo: *paganos quoque*. At ego, *paucos quoque*, malim. Illud *quoque* pertinet ad exemplum præcedens de Annibale. Lib. III. cap. II.

Epaminondas Thebanus in Arcadiâ, die festo, effusè extra mœnia vagantibus hostium feminis, &c.

De verbo, *vagantibus*, incertat animum meum Polyænus in eadem re narrandâ. Ait enim feminas istas bibisse ἀγχι μέθῃς, usque ad ebrietatem, & mox exiuisse ἐπὶ τῇ νυκτερινῇ θυοῖα, ad quoddam nocturnum sacrificium. Itaque bacchariis aptum, & bacchantibus huic loco. Sed ego fortasse hîc satago, & quod dicitur, * λῶ-

* Inpi alai
guariso.

xx ἡπὸ τοῦτος non certè in eo quod subiitio. Cap. VII.

Clisthenes Sicyonius ductum aquarum in opidum Criseorum ferentè rupit. mox affectis siti restituit aquam elleboro corruptam, quâ vsos profluuiò ventris decipiens cepit.

Scribo: profluuiò vètris deinceps cepit, vel deficientes cepit. Cap. IX. *Philippus in obsidione cuiusdam maritimæ urbis binas naues procul à conspectu contabulavit, superstruxitq; iis turres: aliis deinde turribus adortus à terrâ, domibus propugnatores distrinxit, turritas naues à mari applicuit; & quâ non resistebatur, subiit muros.*

Quis adèò Pyrrhoniùs, vt pronuntiare dubitet, hoc loco vitium esse? Tollimus id diuulsione vocum: dum ibi propugnatores. item, cōuersione Præteriti in Præsens, *dstringit*, pro *distrinxit*. Cap. X.

Idem, vt Saguntinos eliceret, rarâ acie ad muros accedens, &c.

Resistamus ad lumen. Quis ille *idem*? Hannibal? certè is præcessit, sed alius ab eo qui Saguntinos deuicit. Nam Hannibal est qui in Siciliâ bellum gessit, & *Himeram urbem cepit*, vt ibi narrat. Quomodo ergo *idem* qui cum Saguntinis manum conferuit? Certum est exscriptorum virtute & magisterio deprauatam scripturam, atque adèò Criticam opem aduocandam. In duabus autem positus sum sententiis: vna, quòd legendum, *vt Segestanos eliceret*, notam Siciliæ gentem: altera, *Item, Hannibal vt Saguntinos*. Ita repetendum Hannibalis nomē sit, omissum quali superuacuum à tēporum hominūmq; parū gnaris. Cap. XVII.

Velius Præfectus Romanorum, arcem Tarentinorum tenens misit ad Hasdrubalem, &c.

Credo, *Liuius præfectus*, si hæc quidem gesta, vt apparet, bello Punico

Punico secundo. Nam constat è Liuiò aliisque, hunc præfuisse arci, opido per socordiam eius amisso.

C A P. • X X X.

Adoratio sacra purpura. Non omnes ad eam promiscuè admitti. A Constantio cœpit, & hodie etiam in usu.

INter ampliffimos honores, quibus Principes ætas posterior affecit, adorandæ purpuræ fuisse comperio. Ammianus lib. x v. *Susceptus tamen idem dux leniter, adactusque, inclinante negotio ipso cernices, adorare solemniter anhelantem celsus purpuram.* Idem lib. x x i. *Verum cum primitus visus, adoranda purpura datam sibi copiam aduertisset. Sed quid hinc adorare purpuram? non aliud quam tangere eam, & ad os veneranter admouere? Declarant sequentia in Ammiano.* Cum enim ille (captiuus Lucilianus) securum hoc facto se putaret ac Principi reconciliatum, subiecit iste: *Hæc verba prudentia serua Constantio. Maiestatis enim insigne, non ut Consiliario tibi, sed ut desinas pauere, porrexi.* Appellat autem Maiestatis insigne porrigere purpuram hanc dare osculandam. Colligas idem ex altero loco, superius paullo: *Inter complures alios honore conspicuos, adoraturi Imperatorem peregrè venientem ordinantur etiam ex Tribunis insignibus.* Cum igitur à Mesopotamiâ reuersus Constantius hoc exciperetur officio, *Amphilochius quidam ex tribuno Paphlago ausus paullo petulantius stare, ut ipse quoque ad parile obsequium admittendus, agnitus est & prohibitus.* Nam ordine scilicet admissi fuerunt ad factæ purpuræ tactum. Idem Ammianus de Thalassio inimico: *Quo adorare adesseque officio inter honoratos prohibito.* Sic etiam olim salutatione prohibebantur. Suet. Vesp. cap. i v. *Mos hic non admodum vetus; sed à Constantio (si Ammiano fides) ortus.* Eodem libro x v. *Vrsicino ingresso Consistorium offertur purpura: atque ita ante Principis pedes supplicem statuerunt externorum Regum ritu, cum semper antea ad similitudinem iudicum salutatores Principes legerimus.* Sed & hodie hæc Adoratio in usu: tangendi inquam vestem & ad os admouendi. Quod certis au-

tem

tem & honoratioribus tantum personis sacrae purpuræ tactus permissus fuerit, quasi beneficij loco, vel ratione tituli, præter Ammianum toties hîc citatum, Cassiodorus in Variis satis declarat: Lib. x i. Ep. x x. de Præmicerio: *Quapropter spectabilis honore suffultus inter Tribunos & Notarios venerandam purpuram adoraturus accede.* Iterum Ep. x x x i. de eodem: *Inter domesticos & protectores sacram purpuram adoraturus accedat.*

CAP. XXXI.

Qui Diui fratres in Lampridio. Vopiscus correctus.

Lampridius in Elagabalo: *Lapides qui Diui dicuntur, è proprio templo; Dianæ Laodiceæ simulacrum ex adyto suo, in quo id Orestes posuerat, auferre voluit. Qui sunt hoc loco Diui? An Diui fratres, id est Castores? Argumentum ex Eusebio, qui Domitiani rebus adnotat: Multa opera Romæ facta, in quibus Capitolium, Forum transitorium, Diuorum porticus. Atqui Domitianus inter alia Castorum templum instaurauit, siue additis porticibus ornauit. Martialis lib. i x. Epigr. i v.*

Quid loquar Alceiden; Phœbumque piôsq; Laconas?

Addita quid Latio Flauia templa polo?

Sed animus mihi pendet, ampliùsque deliberandum censeo.

Vopiscus in Probo:

Orbis terrarum non arma fabricabit, non annonam præbebit: vobis habebuntur aratra, equus nascetur ad pacem: nulla erunt bella, nulla captiuitas.

Pro statu pacifico, quem describit, & quia sequitur de equo, non inale, * τὸν ἵππον δουλοῦν, legatur, *bobus habebuntur aratra.* Nam id inter præcipua pacis munera, terram coli, nec aut boues abripi, aut aratra in enses verti.

* pro mea opinione.

CAP. XXXII.

E. J. Frontino pluria vitia sublata.

FRontinum mihi fodes corrige, lib. I v. cap. I I I.

M. Catonem vino eodem, quo remiges, contentum esse traditur. Satis enim liquet id esse alienum occupasse, proque eo mittendum in possessionem verbum egisse. Et cap. v.

Sempronius Tuditanus & C. Octavius Tribunus militum, omnibus fufis ad Cannas, cum circumfederentur, suaserunt commilitonibus, ut stringerent gladios, & per hostium praesidia erumperent secum. de cunctantibus duodecim omnino equitibus vel pedibus qui comitari sustinuerunt repertis, incolumes Canusium perueniunt.

C. Octavius illum Tribunum — *qui sit homo, nescio,*

Neque novi: neque natus, necne is fuerit, id solide scio, quoniam ignotus plane & innominatus aliis est scriptoribus. Hoc igitur dubium me dabat, an non scriptum olim, *Tuditanus è leg. octava Tribunus militum.* Solent enim, ubi plures legiones, ad discrimen numerum addere & designare, in qua quisque Tribunus. Livius, Caesar, & alij. Sed nil demuto, praeter, *Tribuni militum.* Nam de Sempronio liquidò constat. Etiam illa vitiosa, *duodecim omnino eq.* bonoque periculo corrigas è Livio: *DC. omnino equit.* Nam tot numero fuere, qui comites se dederunt animo suo huic Tribuno. Eodem cap. exemplo penultimo:

Aeginenses, cum à Vialotis liberi & coniuges caderentur, praoptauerunt spectare supplicia pignorum suorum, quam à Romanis deficere.

Palmerius ingeniose quidem & acutè cingendat, à *Beotiiis.* Ego tamen praoptem, ab *Aetoliis.* Nam de horum acri & saevo cum Romanis bello libri & historia loquuntur. Sed nec à scripturâ nimium recedimus. Cap. ult.

C. Caesar cum in partibus Pompeianis magna equitum Romanorum esset manus, eaque armorum scientiâ milites conficeret, ora oculisque eorum gladiis peti iussit.

Sermo ille inquinatus: milites armorum scientiâ conficere. Coniicimus ex ipsâ rectè gestâ: sui que armorum scientiâ militis consideret.

CAP. XXXIII.

De Claudiani versibus aliquot, coniectura.
Numeri militares.

Or & cerebrum pænè mihi finditur, quoties apud Claudianum in oratione Romæ lego:

At ego quæ terras humeris pontumque subegi.

Quis enim bambalio sic loquatur? virtute, manu, copiis, quidvis potius dicendum erat. Itaque sine controuersia id humeris:

* ad cornus

* ἐς κόρυμβας, quod aiunt, mitti debet, eiusque vice aliud rei conuenienter assumi. Quid autem potissimè n? Mihi quidem:

* Diuisus

animus huc

animus nunc

voluitur

illuc.

* bonum

sonum ha-

bens.

* διχα θυμὸς ὁρᾷται ἑὸν καὶ ἑνὸν.

Nam armis quidem idoneum sit; at nescio quomodo non satis in rebus, & à scripturâ longulè distitum. Numeris autem, pro cohortibus & copiis militaribus, cum benè aures implet, tum à libro minùs nihilo discedit. Sed vereor, ne quis hoc tanquam inusitatum proscribat, eoquæ Claudianum vsurum fuisse neget. quod tamen facere non sunt veriti cum Vlpianus & Paullus Iurisperitorum coryphæi, tum politissimus ille Secundus. Nam Tertullianum & Optatum Mileuitanum in medium non voco. Quid, quòd hoc verbum circa Claudiani tempora frequentissimo in vsu? Patet ex Sozomeno: Romanorum cohortes, quæ nunc numeri nuncupantur. Itaque caussam non video, cur id tantopere abhorrerit, qui satis liber talium, atque adeò religioni non habuit, absentare, madidantes, podager pro podagrico, & huiusmodi quædam vsurpare. Verumtamen si rectius quis reppererit, dabo manus.

* Nā certi

habeo nos,

huc & illuc

simulamus.

* Ἴσμεν γὰρ ἐδ' ἐν ἑστέ, ἀλλ' ἀλώμεθα.

Apud eundem eodem libro:

Hoc erat in fratres? medio discordia Mauro

Nascitur, & mundus germanaque diffidet aula?

Ita libri vulgati, præter eum qui nouissime Lutetiæ prodit, habentem: Hoc erat? in fratres m. d. M. Vtrique nonne præstet?

Hoc erat in satis? m. d. M. N. & m. g. diffidet aula?

Paullò post:

Restitit

*Resistit in speculis sati, turbaque reductus
 Librauit geminas euentu iudice vires,
 Ad rerum momenta clipeus, seseque daturus
 Victori. Fortuna simul cum morte pendit.*

Postrema hæc non facio tanti. Quæ tamen emendem, consilij
 certi parata gutta non est. Vt tamen deuorem, quod aliquam-
 diu circumrodo, quid si mente pro morte scribamus? Hoc nunc
 placet, ——— *in iis uisus noster deorum quædam.*
 Nec magis ferendum quod subiungitur:

———— *vix hæc amentia nostris*

Excubiis; nedum puero rectore quiescet.

De præteritis enim sermo. quare valeat quiescet, ei que succedat
 quiesset per *οὐκ ἔστιν* pro quiesisset.

... * quam-
 do melius
 reperire
 haud est
 mihi quic-
 quam.

CAP. XXXIV.

*De cultu sacrarum arborum. Longè lateq; diffusam
 hanc superstitionem fuisse, & in Conciliis sæpe dam-
 natam.*

Minum ingenium, magna vis superstitionis: nihil tam in-
 ceptum & absonum fidei, quod non persuadeat; nihil
 tam indignum ac turpe factu,

———— *quod non mortalia pectora cogat.*

Hæc nemora, hæc arbores quasi sacras, imò Deorum sedes, coli
 iussit. Plin. lib. XII. cap. I. *Arbores fuere numinum templa, priscoque
 ritu simplicia rura etiam nunc Deo præcellentem arborem dicant.* Maxi-
 mus Tyrius Ser. XXXVIII. *Κεκοι οὐρανὸν μὲν Διὶ, ἑκάστη δὲ Διὶ Κε-
 κοι καὶ ἑκάστῳ θεῷ. Iovem Cæta colunt, Jovis autem apud eos simulachrum
 alta quercus est.* Liviùs: *Et hæc, inquit, sacrata quercus & quicquid
 Deorum est audiant.* Quintil. lib. X. *Quasi sacras vetustate quercus
 adoramus.* Itaq; vittis & lucernis eas colebant. Prudentius II. con-
 tra Symmachum:

Et quæ fumiferas arbor vittata lucernas

Sustinuit, cadit vlticæ succisa bipenni.

Sed & vota ad eas nuncupare & tabellas appendere solebant.
 Ovidius IX. Metam.

* lucis ætpe

Stabat in his ingens annofo robore quercus
Una nemus: vitta mediam memoréſque tabella
Sertaque cingebant, voti argumenta potentis.*

Isidorus hunc morem tangit, nec intellegit. Lib. xvii. cap. v. r. *Lucus est densitas arborum, tropo per Antiphrasim, eò quòd non luceat, siue à luce, quòd in eo lucebànt funalia vel cerei propter vlmorum tenebras.* Non herclè ob vlmorum tenebras; sed ob cultum. Et hac quoq; fini religiosi viatores ad eas gradum tanquam ad alicuius Dei vel aram vel simulachrum sistebant. Apul. Flor. i. *Neque enim iustius religiosam moram viatori obiecerit aut ara floribus redimita, aut spelunca frondibus inumbata, aut quercus cornibus onerata, aut fagus pellibus coronata, vel etiam colliculus sepimine consecratus, vel truncus dolamine effigiat, vel cespes libamine humigatus, vel lapis vngvine delibutus.* Quemadmodum autem exuias ferarum, sic hostium etiam spolia sæpè hîc deponebant. Liuius i. *Ibi ea (spolia) cùm ad quercum pastoribus sacram deposuisset.* Lucanus i.

Qualis frugifero quercus sublimis in agro,

Exuias veteris populi sacrataque gestans

Donâ ducum.

De anathematis præterea legimus contra fascinum appensis, & pro fructuum prouentu: apud Suidam in *megar. archia.* Ad summam, tanta diuinitas inesse credebatur, vt eas lædere ac violare extremum nefas ac piaculum haberetur. Exempli compendifacio, quibus opera Poëtarum plena sunt. Porro autem latissimè vagata est hæc superstitio, nullamque ferè gentem intactam & intemeratam reliquit. De lucis Baali apud Samaritas & alios quàm frequens factis in libris mentio? De Græcis Italique mitto dicere, ne vel eadem iterare, vel vulgaria & petuagat nimis adferre necesse sit. De Indis Curt. lib. vii. *Deos putant quicquid colere cæperunt, arbores maxime, quas violare capitale est.* De Gallis Maximus Tyrius sermone suprâ allegato. Lucanus de luco Massiliensium lib. i. i. etiam victimas iis cæſas docet:

Omniſque humanis lustrat æruoribus arbor.

De Germanis Tacitus: *Lucos ac nemora consecrant, Deorumque nominibus appellant.* Idem de Sueuis: *Statò tempore in siluam auguriis patrum & prisca formidine sacram omnes eiusdem sanguinis populi legationibus cœiunt.* Et xx. Ann. Ciuilem Batauos sacrum in ne-

mus

mus conuocasse tradit. Chronicon Vrspergenſe de Saxonibus: *Frondofis arboribus, fontibus exhibebant venerationem.* Althamerus vult Hercyniam ſiluam ab Hercule, Martianum nemus, vulgò nigram Siluam, à Marte nomen habere: & alius, Trebocōs ſiue Triboces populū, quaſi Treybuchios, à tribus ſagis antiquā religione ſactis. Adeò verò penitus hæc perſuaſio ſe fixerat, vt ſæpiùs à ſanctiſſimis viris & Synodis damnata vix euelli ſtirpitus ex animis hominum potuerit, & ad poſtrema pænè tempora peruenerit. Contra eam D. Auguſtinus De tempore Serm. CCL I. *Quicumque in agro ſuo aut villā aut iuxta villam aliquas arbores aut aras vel qualibet ſana habuerit, vbi miſeri homines ſolent aliqua vota reddere, ſi non eas deſtruxerit vel ſucciderit, in illis ſacrilegius, quæ ibi facta fuerint, ſine dubio particeps erit.* Et Concil. Carthag. v. can. xv. *Placuit ab Impp. glorioſiſſimis peti, vt reliquie (gentilium) non ſolum in ſimulachris, ſed in quibuſcumque locis vel lucis vel arboribus omnino deleantur.* Arelatenſe II. *Si in alicuius preſbyterio infideles aut ſaculas accenderint, aut arbores aut fontes vel ſaxa venerentur, ſi hæc eruere neglexerit, ſacrilegiū ſe reum eſſe cognoſcat. Sacrinas arbotes eas vocat Concil. Antiſiod. can. II. Non licet inter ſentes aut arbores ſacrinas vel ad fontes vota exſoluere:*

CAP. XXXV.

Frontinus De Aquaduct. duobus locis correctus.

DE libellis Aquæductuum non ſine cauſâ dubitari poteſt, an eiufdem ſint Frontini, qui Strategetatum collegit. Prior enim & emendatior in illis videtur ſermo. Vitia tamen, vt fit, ac menda quædam irreperunt, quale eſt hoc lib. I.

Martia autem parte ſui, poſt hortos Pallantianos, in riuiū qui vocatur Herculanæus, deicit ſe per Cælum. Ductus ipſius montis vſibus nihil vt inferior ſubminiſtrans, initur ſupra portam Capenam.

Si enim ductus ille per montem Cælum, quomodo eo inferior? Corrigo: *Ductus ipſius montis vſibus nihil, ac inferioribus miniſtrans, finitur ſupra portam Capenam.* Sententia eſt: Aqua Martia etſi per Cælum ducta, tamen colli illi non ſeruit, ſed tota & illibata fertur ad loca ſubiecta.

Libro secundo:

Nam cum oriatur Anio supra Trebam angustā (scribo Augustam: estq; Treba opidum Latij Plinio & Ptolomæo notum) seu quia per saxosos montes decurrit, paucis circa ipsum opidis obiacentibus cultis, seu quia lacus altitudine velut depuratur, &c.

Legerim: circa ipsum opidum obiacentibus cultis. Pauci, inquit, agri culti aut vomere scissi adiacent opidum Trebam: ideoque purior illic Anio, quoniam luti nihil trahit, aut radit è cultis ripis. Hæc enim causâ est, cur infra Anio sit turbidior, quod (verba eius sunt è lib. i.) *terras cultas circum se habeas, soli pinguis, & inde ripas solutiores.* Vel possit etiam legi, *paucis circa ipsum opidū.* id est, opidò paucis, Comicâ phrasî.

CAP. XXXVI.

De pueris ac puellis alimentariis.

MOrem hunc, etsi satis memorabilem, vix est vt putem à quoquam antehac libatum. Et ideo pro bono me facturum existimo, si caput hoc ei dicaero. Fuerunt pueri puellæque tenuiores, eisque cum alendis tum erudiendis annui redditus, vel ex ætario fiscove, vel è priuatorum donis & legatis: idque partim misericordiæ causâ, partim in honorem & cultum Augustorum Augustarumve; sed cum sexus discrimine, & vt illorum nomen pueri, harum puellæ referrent. Quæ diximus, subiectorum aspectu locorum patebunt. Et primò quidem de pueris Martianus ad leg. Falc. *Diui Senerus & Antoninus rescripserunt, pecuniam relictam ad alimenta puerorum Falcidie subiectam esse: & vt idoneis nominibus collocetur pecunia, ad curam suam reuocaturum Præsidentem prouincie.* Et iterum lib. i. De legatis: *Si quid relictum sit ciuitatibus, omne valet: siue in distributionem relinquatur, siue in opus, siue in alimenta, vel in eruditionem puerorum, siue quid aliud.* Sed & lapis antiquus:

*

DIVO
ANTONINO
AVG. PIO
ALIMENTARI

De

De puellis autem Iul. Capitolinus, in Antonino Pio: *Puellas alimentarias in honorem Faustinae Faustinianas constituit. In M. Antonino Philosopho: Novas puellas Faustinianas instituit in honorem uxoris mortuae.* Et de his vetus exstat numus, quem videre fuit in Musæo viri nobilis & tertium Antuérpiæ iam Consulis Nicolai Rokoxl; tum etiam omnibus hoc loci videndum dare. Est enim vir ille, si quis alius, in commune bonus, publicorumque commodorum, quâ publicè, quâ priuatim, admodum studiosus: ac proinde & rei antiquariæ & omnis elegantiae thesauros, quos habet amplissimos, tam liberaliter omnibus recludit, ut quæ optimo iure sunt ipsius, ea publici iuris esse videantur. Huius igitur beneficio prodiit in lucem hic numus, ad Capitolini loca nimis quàm accomodatùs, & ex quo supplere simul & emendare possis eum, cuius epigraphen tum mancā tum vitiosā Adolfus Occo publicauit.



Sed hæcenus de pueris puellisve seorsim; videamus qui coniungant. Facit Paulus I^{us} libro iam allegato de Legatis, qui locus insignis, & eā re totus hîc à me transcribendus: *Ciuitatibus, inquit, legari potest etiam quod ad honorem ornatumque ciuitatis pertinet. Ad ornatum: puta quod ad instruendum forum, theatrum, stadium, legatum fuerit. Ad honorem: puta quod ad munus edendum, venationemve, ludos scenicos, ludos Circenses, relictum fuerit. hoc amplius, quod in alimenta: etatis puta infirmæ (senioribus, vel pueris, puellisq;) relictum fuerit; ad honorem ciuitatis pertinere respondetur.* Faciunt quoq; Spartianus & Capitolinus. ille in Hadriano: *Pueris ac puellis, quibus etiam Traianus alimenta detulerat, incrementum liberalitatis adiecit.* hic in Alexandro Seuero: *Puellas & pueros, quemadmodum Antoninus Faustinianus instituerat, Mammeanas & Mammeanos instituit.* Adhæc lapides antiqui, Traiani vnus, alter Antonini Pij:

IMP. NERVAE. TRAIAN. AVG	T. AELI. HADRIANI
GERM. P. MAX. TRIB	ANTONINI. AVG
POTEST. COS. IIII. P.P.	PIL. PONT. MAX
NOMINE. PVERORVM	TRIB. POT. XIII
PVELLARVM QVE	IMP. II. COS. IIII. PP.
VLPIANORVM	FILIO
EX. S. C. P.	PVERI. ET. PVELLAE
	ALIMENTARI

Tertius elegantissimi doctissimique Secundi nostri, quem honoris eius causâ L. M. describo.

C. PLINIUS. L. F. OVF. CÆCILIVS
 AVGV. LEGAT. PROC. PR. PROVINCIAE. PONT
 CONSVLARI. POTEST. IN. EAM. PROVINCIAM. ET
 IMP. CÆS. NERVA. TRAIANO. AVG. GERMAN
 CVRATOR. ALVEI. TIBERIS. ET. RIPARVM. ET
 PRÆF. ÆRARI. SATVRNI. PRÆF. ÆRARI. MIL
 QVÆST. IMP. SEVIR. EQVITVM.
 TRIB. MILIT. LEG. III. GALLICÆ.
 X. VIR. STLITIB. IVDICANDIS. THER.
 ADIECTIS. IN. ORNATVM. H. S. CCC.
 AMPLIVS IN TVTELA. H. S. CC. T. F. I.
 ET. LIBERTORVM. SVORVM. NOMIN. H. S. XVII. LXVI. DCLVI. REI
 INCREMENT. POSTEA. AD. EPVLVM. PLEB. VRBAN. VOLVIT. PERTIN
 AMPLIVS. DEDIT. IN. ALIMENT. PVEROR. ET. PVELLAR. PLEB. VRB. HS...
 IN. TVTELAM. BIBLIOTHECÆ. H. S. C.

Nec omittendum quod ipse Plinius Ep. IIX. lib. I. *annuos sumptus in alimenta ingenuorum* pollicetur, & educationis eorum munus commendat, vtilissimūq; appellat. quod quidem non absimile orphanotrophorum muneri videtur, cuius in Codice Iustiniano Constitutionibꝯque Principum aliquoties mentio. Adhæc in lapidibus reperire est hæc talia :

QVAEST. ALIMENT.

Q. ARC. PVBL. ET. PEC. ALIMENTAR.

QVAE. AER. ET. ALIM.

CVRATOR REIP. ALIMENT.

Verum an hæc ad frumentariam modò distributionem pertinuerint, an & simul nostram hanc rem alimentariam respexerint, in medio relinquam. Sed nec plura concenturiabo, ne fortè puti-

putidum & αἰμιφοπῆ in e quisquam esse clamet. Vnum Dionis locum appingo, quo Traianum ita liberalitatem suam diffuisse constat, ὥς καὶ τὰ πάλαι καὶ ἐκ τῆς Ἰταλίας πολλὰ χειρίσας, ut etiam opidis Italia multa, ad puerorū alimenta, contulerit. * Verborū immodicū.

CAP. XXXVII.

In Claudiano diuinationes. Dissensus à viro docto.

IN Claudiano, de bello Getico :

Vulneribus pars nulla vacat, incisaque cuncti

Gloria sedati splendet iactantior oris.

Stephanus Clauerius iuris & humanitatis consultus qui Commentario Poëtam hunc illustrauit, hos versus ita vulgauit. Rectè prout quo pacto passim : *recisaque cunctis*. Tò *cunctis* enim certè est τὰς ἐλπίδων & nulli rei, cum de vno mentio fiat. Quia tamen omnes ferè libri sic habent, orta mihi suspicio, adulterinum & ὑποβλήσας esse pro *contis*, id est lanceis aut hastis, quibus illæ gentes usæ, & vnde κοινὸς τοῦ διῆκτου Iul. Pollux lib. i. Onomast. Examina Lector, & omnes in vtraque parte calculos pone. Εἰρήσας δὲ πῶτος. * reiciendū.

Lib. i i. in Eutropium:

Subter aduantes tituli nimixque leguntur

Vel maribus laudes : claro quòd nobilis ortu;

Cum viuunt domini ? quòd maxima praelia solus

Impleat ; hoc patitur miles ? quòd tertius vrbis

Conditor ; hoc Byzæ Constantinusque videbunt ?

Ita locum hunc, si quis alius, corruptissimum R. P. Mart. Antonius Delrius egregiè iam olim emendauit. A quo tamen abit Clauerius, & in tertio versu edit, *Conuina ex Domini*; in sequenti, *ex pariter miles*. Quid hoc aliud, quàm inuentis frugibus ad glandes redire ? * Iacta verò sit alia.

— * ἢ μάλα τὸ τοῦ ἑπὶ τοῦ ἐπιμετῆς ἔστι

vir ille in omni doctrinæ genere eminentissimus, probamq; planè scripturam in integrum restituit. Cum autem in eius explanatione Clauerius per Dominos ipso designari dicit Imperatores, * Verò equidem nimis est ea verba sequens

Non enim illi omnium Domini, sed Eutropij tantum, à quibus fastiditus & venum datus fuerat, intelligi debent, hac sen- * Sermone hoc alii meliorem promerit haurit.

M

tentiâ:

tentiâ: nihil ineptius esse vel intolerabilius, quàm quòd ille genus & longos iactet natales, cuius adhuc domini sint superstiti-
 tes, sub quibus seruitutem eum seruasse constet. * Τούτου ἐμὴν φεβ-
 ούμεθα, & audeo dicere, omnium, qui animum aduertunt. At
 secundo loco, quòd minùs ab impressâ librorum orbitâ rece-
 damus, exarari possit, & patitur miles.

De 1 v. Consulatu Honorij:

*Quæ sub te vel causa grauis, vel iudicis error?
 Nec legitur dubiis quis litibus addere finem
 Justior, & mersum latebris educere verum.*

Ita libri excusi; sed melioris notæ MS. in Bibliothecâ Vaticanâ:

*Quæ sub te vel causa grauis, vel iudicis error
 Neglegitur? dubiis quis litibus addere finem
 Justior, & mersum latebris educere verum?*

Vtrum concinnius, palam esse puto. De nuptiis Honorij & Mariæ: ——— blando spirantem numine ceston

*Cingitur, impulsos pluuuis quo mitigat amnes,
 Quo mare, quo ventos irataque flumina soluit.*

Cui non suspecta hæc ταυτολογία? an aliud amnis à flumine?
 Puto submina non flumina γήσιον auctoris esse, idque, ciecito sub-
 dititio, suam in sedem reducendum. Sic apud alios, iracunda sub-
 mina: fulminis ira. Sed horum talium iam sat est; imò vereor,
 ne nimis multum.

* Οὐ γάρ πως πάντας χαλεχόμενος τὰδ' αἰέδω.

Nec ad omnium hæc palatum: & ut maximè sint, cauendum
 tamen, * μὴ ποδὲς ἰδθὼν κρίσῃ, ut ait Pindarus. Nam quod verissi-
 mè Poëta princeps;

* Πάντων μὲν κόρος ἐστὶ καὶ ὕπνου καὶ φιλόποτος.

Μολπῆς τε γλυκερῆς καὶ αἰμύματος ὀρχητμοῖο.

& breuiter idem Lyricus, * Κόρον δ' ἔχει καὶ μέλι.

* Talis meus
 sensus.

* Foris ete-
 nim cunctis
 non est mea
 cantio graua.
 * ne facietas
 adueniens
 graui ac
 molesta sit.
 * Cunctis
 satias rerum
 est, somni Ve-
 neris. Et
 canis pra-
 dulcis &
 egregij sal-
 tatus.
 * Satiatatem
 & mei ha-
 bet.

ERRATA.

pag. 2. lin. 14. lege ὕπν. pag. 7. l. 2. χαλεχόμενος. ibid. συλλαβήτα-
 pag. 35. in marg. supposititium. pag. 68. lin. 13. Glanim.



PHILIPPI RVBENI
A D
IVSTVM LIPSIVM
POEMATIA.

GVILIELMO RICHARDOTO
 IOAN. RICHARD. PRAES.
 FILIO
 ACADEMIÆ DVACENÆ
 CANCELLARIO.



Audes IVSTI LIPSI, cuius
 memoria mihi sacrosancta,
 quò potius eant, quàm ad te,
 GVIL RICHARDE, quem
 vnum omnium libentissimè
 lecturum existimo: Persua-
 det hoc eximius ille tuus erga *τὸν μακαρίτην*
 amor, ac debitus ille quidem cùm meritis eius
 & virtuti, tum affectui, quo te prosequeba-
 tur, pænè singulari. Talem certè fuisse iuxta
 mecum tenent omnes, quos in eodem illo
 contubernio Felicitas intimè iunxit; &
 etiamnum probè meminerunt, quanti te
 semper fecerit vir ille omnium calculo ma-
 ximus, quotiesque & quàm pleno ore re-
 ctam indolem, suauissimos & optimos mo-
 res, ac mirificum in te studium virtutis &
 litterarum commendarit. Sed quid opus in
 his priuatam conscientiae fidem interponere,
 M 3 quæ

quæ tot litteris ac publicis testata monimentis patent? Ad tuam in me beniuolentiam venio, quæ spem mihi facit, quemadmodum amanti res etiam minimæ, quæ ab amatâ proficiscuntur, in amore & deliciis, ita meum hoc qualecumque munusculum aliquo penes te loco fore, communisq; potius amicitia, quàm sui pretij æstimatione ponderandum. Sed neque longior hac in parte ero, pluribûsve, quid causâ meâ vel volueris vel feceris, enarrabo. *Satis magnum alter alteri theatrum sumus.* Rogabo tantum, spem hanc vti meam ratam facias; ac si verba rem, quod facile video, non exæquant, id non solum infantia meâ, sed & amplitudini viri adscribas, cuius hæc præcipua laus, *dignè laudari non posse.* Qui vel parua vel mediocria aggreditur, nisi fauet Euentus, reprehensionem facile incurrit;

— *in magnis vel voluisse sat est,*

& conatus etiam in laude. Et si ne conabar ego quidem, neque tam longè spem meam porrigebam. Non enim ipse me prorsus ignoro, nec ex eâ sum litteratorum notâ, qui simul ac versum pedibus instruxerunt, in Heliconem continuò se venisse putant. Quod damus officium est, & omitti sine culpâ non potest. Iusta DOCTORI nostro
solui-

soluimus, ac dolori, quem ex eius obitu cepimus, multò grauiſſimo, poſtque tam longam intercapedinem etiamnum recenti, piè parentamus. Sed & ſoluimus quod debemus: ſi quidem ille ſoluit, qui cùm ſoluendo non eſt, memorem atque gratum animum præſtat, ac nomen publicè profitetur. Quid, quòd ipſe LIPSIVS, huius conſilij olim fundus & ſubſcriptor? Notum id tibi, GVIL. RICHARDOFE; & vt aliis item ſit, ecce Epistolam eius teſtem. Cur autem ELECTIS hæc adiicio? Partim quòd Ampliſſimo PARENTI dignus eo FILIVS aptiſſimè ſubiungi videatur, partim faſtidij, quod illa Lectori fortean attulerint, leuandi & abſtergendi. ad morem videlicet ſcenicorum, qui reſcendis auditorum animis aliud argumenti in exodio plerumque præmunt & aſſumunt. Si fallor, &, quod aiunt, * κακὸν τὸ κακὸν ἰσμεν, ^{malum male curas.} voluntatem tamen ſtadiumque gratificandi non ingratum fore confido. Benè vale, & viuē.

IVSTVS

Guil. Richardoto & Phil. Rubenio suis.

A Bitis, imò abistis, & Vale illud, etsi mœstis, dicendum tamen fuit. O quando iterùm Salue? Eritne vt videam, & viuam? Vouco:

*Et non antè mihi claudantur lumina morte,
quàm ego vos brachiis istis claudam & astringam.*

*Quorum ego manantes oculos & faucia vidi
Pectora:*

nec meis quidem illis siccis, aut hoc illæso. Sed ite & redite felices, Italiam videte, ingenium polite, iudicium formate. Nam ego, cum Attio

Probius probatos potiùs quàm multis velim.

Nostis æuum, vanitatem, luxum, delicias, ineptias:

—— non ita Romuli

Prescriptum ex insonsi Catonis:

** Im discessu* neque hercules meum, vt tot annos audistis. Sed heus, tu Rubeni, nubem illam doloris circumfusam Carinen tuum ** δοκασσήμενον* nonnihil dispulit, ô dij boni, bonum. Palpo non te percutio, sed cum Syracusio,

** Os plenius
ou mellius
habes.*

** Πληρες τος μελις το καλον εσμα.*

ô os Grauiarum & Musarum! Vulgari potest, siue à te siue à me, sed vulgari. Visne vt ego per Moretum? promptius fecero, nisi sint laudes meæ, & quidem superfluentes. Sed vale, mi amice,

** quem super
omnes
dilige amicos
Vt caput
hoc
meum.*

—— ** το εγω εδελ' παντα των ιταλων*

Ισον εμεν καραλη:

& caput hoc ipsum tango. Louanij xv. Kal. Oct. ∞. 1561.

PHILIPPI RVBENI

CARMEN

Apobaterion & Eucharisticum

A D

IVSTVM LIPSIVM

Doctorem & hospitem suum.



*Rgône sollicitos vacuum per inane precatas
Ventorum volucres animæ, scævæ potestas
Cæca Genl rapuit, nec cali ad lucida templa
Fervida se fausta penetrarunt alite vota?
Ergo igitur Divum sunt pulvinaria frustra*

*Culta mihi, cunctasque petitâ ritè per aras
Pace Deum multâ genua incerata tabellâ?
Hæc sortis promissa, hæc coniectoris apellæ
Responsa, & cælo, Phœnicum more, sereno
Conscia secreti scrutantis sidera fati?
Hoc volucrum cantus, hoc præpetis omina penna,
A leuâ cornix, dextrâ Phœbeius oscen,
Multaque præterea, quibus immoderata cupido
Prona adhibere fidem, signorum leta notabant?
Heu spem fallacem! heu vanos simulantia visus
Ludibria, in mentes hominum quos nocte soporâ
Limina candenti mittunt perfectâ elephanto!*

N

Non

Non adeò nupèr toto spem corde sinuque,
Ceu minimè dubiam, ceu calisus affulgentem,
Amplexus, curaque ànimum defixus in vna,
Italiam mea vota, tuis sed MAXIME LIPSI
(Ab frustra!) auspiciis ac ductu panè videbar
Jam premere, & septemgemma miracula Romæ
Per nebulam, quæ sàs, mihi cognita, cominus ipsis
Jam lustrare oculis, cupidoque morantia longum
Sapè representans animi mens gaudia (quid non
Illa potis, quas non species ingignere rerum?)
Vel sacro fixum lateri, vel ponè sequentem,
Usque individuum fantis fingeat ab ore
Pendèrè, atque avidis haurire tot aurea dicta
Auribus, & largo deductos flumine riuos.
Nunc multùm diuersa soli calique docebas
Ingenia; vt mutantur & hæc labentibus annis,
Quæque olim tellus culturam dura negabat,
Quæ neque Pomona neque Bacchi munera norat,
Jam facilis domino, nec in vllò tempore mendax
Largiter & Bacchi & Pomona munera fundat;
Fluminaque Arctoi quæ victa furoribus axis
Sapiùs iniectâ ceu compede torpescabant,
Non interrupto labantur libera cursu:
Nunc, quibus hic vastus distinguitur vrbibus orbis,
Haut secùs ac paruis in grandi corpore nautis:
Quæ quibus emineant inprimis opida rebus,
Quæ populus legum, quæ sit variantia morum,
Quæ rerum regniqûe vices, vt in omnibus ortus
Occasusque, suis vt quæque obnoxia satis:
Nunc decora Italia veteris, sub flore virorum:
Hic villam & magno prætoria culta colono:

Hic exspiratum caua per tectoria sulphur;
 Nec procul inde lacus ac frigida piscinarum
 Balnea, & illustres busta asseruantia manes:
 At fragmenta alibi cuneata ingentia molis,
 Deque triumphatis eduētos gentibus arcus:
 Quā lapsantem aram, quā crebrā fulta columnd
 Tecta Deūm: grandes dehinc mirandasque ruinas,
 Ac fortunatam testantia rudera Romam.
 Hæc in delitiis & amoribus: illa voluptas
 Titillare animum, seu calum Phosphoros albis
 Seu furuis Nocturnus equis alterna subirent.
 His dapibus pascēbam oculos, hæc matrya tamquam
 De Superiū missas inhiabam sigmate partes,
 Cum velut hospitij ius & genialia sacra
 Aut fidi numen violassem Sigalionis,
 Ipsis à labris tam dulcia scitamenta
 Fugere, & medio flos Bacchi emanuit ore.
 Jam cælum sublimis & aurea sidera adibam
 (Sæpè iterare iuuat, iuuat indulgere dolori)
 Cum velut ille olim facinus puer ausus inausum
 Remigio liquida defectus in aëre penna,
 Aut Hyperionius vibrati fulminis ictu
 Excussus patriæ Phaëton temone quadrigæ,
 Votorum summo de vertice precipitauit:
 Cum soli carpenda via est (quæ Diūque Deaque
 Hæc Tropica?) illuna ceu per caliginis vmbra,
 Quod duce deiectus tali, qui nocte vel atrā
 Lumen, qui mihi turba fuit per sola locorum.
 Usqueadeone igitur miseris mortalibus agrè
 Proueniunt votina? adeo sors altera passim
 Obuia? candidior tam rarè calculus exit?

I nunc, & vultu Fortuna crede sereno.
 Nimbos ille parat nimius nitor, illa procellas
 Senuas illa hiemes pellacia blanda minatur.
 Sed quid agis, quò me laxis spatiatius habenis
 Prouehis affectus? Summi Prætoris in albo
 Sic erat, & solido, cui fata insculpta, metallo.
 Quod statuit, nos velle decet, calique negata
 Decreto vanâ non suspirare querellâ.
 Quin, quod & officiû ratio nunc postulat, & mos,
 Triste vale potiùs facio? quin dicere grates
 Accingor tibi SVMME VIRVM? nam reddere dignas,
 Et grande hoc tecum pariendo expungere nomen,
 Tam pote, flammigera quàm more volucris, in ora
 Intonsi radiata Dei, cùm plenius orbem
 Peruolgat, cùm iam medio aurigatur Olympo,
 Inconiuam aciem & rectam fixisse obtutum:
 Quàm velut aëriam referentia pennipotentum
 Corpora naturam, superam volitare per æthram;
 Errare aut instar animantium Nerinorum
 Molem per liquidam & spatiosi terga profundî.
 Quid tibi, si tabulas inspexis, debeo, quid non
 Debeo? tu modicâ inuectum freta caca carinâ,
 Non ad Erythraeo latitantem gurgite prædam,
 Aut spolia illa noua noua Colchidos, aut Eoî
 Messesque mercêsque soli, sed ad optima rerum,
 Ad pretiosum animi censum cultumque parandum,
 Dirigis, vt speculâ nocturnum lumen ab altâ,
 Ardentesque astrorum ignes, quibus arboris vnctâ
 Nauita per tumidum moderatur Nerea gressus.
 Tu tamquam ignotâ passim regione vaganti
 Sponte tuâ certam monstras rectamque viarum.

*Quæ sacros patet ad latices & Musica labra,
 Ac breuiore isthinc quasi tramite ducit ad illa
 Edita doctrinæ sapientum templa serenâ.
 Ad summam, angustò describam vt pluria gyro,
 Tu satus læpetò, tu Maie filius almæ,
 Tu bonus ille mihi Genius, qui noxia missus
 Munera Pandora cumulo pensare bonorum,
 Nectareum rectæ mentis cratera propinat.
 Quid sanctum patuisse domus, quid in ipsa receptum
 Testa loquar? quæ Musæo communia cætu
 Musarum antistes colis, & mediocria quamuis,
 Maiestate tui supra omnia culmina, supra
 Cæsarea ambitiosa altè fastigia tollis:
 Testa, mihi præ quæis tua vileat incluta Zeno
 Porticus, ac tantum complexa Academia nomen,
 Aut clarum variæ doctrinæ laude Lycæum,
 Cuncta togatorum facunda aut atria patrum.
 Nec dispar nostræ reliquæ sententia turba.
 Quamuis ante alias tibi dedita factio plaudit,
 Cui propius spectasse datum; tamen insimul omnis
 Hic caueæ fauor, hæc plenis vox vna theatris.
 Inuidiæ victor ferrugineique veneni
 Omnibus es, L I P S I, mirabilis: omnia iunctim
 Puncta caput docti te constituere senatus.
 Quin tua te veterum panè obstruxisse triumphas
 Ætas luminibus: quin tanto Belgica alumno
 Turritum cælo caput infert, iamque vetusta
 Helladis Italiæque excelsos æquat honores.
 Quid mirum? vt vario diuersa per ostia lapsi
 Se gremio latæ confundunt Tethyos amnes,
 Uida maternis libantes oscula Nymphis:*

Sic tibi (mira fides) cunctorum mista bonorum
 Copia, sic largus mentem confluxus inundat;
 Quæque alios hominum vix singula disque parata
 Condecorauerunt, in te stipata relucet.
 Omnia solus habes: labris Dea Dadala Peitho
 Insidet, atque suos instillat mellea succos.
 Doctrina & virtus pariter (pro pulcra synoris!)
 Illa augusta tui sacraria pectoris ædem
 Delegere sibi: quoquod vestigia flectis,
 Quicquid agis, certo sequitur pede dia Minerva,
 Nec secus in quouis felicem dirigit æstu,
 Nestora quam Pylum, Laertiademque herœa.
 Illa etiam à primis vagitibus amplexata est,
 Afferuitque suum: mox omni sedula curâ
 Commisit Phæbo & Phæbi formare puellis.
 Hinc de Pieriâ facias seu verba cathedrâ,
 Quouis cumque animos Alcides Gallice ducis:
 Siue premas calamus, calamo felicius illo,
 Quem donum Cephalo dederat Latonia virgo,
 Quidlibet assequeris; quidquid venare, poteris.
 Hinc, ut Amalthea Nympharum munere cornu
 Fugiter & pomis & odoro flore repletum,
 Omnigenas tu mentis opes semperque vigentis
 Ingenij fatus auctumno perpete fundis,
 Qui sacris prosint post omnibus, & longæva
 Non metuant umquam cariem tabemque senectæ.
 Quid stabilis vitæ ratio, nec discolor ullâ
 Parte, nec in vario variantes tempore mores?
 Sed placidi semper, faciles duræque remoti
 Tetricitate; quibus tantum non prodigus, omni
 Te vulgas populo, tua passim æraria pandis.

Quid

Quid Decor, & suavi quæ cuncta lepore venustat
 Componitque pari Gravitatis Gratia librâ?
 Nempe palam studuit Natura ostendere in vno,
 Quem voluit cunctis cumulatum excellere rebus,
 Unde satum mortale genus, quo semine oriundum,
 Quoque tenuis prodire queat, quæque ultima creta.
 Sed quid tam vastum laudum inconsultus in æquor
 Labor, & obsequio tenuis te ludo Camenæ?
 Non sunt apta meæ tam grandia vela carinæ;
 Nec verò alterius, totam licet ille Aganippen
 Hauserit, inque iugis Parnassi exegerit ævum.
 Non magè Vlyssæum cuiusquam viribus arcum
 Quàm domini curvare fuit, nec Pelian vllis,
 Præter Achilleos, prout vibrare lacertis;
 Quàm tua fas alijs consummatissima verbis
 Ornamenta sequi. condignè te tua tantum
 Musa canat; cuius completi angustia mentis
 Haut valet, effari nec linguae possit egestas.
 Ten' igitur numero nos allegisse tuorum,
 Dignatum mensæ secreto? mène beatum
 Hoc apice & tanti mactatum culmine honoris!
 Qui mihi communis cum paucis, qui mihi fasces,
 Qui toga cum sellâ rutilans prætexta curuli.
 En quibus astringar vincloꝝ nexibus: en queis
 Undique circunder nodis, quos nec ducis anceps
 Æmathij ferrum, nec vis Vulcania soluat.
 Verùm, age, caelestem qui duxit largius ignem,
 Caelestes imitatus opertos inspicere sensus,
 Inspice, quæque agimus penito tibi pectore grates,
 Ponderibus perpende suis, & prompta probetur
 Ac veterem iuxta morem deuota voluntas.

Net

Nec porro vulgata fiet mihi fabula fraudi,
 Fabula fuscæ culpæ sublata animarum,
 Hac modo grata tæneæ benefacta existere, citra
 Dum spem soluendi consistunt; longius autem
 Progressa in tæneæ euania spargier auras.
 Dum uiuo & video, dum copula coniugiumque
 Corporis atque anima diuort; lignara vigeant,
 Nulla erit hac nobis aut cura aut cautio maior,
 (Per lapidem deiuro Iouem, per numina Phœbi
 Et quarum cluet hic præses præstèsque sororum)
 Quàm ne sancta tui reuerentia claudicet hilum,
 Quàm tua ne minimo violetur gratia nauo.
 Sin mala me tantum manus, & cui (pro pudor!) ingens
 Hoc mundi Chaos atque ipse est obnoxius æther,
 Ipsa suos etiam submittit Delia fasces,
 Æmonia pestis (quod abominor) insatuaret,
 Extremoque meam turparet crimine vitam:
 Te Dea, te vindex scelerum Rhamnusia testor,
 Infaustamque Aten, damnatorumque ministras
 Immites operum Eumenides, cuiuscumque daturum
 Ultrò me noxæ generi, quæcumque volentem
 Supplicia hausurum; Siculi tunc ara iuuenti,
 Tunc formidatos tunica flagrantis amictus
 Nullus defugiam: tum dirum Ixionis axem,
 Augentemque famem dapibus, secundaque pœnis
 Viscera, cum vestris deponcam Belides urnis.
 Sed meliora Di, sed ter monstra illa nefasque
 Despuo: quæ fieri tum demum posse putabo,
 Eternâ cum lege Dei cumque ordine verso
 Natura, tellus calo diffusor, astra
 Inferiora globo terræ, cum flumina retro

In caput alta suum salvis à fluctibus ibunt.
 Quòd si non prorsus similem popularibus vsti
 Memnonis, Eoique colentibus vltima mundi,
 (Quæis atro noctis sunt ora imbuta colore,
 Lucida cum primi nascentis tela diei
 Excipiant, primi radiatum insigne saluent)
 Et claro iubare & radiorum luce propinquâ
 Nonnihil ille meus me Cynthius illustravit:
 Ac velut hoc solum regio suprema calefcit
 Aëris, ætheriæ quòd sit contermina flamma,
 Fors itidem sacer hanc glaciem tepescerit ardor,
 Vicinûsque leuem stricturnam diderit ignis:
 Si non hoc animi, quod lumine conferis, aruum
 Depositum faller, siquid letamine longi
 Percoctum studij, commontandique subactum
 Vomere, venturis frugum profuderit annis
 (Si modò venturos Lachesis mihi neuerit annos)
 Quantulacumque tuis rationibus illaturus
 Semper ero, LIPSI: septem quodque ille Sophorum
 De numero petiit Milesius hostimentum,
 Tu mihi tu solus memorabere fundus & auctor.
 Te, te prælatus cunctis mortalibus vnum
 (Sic dextrum mihi numen, & hac ad cæpta secundum)
 Eximio quodam cultu venerabimur; vni
 Calicolum vt Regi fortissimus Æacidarum,
 Certo cratere & proprio libabimus auro.

IN EIVSDEM NATALEM.

CAssalios quisquis fontes & Musica labra
 Accessit, liquidoque rigavit nectare mentem,

O

Cecropie

Cecropia pia turba Deæ, cui dedita mens est
 In Sophia studiis, & pura in corde voluptas;
 Eia, agedum, niuco iam quisque insignis amictu,
 Incinctusque comas edera & Parnasside lauro,
 Latitiæ vultum mihi sumite, sumite cultum.
 Tempia Deum reperate, coronatasque recenti
 Flore aras nubes Panchæi turis inumbret.
 Lux agitur, verè quam signet candida Eoi
 Bacca maris, festis & sacris lucibus addant;
 Lux bona, LIPSIADEN cui doctior imputat orbis;
 Lux magna, humanis quæ sese obtutibus ipsi
 Vulgauere Dij. Summo nam venit Olympo,
 Et dignata suo terras est corpore sancto,
 Casta puerperiis quæ præsidet Ilithyia,
 Ut maturatis prodiret nixibus infans.
 Ipsa videbatur cari præuerrere patris
 Officium, manibusque suis de matre rubentem
 Tollere & altrici protendere dia Leuana.
 Innuba quinetiam Pallas, doctique Heliconis
 Numina se pueri voluerunt sistere cunis,
 Atque haurire oculis, qui mox suus esset alumnus,
 Et famâ reliquis sic antistaret alumnis,
 Ut matutinos præstinguit Lucifer ignes.
 Si qua fides, ternas huc se penetrasse sorores
 Narrant, atque aliis subtemen nentibus aureum,
 Præmonuisse unam diuino carmine Clotho,
 Qui vagitantis splendor, quàm clara futura
 Fama foret, quantumque olim voluentibus annis
 Musarum studiis portenderet incrementum.
 Hic puer, illa insit, hic erit velut ætherius Sol
 Desubito exortus, qui peplum soluet opaca

Noctis,

Noctis, & in clarâ mortales luce locabit.
 Per quem, sopita fuerant quæ turpiter artes,
 Pulchrius exsurgent, Augusteique resument
 Maiestatem cui: per quem squallore remoto,
 Absterfoque situ, scriptorum sæcla priora
 Veros induerint habitus veteremque nitorem.
 Gaudete illustres animæ, si quid modo, si quid
 Jam sapitis, sensusque aliquis Acherunte sub imo est.
 Aurea mens illi, vox dulcis tincta Suida
 Nectare, & omne genus rara ac miranda bonorum
 Congeries: vno se pectore cuncta recondent.
 Varronis memini, docti memini Arpinatis;
 Sed taceo. & tacuit cum dicto præscia Dina.
 Salve cura Deum. Sed & à mea maxima cura
 Ac desiderium: quem suspiramus, & vsque,
 Ingenti quæquam dissepimur intervallo,
 Visibus hinc animi tuimur tamen omnituentis.
 Hæc tua lux & amæna tibi & genialis agatur,
 Antiquumque tuum obtineas. nam scimus, & vna
 Commemini tecum festum hoc agitare suæve,
 Vitigenumque hilarè Genio libare liquorem.
 Ferrea non animi delibent tempora pacem,
 Non vis morborum, non ærumnabile bellum,
 Et nostræ, heu, minitans patriæ res convertere fundo.
 Fortè breui meliora sequentur, moxque futurum,
 Ut tantis stet pausa malis, aliquisve Deorum
 Hos patriæ fluctus, hos tranquillauerit æstus.
 Namque vices rerum (tua sit fas dicta referre
 Hoc signata animo) sunt; & quæcumque geruntur
 In terrarum oris, rapido ceu turbine semper
 Versantur, nihil unquam loco consistit eodem:

*Ac veluti variat faciem Oceanica Tethys,
 Nunc hiemante mari, caloque minantibus vndis,
 Nunc iisdem placidis & leniter equore strato;
 Hac itidem alternare volunt & vertier vsque
 Fatilæ æterna atque immutabilis ordo.
 Ipse vnus sapiens sibi constat: cumque minetur
 Horrida tempestas supra caput, ille futuri
 Securus fruitur presentibus; ac pote quantum,
 Curasque luctusque animorum cæca venena
 Declinans, placidum tranquillumque exigit æuum:
 Secreto assimilis mundo summum æra supra
 Lunaremque globum, quem numquam grando nivesque
 Horrificant, numquam vis fulminis ignea flammæ,
 Non agitat Boreas, non imbricus Auster; at vnum
 Obtinet ac nullâ violatum nube serenum.
 Seria sed valeant hodie valeantque seueræ:
 Absit sollicitus sermo, nec fabula mæsta
 Obscurâ nitidam temeret ferrugine lucem.
 Nulla hodie occurrant atrî vestigia luctus,
 Obscureque nihil. per sudum nulla vagentur
 Nubila, siluisfragus requiescat flamma Caurus,
 Atque ingens placidum stagni stet more profundum.
 Desinat argutam Pandione nata querellam:
 Desinat & lessum coniunx miseranda Ceycis.
 Ipsam arescentem spectet Sipyliæ pubes
 Tantalida, & lachrimam stupeat non depluere vllam.
 Largior at solito laticum fluat Aonijs fons,
 Et plus Pierij saltus siluæque virete.
 Omnia lætitiæ sint nostræ adfina: fausta
 Passim verba sonent, plausus atque omnia læta.
 Hoc ius, hoc fas est: tu porrò candide sapè*

*Natalis redeas; tu fecte & fauste dierum,
Jucundumque habeas seris te LIPSIVS annis,
LIPSIVS Adriaci qui vincere pulueris annos
Pluriaque est dignus viuendo condere sacra.*

QVERELLA ABSENTIÆ.

Q*Vid me nunc urbis strepitum fumumque quiete
Mutasse & calò liberiore iuuat ?
Quid ruris secreta, quid optata otia profunt,
Et sopor ad fontem lenè strepentis aque ?
Quò mihi nativos prati ridentis odores,
Quòsque leni spirant à pluuià segetes ?
Quò liquidas auium voces per frondea tecta,
Cum matutino rore madescit humus,
Si procul à Musis, abs te cultissime LIPSI,
Dego rudes inter dissimilèsq; mei ?
Si te mens animi miserè cupit & suspirat ?
Quo nil Sol spectat doctius & melius :
Humanam suprà qui mensuramque modumque es,
Atque ita sim felix, Numinis instar habes.
Quicum una quoties, aurà inuitante Fauoni,
Grudia non celeri culta pererro pede,
Sermonemque bibo suspensis auribus omni
Conditum Sophia Pieridumque sale,
Sermonem Hyblæo stillantem melle, quod ipsa
Adpersit Peitho, quod Venus & Charites,
Protinus exuitur quicquid dolet, atque animo omnis
Prorsus amarities & scabitus fuit,
Quicquid & internam pacem delibat, ab herbâ
Ceu Lacedamonis lætificante Helenes;*

Inque vicem purâ pectus dulcedine tangor,

Quæ sit vel dulci dulcior ambrosii:

Catibus & qualem caelestibus assumptorum

Percipere Heroum credibile est animas,

Concilio Diuum cum Jupiter ora resoluens

Resque hominum pandit fataque tam varia:

Sollenni aut epulo, cum quâ præclara Deorum

Dona canunt molli voce Heliconiades,

Quâ tenerum arguâ testudine carminis auctor

Carmen mobilibus temperat articulis.

O nunciam quæ tanta reducet gaudia lucem!

O mihi felicem terque quaterque diem!

Quod si fatorum lex durior intercedet,

Summaque habent summi numinis imperia,

Me longè externas aliquando diuidere oras,

Expertemque tuis, ab, facere alloquiis,

Tum nec arena Tagi me tota, nec aurifer Herminis

Theaurique inuent diuitis Arabia:

Nec magè Sidonio saturata murice vestes,

Leſtaque Erythraïs bacca sub æquoribus:

Nec domus ampla, ubi eburque renideat atque argentum,

Et ferat auratas Afra columna trabes,

Affiduè populo quæ concelebrethur, & omni

Mane salutantum perſtrepat officiis:

Quicquid & eſt horum, quæ Janus ſummus ab imo,

Nec nemo è vulgo ſuſpicit atque ſtupet.

Hac alius cupiat atque æſtuet, improba quanti

Ambitio taxat ſtultaque auaritia,

Quæ neque curarum ſtrepitum mentisquæ tumultus

Sedant, & repetit perfida ſepè Dea.

At mihi ſit (Voti ſumma hac) te, PRIMA VIRORVM,

Simplex

Simplice vel cultu, sis ubicumque, frui:
Sis ubicumque, domum seu perpetuò urbem habebis;
Seu, dudum quod aures, auia rura coles:
Seu certum, in patriâ sortem quamcumque manere,
Sive erit illa bona, sive erit illa mala:
Seu potiùs, statione alibi te condere tutâ,
Dum venti ponunt, dum fera lenit hiems.
Tecum ego nam possim vel regna niuosa Aquilonis,
Auersi fines vel penetrare Noti;
Et sine Hesperios stabile est seu visere Eòs,
Visere & Eòs, visere & Hesperios.
Ergo iam vallésque mihi collésque valete,
Aruaque que vixit iam ressecanda Ceres.
Ergo filua vale, cuius ego tutus in umbrâ
Defendi capiti torrida solstitia:
Silua vale, toties quâ nulli debita cura
Moraque cum fragis legimus & cerasa,
Capripedésque salax Faunos genus & Satyriscos
Vidimus arte vagas prendere Hamadryadas.
Ite procul teneris cum satibus, ite capellæ,
Jam vestri satias me tenet ac pecoris:
Non ego vos posthac pendentes rupe videbo,
Bucera nec vallem sacra per irriguam.
Sed neque vos alacri iuuenes contendere cursu,
Missilibúsve scopum figere arundinibus:
Nec molleis choreas, nudâ cum rustica surâ
Virgo leues scitè subsiluit ad numeros.
LIPSIVS antistat rebus longè omnibus vnus:
Hoc omnes vno sunt mihi delicia.
Hic nos te subigat Rhodopeie deferere Orphen,
Atque Amphionia dulce mēlos cythara:

*Tu quamvis blandus auritas ducere quercus;
 Hic lapides cantu mouerit & scopulos.
 Ac veluti Clytien Sol aureus, atque Erymanthis
 Iugiter Herculeum stella trahit lapidem:
 LIPSI me virtus rapit incluta, & obstupefactum
 In se admirandis figit imaginibus.*

IN SENECAM A L LIPSIO
 RESTITVTVM.

A Ntiqui monimenta Sophi, quo sidera tangit
 Est Pandionis vrbs Martia certat Athenis,
 Indignis affecta modis, multisque pudendum
 Manca & hiulca locis; sed & aspera vulnera passa
 A Criticorum obelis & auari dentibus aui
 In medio leti quasi limine versabantur,
 Jam tinea deuota epula blattaque voraci.
 Non tulit hoc, reliquis tacite mussantibus, ardens
 LIPSIADAE virtus, quae passim sternere monstra,
 Quae coniuratas acies atque agmina contra
 Barbariae ire solet, totamque immane furentem
 Ac tumidam imperio & late dominantibus armis
 Versa fugam dare terga subegit, & excellentes
 Restituit Latio ciues, orbique magistros.
 Ille atrox prodire nefas haud passus, & hocce
 Tam detestando temerari crimine saeculum,
 Occupat auxilium, & notas accingitur artes:
 Noxia quicquid gangrana ac tabida serpere pestis
 Desit ulterius: quicquid cruda & hiantia late
 Sicut Apollineis coïcunt vulnera succis:
 Stigmata quicquid faciesque cicatricosa recessit,

Inque

Inque vicem nitida illa ac germanissima forma,
 Carmine ceu magica' ve redit Titanidos herbis.
 O sacer, ô magnus LIPS I labor, optima leto
 Eripere, integramque colum & noua condere fata!
 Nam verè mors est geminata atque altera Parca
 Scriptorum interitus: quibus auctor quippe superstes
 Ipse sibi, Fameque aternum viuit in ore.
 Scilicet hi fructus, hæc præmia digna laborum,
 Bis Stygios innare lacus, bis turpia monstra
 Formidare Erebi, nec fungi simplice fato.
 Verùm hæc ut paueant alij, tibi nulla timenda
 Magne tamen LIPS I: te tutum viuida virtus
 Inque alios præstat pietas: tibi nescia ledi
 Membra, tibi nullo corpus penetrabile telo:
 Quale tuum Perrhæbe, tuum Neptunie Cycne.
 Si non ergo nigris miscentur cuncta fauillis,
 Si mens, ut certum, cineri bustoque superstes,
 Desuper ex altâ mortalia despicit arce,
 Quis tibi nunc, ANN AEE, videntitalia sensus,
 Quidve modò est animi, cum præstantissima cernis
 Ingenij monumenta tui, iam penè sepulta,
 Ac tristi cinefacta rogo, dubitata tueri
 Astra & succiduo melius splendescere cultu?
 Cum prodire iterumque virum volitare per ora
 Scripta tui sanctos animi testata recessus,
 Unde velut diti fluxerunt aurea venâ:
 Scripta, quibus sacro Virtutis pectora thyrso
 Percussa exstimulas, pulchroque Cupidine honesti
 Vel supra Alpinas inflammas algida ninguetis.
 Virtutem solam dum concinnare beatos
 Posse doces: hanc & tranquillâ in luce locare

Et veris cumulare bonis, quæ turbine nullo
 Fortuna excutiat, quæ firma & fixa perennent:
 Cetera quæ vulgum capiunt cœu grandia, parua
 Esse rei, fucum titulo faciente decoro.
 O ter & ô quater hoc felicem in vindice! quo se
 Porget ab Occasu rediituum nomen ad Ortum,
 Nullaque venturis dispendia sentiet annis.
 Corniger vt quondam Laurente Numicius ora
 Aenean Anchisiaden iam cæcula celi
 Sidereasque domos spectantem mortis ab omni
 Labe prius liquidis in fontibus expurgans:
 Vt Thetis in mæsti nimium solatia nati
 Nectaris ambrosia confuso rore iacentem
 Imbuit Aëtoriden, & cassum lumine corpus
 Integrum ad seros tumuli seruauit honores:
 Ille tibi quicquid lutea superabat ab vdd
 Facis humo, quicquid reliquum contagis inesset,
 Eluit, æternaque dedit vernantæ iuuentæ
 Securum immanes aui contemnere vires.
 At benè te, LIPSII, benè te, cui cura mereri
 De multis benè, & officiis congnune iuuare:
 Qui velut astrorum dominus, velut ætherius Sol
 Ingenij radiis ardentibus abdita claras,
 Obnuptasque altæ soluis caligine mentes.
 Te lemmiscata decora ambitiosa corona
 Gemmatique premant orbes: tua tempora mille
 Circumeant laurus: tibi cera & magna elephanta
 Congeries, varij tibi pondera vassa metalli
 Et picturatis animentur marmora venis:
 Omnis te celebret Phœbi Chorus: ingeniorum
 Omne tibi cesset genus, & persolvere tantis.

*Mercedem meritis immixtis certet habenis.
 Ipse quidem parvâ facio tibi pauper acerrâ,
 Vilibus & Samiis ad nudi cespitis aram;
 Sed puris herclè manibus, sed pectore casto.
 Ac veluti cùm magna caput contingere signa
 Al'tè educlâ vetat moles, sum ponitur imâ
 In base florentis donum solenne corona:
 Sic nos tantarum ad fastigia surgere laudum,
 Temporaque & sacros inopes incingere crines
 Floridula ante pedes deponimus hæc tibi sarta:
 Serta, mihi nuper quæ concinnata reduclâ
 Phocidos in conualle sub umbrifero Parnasso.*

ALTERVM APOBATERION.

ERgo tanti erit è patria decedere flammâ,
 Ac fortunatas rursus adire plagas?
 Tanti erit aternâ sedem mihi figere in vrbe
 Inque clientelâ principis esse viri,
 LIPSIVS ut linquatur? hic editus ex Jove ramus?
 Palladis hic mystes atque Heliconiadum?
 Qui me præcipuo complexus amore, parentem
 Tantum non operâ consilioque gerit:
 Quem præter cunctos ego uligo, proque parente
 Obseruo atque piis prosequor officiis.
 Dispice sis anime, & totum benè discute tecum,
 Nilque inconsulto quicquam age consilio.
 Nam temerè quisquis rem cæptat & impete cæco,
 Turpiter hunc paullo pòst piget atque pudet.
 Omnia sunt pensanda, vagi nec fluminis vnda
 Stultè intentato est ingrediunda vado.

Sed quid ego hæc toties nequicquam vulnera tracto?

Quid toties unum hunc me refero ad scopulum?

Nil iam nil horum me fallit, & omnia mecum

Sapè volutavi corde animoque prius.

Sentio quæ faciàm dispendia, quo cruciatu

Mæstum hoc afficiet me modò discidium,

Cùm lacrymis sparsus rorantibus osque genasque,

Triste inclinatâ vocę iterabò Vale :

Ut desiderijs post factum ingentibus ictus

Ipse accusabo meque meumque abitum.

Sed tamen est fundus mihi LIPSIVS : ille futurum

Vitabile atque in rem deputat istud iter.

Imò etiam iurat, melior sibi sanguis & ætas

Esset, in afflictâ non fore diu patriâ ;

Sed grata exsilia & felicia quesitum,

Quæ Diui nondum deseruere, loca.

Hoc hoc aussicij satis est, non vos ego vates,

Non ego vel lituos templaque vestra morer :

Non ego pensi habeam, pecudum quid fibra minetur,

Quid creperi fati provida cantet avis.

LIPSIVS est nobis augur, Chaldeus, harsipex :

Hic mi de celo servat, hic exta spicit.

Huic ego dum lito, Phæbe tuos ignoro profatus :

Nil mihi cum monitis Juno Moneta tuis.

Nec caussa est, illum cur credam abeundo relinqui ;

Peciore gestabo tempus in omne meo :

Et cùm disjunget tantum terræque marisque,

Mente individuus, mente ego iunctus ero.

Semper inerrabit sermonum vena Venusque :

Semper inhærebunt auræ tot monita.

Quin etiam coram velut aspectare videbor,

Et dicam, Sic fert ora, manus, oculos :
 Morumque effigies occurret, & illa suavi
 Temperie lenis letaque serietas:
 Illud nescio quid mentes inflectere praesens,
 Et capere, vt magico saga ministerio.
 Nec me deficiet quosuis accurrere Belgas,
 Panula quosque teget, caussa quosque teget,
 Omnibus atque habitis post rebus, querere id vnum,
 Dicite dum, Rectè LIPSIVS an ne valet?
 Ingenueque oculos ipsi debere fatebor,
 Atque adeò nexu & mancupio esse suum.
 Euentura loquor: spirare absistite venti;
 Nil vobis seritur, nil nebula aëria.
 Sic longum mihi iter Dii fortunate viales;
 Quod grauibz me angit sollicitudinibus:
 Sic tutò Alpinas mihi sit transcendere rupes,
 Et calo atque solo reddier Italia,
 Pacatàque olim patrià carisq̃ fruisci,
 Et cessare meis vsque Heliconiasin.

LACRYMÆ IN FVNERE

IVSTI LIPSI.

Ferales numeros & lamentabile carmen
 Ægro animo, nigràque obseptus nube doloris
 Ordior. An Cyrrham mihi fas atque antra mouere
 Delia? an Aëneas precibus ambire sorores?
 Et ius & fas est. nec enim parua vmbra cietur;
 Manibus, heu, lacrymas LIPSI damus, illius olim
 Mylla Phæbe tui, atque tui, Polyhymnia, cætus.

P 3

Ergo

Ergo seu rupes vos Theſſia, ſine biuertex
 Parnaſſus, doctæve tenent inga ſacra Heliconis,
 Seu nemorum ramoſa domus, ſecretæque ſanctæ
 Caſtalia, ſecreta animis gratiſſima veſtris,
 Sufficite infando vocem ingeniûmque dolori.

O noſtrum quondam LIPSI decui! ô mihi cari
 Patris amate vicem, quis te rapit, heu, mihi liuar?
 Quis feſtinatis, heu, ſic intercipit annus?
 Siccin' abis noſtri ſidus mirabile ſæcli,
 Siccin' abis, nec te poſt uſurpare licebit
 Ampliùs hiſce oculis? non auſcultare loquentem,
 Et dignas adytis voces dimittere in aures?
 O Atlantiade, & cum virgine Phæbe patrum,
 Vos decuit, decuit vos intercedere iuſſis.
 Fatorum & veſtro noxam defendere alumno:
 Quò nil Cecropiæ tulerant præſtantius arces,
 Nil Latium vetus atque nouum, nil Gallia triplex.
 Qui dignus Pylas cui contingere metas,
 Atque omni tandem poſito ſenioque ſitûque
 Æſoni in morem reuiſcere, ſine ſolai.
 Saltim cygneam ſi vocem & iuſſa fuiſſet
 Excipere, atque aliquod ſupremo tempore Fungi
 Trifte miniſterium: ſi prono colligere ore
 Effugientem animam, caligantēque propinquâ
 Claudere morte oculos, mœſtûmve ſubire ſeretrum,
 Solamen tanto ſit lenimenque dolori,
 Nunc eſt omni expertis ſomento plaga, nec ullâ
 Ad ſanum coitura die: nunc prorſus in ima
 Viſcera totum enſem & vitæ ſecreta recepi.
 Nec certè Ægidem grauioribus externaui
 Luſtibus interitus letûmque parentis acerbum,

Quam

Quàm me nigra dies properatâque funera LIPSI.
 Nam quamvis nullâ consanguinitate propinquum,
 Hic me non alio complectebatur amore,
 Quàm si sanguis ego verè ipsius: omnia nobis
 Unus erat, quæ læna mihi simul omnia Diva
 Abstulit. O vbi nunc amor ille & cura paternâ?
 O vbi spes, vbi votorum mensura meorum?
 Arx vbi præsidiumque meum? quo sospite ouabam
 Toto animo, calumque manu contingere rebar:
 Pampinus vt palmesque tener, cui grandior vlnus
 Firma pedamenta & ramorum fulcra ministrat,
 Mox animos tollit, mox dulcis cogitat vnas:
 Ah, quis apex animi nunc internuncius ibit?
 Quis dubio responsa dabit? quis fulgida cecis
 Errorum in tenebris præpandet lumina menti?
 Quis varios agri sedabit pectoris assus
 Dulcibus alloquiis, postluniniòque reuersum
 (Si quando hoc voto Superis damnabimur æquis)
 Excipiet, blandisque premet mea colla lacertis?
 O calum! ô tellus! ô falsipotens Neptune!
 Omnia mi periere, illi cùm lumen ademptum,
 Qui mihi lumen erat; iam nox manet atra dolorum,
 Omnia iam tristi mihi tempora felle madebunt.
 Nec me sacra iuuent, quorum percussus amore
 Antè fui; valeant mea quondam gaudia Musa.
 Tantùm flere lubet, luctum pro LIPSIÒ amabo,
 Et rudibus cantabo modis lacrymabilis carmen,
 Quale vel Alcyones in littoribus desertis,
 Vel sub populeâ modulatur Daulias-umbrâ,
 Pignera cùm nido detraxit callidus auceps.
 Ipsa cum socio Charites grege Fontigenarum

Tam

Tam cari capitis queritantur praeoque fatum
 Et gemitu & lacrymis & luctifondo concentu,
 Castaliisque timent posthac ne fontibus humor
 Desit, & assuetas silvas arida denegat umbras.
 Adde & Musarum comites, & quotquot ubique
 Virtuti Sophiaeque litarunt, omnibus agere est,
 Omnes excessu LIPSI tenerè illacrymarunt.
 At misera ingeminans lugubres Belgica lictos
 In caelum & Superos liberrima verba profundit
 Dirumpitque sinus, nudataque pectora plangit,
 Aut deturpatos laniat sibi pulvere crines,
 Luctu amens, tumultoque inconsolabilis haerens.
 Elysium contra Chaos & iucunda virentia
 Fortunatorum nemorum tanti hospitis ergo
 Latitiâ plausuque fremunt: hunc agmina stipant
 Semideum Heroum: hunc certatim vndeundique magna
 Aduolitant anima, mirabundaque pererrant
 Luminebus tacitis, sociumque adiungere gaudent:
 Haud aliter quam cum feto patris edita busto
 Prodit auis, magni tendens per inania mundi
 Ad Ptolemaëas Arabum de sinibus oras,
 Alituum coit omne genus, solisque volucrem
 Attonitæ densò circum agmine conglomerantur.
 Salve supremum Suade illibata medulla,
 Doctrinae Sophiaeque penus, clarissima prisci
 Fax aui, & veterum scriptorum acerrime vindex,
 Humano propè maior, & egragium indaigentis
 Natura specimen, LIPSI optime maxime salve,
 Supremumque vale, facilisque hos pectore ab imo
 Depromptos gemitus atque illatabile murmur
 Accipe; si mea non odiosa ingrataque quondam

*Musa fuit; si te mappam mittente, tuisque
 Auspiciis primum spatia haec decurrere cœpi.
 Accipe quod præstare Diis hic manibus unum
 Officiosa potest pietas, quæ soluere iusta
 Mens agra ac magno valet oblimata dolore.
 Posterius cum me patria fors prospera reddet,
 Cottidie tua busta salutaturus adibo,
 Et benè, mi Doctor, repetam placidèque quiescas:
 Cottidie flores ferti simul atque soluti
 Plenis spargentur calathibuscis, vrndæque felix
 Myrrhâ & Achemenio semper stillabit amomo.
 Semper apud memorem meritorum gratia stabit,
 Et sincera tui reuerentia. Non potes vllos
 Parca ferox magno fines præscribere amori,
 Non potes; ipsa suis paret mens legibus, omni
 Libera hero, nullis docta inservire lupatis.
 Quid libri? quid scripta? quis illis marmora & altos
 Pyramidum sumptus animosaque conferat era?
 Hæc ferro, hæc flammâ fugitivorumque caduca
 Ictibus annorum, nulla illis tempora, nulla
 Sunt metæ: quævis leget ac mirabitur atas.
 Namque olim Genio sunt nata Diis que secundis,
 Sapius & dio rore imbuic alma Juuenta.*

Tantum est: nec istis de Herœe nostro, quod cò
 non pertineat, adiici quicquam decorè posse vi-
 deatur. Corollarij tamen vice attexam Elegeidion ad
 suauissimum & optatissimum fratrem meum: non
 musteum illud quidem atque recens, sed ante trien-
 nium, cum in Italiam ex Hispaniâ traiceret, ad eum

Q

missum.

missum. Discupio enim aliquod hîc exstare amoris
& grati in ipsum animi monumentum, qui tum artifi-
ci manu, tum acri certoque iudicio non parùm in
Electis me iuuit.

AD PETRVM PAVLLVM RVBENIVM
nauigantem.

Non sic Amonio trepidauit mater Achilli,
Cum Laertiada cognitus indico
Pro Menelaëâ sumpsit bella horrida causâ,
Et praeceps arces iuit ad Iliacas:
Non sic dilecti discrimine mota maris
Penelope, Graiae fama pudicitiae,
Spumantem quoties Maleam atque Capharea saxa,
Jonii que audit tanta pericla maris:
Nec sic Aegeo posuit qui nomina ponto
De caro Thesei sollicitus capite,
Dum soluit patriis à littoribus Pyrei,
Androgeoneis manibus inferiae:
Quàm modo magna tui diuexat cura meum cor,
O mihi vel luce hac frater amabilior.
Tyrrhenum te nunc parua trabe currere marmor
Et maris, heu, fluxa credere te fidei!
Nunc ubi ventorum vis horrida debacchatur,
Infestisque hiemant aquora sideribus.
Ah, gemat aeternum, qui primus, naue parata,
Ausus in immenso velificare salo.
Hinc nos ludibrium facti pelagique notique:
Hinc immatura mortis aperta via.

Hectora

*Hecſtora qui magnum ſapè & Phrygia agmina contra
 Inuiſto ſteterat cum Telamoniade
 Locrorum ductor, nimia vi merſus aquarum
 Liſtoreis iacuit ſæda rapina auibus.
 Et tibi, quæ cunctis mortalibus antiſtabas,
 Quid verſutia, quid prouida mens, Ithace,
 Jönio in magno valuit: longè tibi longè
 Tuum fuit, heu, dolus & callida conſilia.
 Nec tibi litterula, mi frater, nec tibi quidquam
 Vena vigorque acris proderit ingenij:
 Nec manus artiſces effingere docta figuræ,
 Ac vel Apelleis pingere par tabulis.
 Diique Deæque omnes, qui cali lucida templa,
 Qui terram colitis, qui mare nauigerum,
 Et vos ante alios, Tyrrhenum quos penes aquor,
 Ferte ſalutarem (namque poteſtis) opem.
 Formidata rati defendite ſidera, nimbos
 Quæque ſolent, pelagi quæque ciere animos.
 Æoliam rabiem metuat malè barbarus atrox,
 Et cui non pura ſacrilegæque manus.
 Ille nigri fremitum ponti horreat: ille minantes
 In cælum fluctus pallidus aſpiciat.
 At tibi nec ſubitis quid peccet motibus Auſter
 Noſſe ſit, & quantus detonet Oärion,
 Nec miſerâ tacito iam muſſante arte pauore
 Optatos trepidè querere Tyndaridas;
 Sed ridente ſalo & modicè vibrantibus vndis
 Leniter adſpirans aura ſecunda ferat,
 Grata coronatâ dum admotâ ad littora prorâ,
 Equareis votum diſſoluatur heris.
 En erit, ut veniat lux hæc properantibus horis,*

Hic radiet niveis Delius alitibus?

En erit, vt fratri curram obuius, & venienti

Jucunda hæc manuum vincula vt iniiciam?

Tum mihi fulua Tagi venient sub tecta fluenta,

Eoique legam dona opulenta maris.

At nunc, heu, misero peracescunt omnia: nulla

Non mala, te rursum dum potior, patior.

Quin etiam studia hæc, quæis nil acceptius antè,

Et quascumque odi delicias animi:

Solis & ipse parùm, mihi crede, est lucidus orbis,

Luridaque obtusis cornibus ipsa soror:

Obscuri astrorum, quibus æther pingitur, ignes,

Ipsi etiam mellis fellis amaror inest.



C E N S V R A,

PHILIPPI RVBENI Electorum Libros duos, eiusdemque ad IVSTVM LIPSIUM Poëmatia, ab eruditione & elegantia commendo, ac publicâ luce & lectione digna censeo. Antuerpiæ, Id. Nouemb. M. D C. VII.

Laurentius Beyerlinck S.T.L. Ecclesiæ Cathedralis Antwerp. Canonicus & Censor.

S Y M M A P R I V I L E G I I

ALBERTI ET ISABELLÆ CLARÆ EVGENIÆ, Archiducum Austriæ, Ducum Burgundiæ, &c. Serenissimorum Belgicæ Principum, Priuilegio cautum est, nequis *Philippi Rubeni Electorum libros duos, eiusdemque ad IVSTVM LIPSIUM Poëmatia*, præter voluntatem Ioannis Moreti, typographi Antuerpiensis, intra sexennium excudat, aut alibi excusa in inferioris Germaniæ ditiones importet, venaliave habeat. Qui secùs faxit, confiscatione librorum, & alia graui pœna mulctabitur: uti latius patet in litteris datis Bruxellæ xv. Nouembris M. D C. VII.

Signat.

Buschere.



ANTVERPIAE,
EX OFFICINA PLANTINIANA,
Apud Ioannem Moretum.
cId. Idc. viii





